

Jág₁ Dse₃ quió'₅ Diú₄ a₂ca₂tó'₂ San Marcos ne₄ Si₂

'É₂ Juan₅₄ jág₁ quió'₅ Diú₄ caun₂ 'uë₃ co₂'ñiog₅
(Mateo 3:1-12; Lucas 3:1-9, 15-17; Juan 1:19-28)

1 ¹ Le₂la₂ bá₄ ca₂rë₃lióg₃ jág₁ dse₃ quió'₅ Jesucristo, Ja₁ñi'₅₄ Diú₄.^a
² Jui₁lia'₂ lé₅ tio'₅₄ ne₄ si₂ quió'₅ dsa₂ i₂jme₁'é₂ jág₁ quián₂ Diú₄
ma₂líg'₂, ja₁juá'₂ le₂la₂:

Tsing₅₄ jan₂ dsa₂ quiáng₃

ne₄ jui₅ quiáng'₂, jón₃,

a₂dsi₃can₅ jág₁ dse₃ jin₄ dsa₂ mi₂güí₃,

jaun₂ jmo₃ co₂jñia₅₄ jui₅ quiáng'₂.^b

³ Jaun₂ né'₂ 'é₂ dsa₂ 'éi₂ jág₁ co₂mi'₅₄

caun₂ 'uë₃ quein₂ co₂'ñiog₅, jaun₂ i₂'éi₂ juá'₂:

“Jmo₄ 'nia'₂ co₂jñia₅₄

jui₅ quió'₅ Te₁gui'₅₄ i₂jiá₃.

Nia₄ 'nia'₂ caun₂ jui₅ co₂dsau₅.^c”

⁴ Jaun₂ le₂la₂ ca₂rë₃ti₃ jág₁ nē₅: Ca₂guan₃ Juan₅₄ caun₂ ja₁lé₄ 'uë₃
co₂'ñiog₅ ca₂choin₃ jmig₂ dsa₂, qui₂ca₂'é₂ jág₁ a₂tsón₃ dsa₂ jmig₂,
jë₁ma₂ca₂dsi₃quén'₅ dsí₅ ia₁jaun₂ le₃'én₂ dsáu₁. ⁵ Jaun₂ ca₂le₃jín₃ dsa₂
chan₂ juig₂ Judea quian'₅₄ dsa₂ i₂chan₂ Jerusalén né₃, ca₂i₁lein₅₄
ja₁jme₁'en₅₄ Juan₅₄. Qui₂ca₂jmo₃ dsa₂ qui₂ñí₃ quió'₅ ca₂le₃jé₃ dsáu₁.
Jaun₂ gué₄ ca₂cho₃ Juan₅₄ jmig₂.^d Cuá₃ Jordán.

⁶ Ni₁tsin'₅₄ Juan₅₄ 'éi₂ jme₁lé₄ quian'₅₄ ni₁jñí₁ já'₂ camello. A₂jme₁jén'₅
tú'₅ guë'₂ né₃, lo₄ já'₂. Má₃ a₂jme₁guë'₅ guë'₂, jmá'₃ i₁ni'₂ tia₄ quian'₅₄
jmi₁tá'₄ cha₂ja₁nau₂. ⁷ Caun₂ ca₂ñi₃ bá₄ 'é₂ jág₁ dse₃, juá'₂:

—I₂jiá₃ chi₁co'₅₄ quió₃, i₂'éi₂ bá₄ i₂'uan'₂ i₂tin₂ gué₄ lia'₂ con'₂ gué₄
jniá₂, ca₂lia'₂ jñia'₅₄ lau₂ ton₅ tag₅₄ tsá₃ ca₂tíng₂ tsi'₅₄. ⁸ Jniá₂ nē₂tiáng₃
'nia'₂ jmig₂; la₁ 'éi₂ guë'₂ né₃ tióg₂ Jme₂dsí₂ Jñió₅.

Ca₂chon₃ Juan₅₄ jmig₂ Jesús

(Mateo 3:13-17; Lucas 3:21-22)

⁹ Jmig₄ jaun₂ o₂'ín₃ Jesús juig₂ Nazaret, ja₁tén₄ Galilea. Nó₃ ja₁'en₅₄
Juan₅₄. Ja₁jaun₂ ca₂cho₃ Juan₅₄ jmig₂ ca₂choin₃ Jesús^e Cuá₃ Jordán.

¹⁰ Jaun₂ dsi₂jui₅ jme₁ca₂'ñio₂ Jesús ne₄ jmig₂, ca₂jág₃ ca₂niá₃ dsi₄
mi₂güí₃. Jaun₂ ca₂sión₃ Jme₂dsí₂ quián₅ Diú₄ i₂lín₅ lia'₂ lín₅ jan₂ i₁ju₂,
ne₄ quió'₅. ¹¹ Jaun₂ ca₂né'₂ jág₁ a₂já₅ guei'₅₄ i₂juí₃ a₂juá'₂:

^a1 A₂lin₅₄ chog₅₄ si₂ tsá₃ chi₁ton₅ “Ja₁ñi'₅₄ Diú₄.”

^b2 Malaquías 3:1.

^c3 Isaías 40:3.

^d5 lit. “ca₂tióg₃ Juan₅₄ jmig₂”

^e9 lit. “ca₂tióg₃ Juan₅₄ ca₂tiáin₂ jmig₂ Jesús.”

—'Ne₂ bá₄ líng'₅ jón₃ quiáng₃, i₂ñí₄ lë₃ 'nióg₃ gué₄ lín₃; 'E₂ bá₄ 'ñio₂ dsi₃ quián'₅₄ 'ne₂.

Ca₂caun₃ i₂së₃dsen₃ táu₂ quió'₅ Jesús

(Mateo 4:1-11; Lucas 4:1-13)

¹² Dsi₂jui₅ jaun₂ ca₂jio₃ Jme₂dsí₂ quián₅ Diú₄ caun₂ jui₅ 'uë₃ co₂'ñiog₅.
¹³ Jaun₂ ja₁jaun₂ ca₂'í₃ të₂láu₃ jmi₄ ia₁jaun₂ cáun₂ táu₂ i₂së₃dsen₃.
 Ja₁jaun₂ jme₁tion'₅₄ já'₂ tsau₂ dsí₅. La₁ ca₂o₃lén₂ ángeles ca₂jme₃'o₅₄.

Ca₂jme₃lióg₃ Jesús jme₂tiin₂₃ dsa₂ jág₁ dse₃

(Mateo 4:12-17; Lucas 4:14-15)

¹⁴ Jme₁ma₂ca₂ton'₂ dsa₂ Juan₅₄ né'₃ 'má₃, Jesús né₃ ca₂ñei₅₄ jui₅ Galilea i₁'é₄ jág₁ dse₃ quió'₅ Diú₄, ¹⁵ juá'₂ ñi₂₃:
 —Ca₂dsin₃ jmi₄ a₂ja₂quián₃ a₂jme₃gón₃ Diú₄. Jaun₂ lë₃ jui₁dsi₂quén'₅ 'au'₂, jui₁le₂'én'₂ 'nia'₂ jág₁ dse₃.

Ca₂té'₃ Jesús quén₂ dsa₂ i₂jme₁tion'₅₄ tsán'₂ ju₄

(Mateo 4:18-22; Lucas 5:1-11)

¹⁶ Co₂ráun₂ ca₂ñi₅ Jesús chei'₅₄ jmi₁ñí'₄ Galilea. Ja₁jaun₂ ca₂jín₂ Si₂mu₅₄ quiain'₅₄ Dré₄ riin'₅₄. Jme₁tiin'₅₄ táun₂ 'má₅ dsi₂jmi₄, ia₁ jme₁lín₄ dsa₂ i₂jmo₅ ta₁ tsán'₂ ju₄. ¹⁷ Jaun₂ ca₂juá'₂ Jesús:
 —I₂nó'₅ 'nia'₂, jme₁quiong'₅₄ jniá₂, jaun₂ cuë₅₄ ta₁ a₂chi₁liang'₂ dsa₂ mi₂güí₃, jui₁lia'₂ chi₂lián'₁ 'nia'₂ ju₄.

¹⁸ Jaun₂ dsi₂jui₅ bá₄ i₃lén₂ quiong'₅₄; ja₁jaun₂ ca₂dsia₃ bá₄ tsi₁'má₅ quió'₅.

¹⁹ Me'₂ bá₄ ja₁i₃lén₂ gué₄ jme₁ca₂jín₂ i₂chen₂ Jacobo quiain'₅₄ Juan₅₄ riin'₅₄, ja₁ñi'₅₄ Zebedeo. Jme₁tiin'₅₄ 'ñió'₃ tsi₁mu₅ jmóg'₅ 'má₅ quió'₅.

²⁰ Dsi₂jui₅ ca₂té'₃ i₂'éi₂ ján₃; ca₂tén₂ bá₄ guë'₂ 'éi₂ né₃ Zebedeo jmei₂ 'ñió'₃ tsi₁mu₅ quián'₅₄ mozo quián₅.

Jan₂ dsa₂ i₂jme₁'en₅₄ jme₂dsí₂ 'lin'₅₄ të₂dsí₅

(Lucas 4:31-37)

²¹ Jaun₂ dsi₃lén₂ jui₄ Capernaum. Caun₂ jmi₄ sa₅₄, ca₂'í₃ Jesús guá'₅ sinagoga. Jaun₂ ca₂jme₃lióg₃ ca₂jme₃tiin₂₃ dsa₂ jág₁ dse₃. ²² Ca₂le₃jín₃ i₂ca₂nág₂ né₃ ca₂i₃gó'₃ dsí₅ jág₁ quió'₅, ia₁ ca₂jme₃tag₂₃ jui₁lia'₂ jë₁jme₂tag₅ jan₂ i₂'io₅ 'éi'₃, on₃jua'₅₄ rë'₂ jui₁lia'₂ jme₂tag₅ të₅juá'₅. ²³ Jë₄ jaun₂ ca₂dsióg₃ jan₂ dsa₂ i₂'en₅₄ jme₂dsí₂ 'lin'₅₄, ca₂juá'₂ guió'₅ tiá₂:

²⁴ —¿'E₂ lë₃ tián'₅ 'ne₂ Jesús Nazarenó^f jë₄ quián₂ jnia'₅₄? A₂jñia'₅₄ 'niog'₂ 'éng'₄ jnia'₅₄ bá₄ 'ne₂ ñe'₃. Guion₄ jniá₂ 'ein₂ líng'₅. 'Ne₂ líng'₅ dsa₂ jñió₅ quián₅ Diú₄.

²⁵ Jaun₂ ca₂jén₂ Jesús i₂'lin'₅₄ i₂'en₅₄ të₂dsí₅ dsa₂ 'éi₂, ca₂juá'₂:

^f24 o₃, “i₂chan₂ Nazaret.”

—Tei₄ jmo₄. Jú₅ quió'₅ dsa₂ në₅.

²⁶ Jaun₂ ca₂jmo₃ i₂'lin'₅₄ ca₂ba₂ca₂lín'₂ dsa₂ 'éi₂ 'uë₃, ca₂guió'₃ tiá₂.
Jaun₂ gué₄ o₂'lín₃ jaun₂ në₃. ²⁷ Jaun₂ ca₂le₃jín₃ dsa₂ i₂ca₂té₂ ne₄ ca₂i₃gó'₃
dsí₅, qui₂ca₂ñí'₃ riin'₅₄, ca₂juá'₂:

—¿'E₂ bá₄ në₅? ¿'An₁ a₂në₅ bá₄ juá'₅ 'mí₂? 'Io₅ 'éi'₃ i₂në₅ ca₂té₂ ne₄
quió'₅ i₂'lin'₅₄, jaun₂ 'éi₂ në₃ nag₂₃ gau₂ jág₁ quió'₅!

²⁸ Jaun₂ dsi₂jui₅ bá₄ ca₂i₃'ág₃ jág₁ quió'₅ ca₂le₂con₂ ja₁tén₄ Galilea.

Ca₂jme₃'lión₂ Jesús ma₂chog₅₄ Si₂mu₅₄

(Mateo 8:14-15; Lucas 4:38-39)

²⁹ Jaun₂ dsi₂jui₅ jme₁ca₂'uiin₂ guá'₅, ca₂ñó₃ quiain'₅₄ Jacobo, Juan₅₄
né₃, ja₁quió'₄ Si₂mu₅₄ quian'₅₄ Dré₄. ³⁰ Ma₂chog₅₄ Si₂mu₅₄ né₃ jme₁roin₂₃
dso'₅₄, 'i₄ dséi₂. Jaun₂ dsi₂jui₅ ca₂'lín₃ dsa₂ dsa₂ dso'₅₄ 'éi₂ ca₂tsí'₃ Jesús.
³¹ Jaun₂ né₃ ca₂jme₃quiáin₃ con₂ dsa₂ dso'₅₄, ca₂jña'₃ gu₂, ca₂chó'₂ jaun₂
né₃. Jaun₂ dsi₂jui₅ bá₄ ca₂o₃'ág₃ dséi₂ dsa₂. Jaun₂ 'io₅₄ 'éi₂ në₃
ca₂jme₃lióg₃ ca₂jme₃ti₃ ta₁ ne₄ 'éi₂ tioin'₅₄.

Ca₂jme₃'lión₂ Jesús juin₅ dsa₂ dso'₅₄

(Mateo 8:16-17; Lucas 4:40-41)

³² Jme₁ma₂rín₂ 'iog₂ jmig₄ jaun₂, ca₂o₃jña₃ dsa₂ ne₅₄ ca₂le₃jín₃ dsa₂
dso'₅₄, dsa₂ i₂tion'₅₄ jme₂dsí₂ je₂na'₅₄ né₃. ³³ Ca₂le₃jín₃ dsa₂ juig₂ bá₄
ca₂ñi'₂ o₄'né₄. ³⁴ Jaun₂ Jesús né₃ ca₂jme₃'lióin₂ dsa₂ ca₂le₃jé₃ ne₅₄ dso₄
a₂jme₁lín₄. Qui₂ca₂'uúin'₂ rë'₂ juin₅ je₂na'₅₄ né₃. La₁ tsá₃ ma₃ca₂cuë₃
Jesús jmig₄ jua'₅₄ a₂juá'₂ gué₄ je₂na'₅₄ jág₁, ia₁ ñi₅ bá₄ je₂na'₅₄ 'ein₂ 'éi₂.

Ca₂'é₂ Jesús jág₁ dse₃ dsi₂néi₂ guá'₅ sinagogas

le₂tan₅₄ juig₂ ja₁tén₄ Galilea

(Lucas 4:42-44)

³⁵ Le₁né₃ gué₄ jme₁jña₃ jaun₂, ca₂nau₂ Jesús o₂'lín₃ 'ni'₂ juig₂, caun₂
ja₁lé₄ co₂'ñiog₅, i₁chi'₄ Diú₄. ³⁶ Jaun₂ ñó₃ Si₂mu₅₄ quiain'₅₄ riin'₅₄
i₁'niong'₂. ³⁷ Jme₁ca₂dsáu'₂ né₃, ca₂juá'₂:

—Ca₂le₃jín₃ dsa₂ i₂nioi₅₄ 'nai'₂ 'ne₂.

³⁸ La₁ Jesús né₃ ca₂ñag₃:

—Ma₃dsau₅₄ dsi₂i₁nio₁ le₂tan₅₄ juig₂ ma₂quián₅ në₅, dsi₁'é₄ jág₁ dse₃,
ia₁ ta₁ jaun₂ bá₄ guio₃jniá₂.

³⁹ Jaun₂ le₂në₅ ca₂i₁ñi₂ Jesús le₂tan₅₄ juig₂ tio'₅₄ ja₁tén₄ 'uë₃ Galilea,
qui₂i₁'é₄ jág₁ dse₃ dsi₂néi₂ guá'₅ sinagogas le₂caun₂ juig₂. Qui₂ca₂'uúin'₂
je₂na'₅₄ të₂dsí₅ dsa₂ né₃.

Ca₂jme₃'lión₂ Jesús dsa₂ i₂lín₅ 'mé'₅ 'iog₅

(Mateo 8:1-4; Lucas 5:12-16)

⁴⁰ Ca₂guan₃ jan₂ dsa₂ dso'₅₄ i₂lín₅ 'mé'₅ 'iog₅ coin₂. Jaun₂ ca₂chi₃jnë₃
ne₅₄, ca₂juá'₂:

—Chi₂jua'₂ 'ŋio₂ 'au'₂, jŋia'₅₄ lia'₂ 'ne₂ bá₄ qui'₅₄ jmig₄ jmó'₂ le₁jě'₃ quió'₃.

⁴¹ Jaun₂ ca₂dsia₃ Jesús ŋéi₂ dsí₅ dsa₂ 'éi₂, ca₂néi'₃ gu₂ ca₂ní'₂ quió'₅, jaun₂ ca₂juá'₂:

—'Ŋio₂ bá₄ dsi₃. Jui₁le₅₄ le₁jě'₃ quiáng'₂.

⁴² Dsi₂jui₅ le₂jaun₂ ca₂jŋia'₃ 'mé'₅ 'iog₅, ca₂'lón₂ dsa₂ 'éi₂. ⁴³ Jaun₂ ca₂dsióg'₂, ca₂juá'₂:

⁴⁴ —La₁ tē₃ŋi'₅₄ tsá₃ 'ein₂ i₂jui₂g'₂ 'i₁jan₂. Jŋia'₅₄ gua₂ o₂jme₁jŋia₅ ne₄ jme₂dsa₂, o₂jen'₅₄ ne₄ Diú₄ o₂jmo₄ con'₂ lé₅ 'Éi'₃ quió'₅ Moisés,⁸ o₂jang'₅₄ jág₁ dsau₅ jŋi₄ dsa₂ jui₂g₂ a₂ma₂'lóng'₂.

⁴⁵ La₁ dsa₂ 'éi₂ ně₃ tē₂le₃ i₂jui'₂ gué₄ ca₂dsia₃ bá₄ jme₁o₂'fin₃, qui₂ca₂'é₂ jág₁ ca₂le₂con₂. 'Uig₅₄ jaun₂ tsá₃ ma₃lé₂ 'í₂ Jesús jē₄ jui₂g₂ tē₃ jág₅ dsa₂; jmá'₃ lia'₂ ja₁co₂'ŋiog₅ bá₄ jme₁jŋia₂₃. La₁ tion₅₄ bá₄ jme₁dsi₂lén₂ dsa₂ coin₂ i₂ja₂lén₂ ca₂le₂con₂ jaun₂.

Ca₂jme₃'lión₂ Jesús jan₂ dsa₂ i₂rē₂já'₃ quió'₅

(Mateo 9:1-8; Lucas 5:17-26)

2 ¹ Cang₂ jaun₂ ca₂'í₃ táng₃ Jesús jē₄ jui₂g₂ Capernaum. Jaun₂ ca₂rē₃ŋi₅ dsa₂ a₂ma₂dsiáin'₃. ² Jaun₂ dsi₂jui₅ bá₄ ca₂ŋi'₂ dsa₂ juin₅ lin₃, ca₂lia'₂ jŋia'₅₄ tsá₃ ma₃tē₂ ja₁'éin'₄ dsi₂néi₂, le₂tan₅₄ o₄'né₄ ně₃. Jaun₂ ca₂ton₃ jág₁ dse₃ ca₂tsí'₃ dsa₂. ³ Jaun₂ ca₂dsi₃lén₂ co₂nió'₃; jē₄ jaun₂ i₃lén₂ quén₂ le₁jŋiai₂₃ jan₂ dsa₂ i₂rē₂já'₃ quió'₅. ⁴ Ia₁ tsá₃ lé₂ ŋí₃ tē₂ dsi₂néi₂ ja₁'en₅₄ Jesús, ia₁ juin₅ dsa₂ tion'₅₄, jaun₂ jui₅ co'₅₄ tsi₁'né₅ bá₄ ca₂niá₃ caun₂ tau₂ pa₁, co₂dsau₅ ja₁chén'₄ Jesús. Jui₅ jaun₂ ca₂sióin₂ dsa₂ 'lian'₂ 'éi₂, dsíin₂ caun₂ tsi₁jein₁. ⁵ Jme₁ca₂rē₃lí'₄ Jesús 'a₂ lia'₂ 'én₂ dsa₂ 'éi₂, jaun₂ ca₂tsí'₃ dsa₂ 'lian'₂:

—Jón₃, ma₂rē₂'én₄ bá₄ dsáu'₂.

⁶ Jaun₂ i₂lin₅₄ tē₅juá'₅ i₂jme₁tián'₄ jē₄ jaun₂, ca₂i₃jio₅ dsí₅: ⁷ “'E₂ lē₃ juá'₂ i₂nē₅ le₂nē₅? A₂'in₅ 'lig'₅₄ Diú₄ bá₄ i₂nē₅. 'I₁jan₂ tsá₃ 'ein₂ lé₂ le₃'én₂ dsáu₁ dsa₂, jŋia'₅₄ lia'₂ jan₂ Diú₄ bá₄.” ⁸ La₁ ma₂ŋi₅ bá₄ Jesús dsi₂jui₅ a₂dsi₂jio₅ dsí₅ dsa₂ 'éi₂ tiáin'₅, jaun₂ ca₂juá'₂:

—'E₂ lē₃ dsi₂jio₅ 'au'₂ 'nia'₂ le₂nē₅? ⁹ 'E₂ a₂quian₅ gué₄ ta₁, a₂jui₅g₅₄ jniá₂ dsa₂ 'lian'₂ ně₅: “Ma₂rē₂'én₄ dsáu'₂”, o₃ a₂jui₅g₅₄ 'e₂ jniá₂: “Nau₂ guan'₂ ŋi₄ quion₂ tsi₁jein₁ quiáng'₂?” ¹⁰ La₁, ia₁jaun₂ le₃ŋi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mī₂güí₃ ne₄ gua'₅₄ 'uē₃ a₂lé₂ le₃'éin₂ dsáu₁ dsa₂ —jaun₂ ca₂tsí'₃ dsa₂ 'lian'₂ 'éi₂:

¹¹ —'Ne₂ juí₂g₂ jniá₂, nau₂ quion₂ tsi₁jein₁ quiáng'₂, guan'₂.

¹² Jaun₂ ca₂nau₂ 'éi₂, ca₂cáun₃ tsi₁jein₁ quió'₅, tē₃ jág₅ dsa₂. Jaun₂ ca₂i₃gó'₃ dsí₅ ca₂le₃jín₃, qui₂jme₂juin'₂ Diú₄, tsí'₅ riin'₅₄:

—'I₁co₂ráun₂ tsá₃ 'ein₂ ma₂jág₃ jniog₄ le₂nē₅.

⁸44 'Éi'₃ quió'₅ Moisés: 'Í₂ Levítico 14.

Ca₂tě'₃ Jesús Leví*(Mateo 9:9-13; Lucas 5:27-32)*

¹³ Con'₂ siá'₂ táng₃ ca₂ŋó₃ Jesús chei'₅₄ jmi₁ŋí'₄. Jaun₂ dsi₃lén₂ dsa₂ juin₅ ca₂ŋii'₂. Jaun₂ qui₂ca₂jme₃tag₅ Jesús jág₁ dse₃. ¹⁴ Jme₁ca₂ŋii₅ ja₁jaun₂, ca₂jín₂ Leví^h ja₁ŋi'₅₄ Alfeo, guá₅ 'éi₂ gue₂₃ 'lia'₅₄ a₂ca₂tín₂ dsi₂tan₅₄ romano. Jaun₂ ca₂juá'₂ Jesús:

—Jme₁quiong'₅₄ jniá'₂.

Jaun₂ ca₂nau₂ 'éi₂, ca₂ŋó₃ quiong'₅₄.

¹⁵ Jme₁ma₂'en₅₄ Jesús gué'₅ ja₁quió'₄ Leví; ja₁jaun₂ jme₁le₁ŋi'₂ juin₅ dsa₂ i₂cán₂ 'lia'₅₄ quián₅ dsi₂tan₅₄ ján₃, quian'₅₄ dsa₂ sián'₂ “i₂le₁cán'₄ dso₄” né₃, tián'₅ co₂lě₅ gué'₅ quian'₅₄ Jesús quian'₅₄ dsa₂ quián₅, ia₁ i₂juin₅ lin₃ i₂le₂'éi₂ ma₂quiain'₅₄ ŋi₂₃. ¹⁶ Jaun₂ jme₁ca₂jág₃ tē₅juá'₅ quián₅ dsa₂ fariseos a₂gué'₅ Jesús co₂lě₅ quian'₅₄ dsa₂ le₂'éi₂, jaun₂ ca₂tsí'₃ dsa₂ quián₅ Jesús:

—ĎA₂ bá₄ lia'₂ gué'₅ tē₅ quián'₂ 'nia'₂ quian'₅₄ dsa₂ 'lin'₅₄ i₂le₁cán'₄ dso₄, quian'₅₄ i₂cán₂ 'lia'₅₄ quián₅ dsi₂tan₅₄ né₃? ¹⁷ Jaun₂ jme₁ca₂nág₂ Jesús jág₁ ně₅, jaun₂ ca₂ŋag₃:

—Tsá₃ tē₅mí₅ 'nió'₅ quió'₅ dsa₂ dsen₃ i₂tsá₃ le₁dso'₅₄, jŋia'₅₄ lia'₂ dsa₂ i₂le₁dso'₅₄ bá₄ 'nió'₅ tē₅mí₅ quió'₅. Ia₁ tsá₃ ta₁ jaun₂ guio₃ jniá'₂ a₂tě₄ dsa₂ dsen₃, a₂tě₄ dsa₂ i₂qui₂le₁cán'₄ dso₄ bá₄ jniá'₂ guio₃.

Ca₂ŋí'₃ dsa₂ Jesús jui₁lia'₂ jág₁ a₂jme₂'in₅₄ dsa₂*(Mateo 9:14-17; Lucas 5:33-39)*

¹⁸ Co₂ráun₂ dsa₂ i₂jme₁i₂nio₄ quian'₅₄ Juan₅₄, quian'₅₄ dsa₂ i₂tén₅ le₃quió'₅ dsa₂ fariseos né₃, jme₁jme₂'iin₅₄. Jaun₂ dsi₃lén₂ i₂lin₅₄ ca₂ŋí'₃ Jesús:

—ĎE₂ 'uig₅₄ jme₂'in₅₄ dsa₂ i₂i₂nio₄ quian'₅₄ Juan₅₄, dsa₂ quián₅ fariseos né₃, ton'₂ tsá₃ jme₂'in₅₄ guē'₂ dsa₂ quián'₂ 'ne₂?

¹⁹ Jaun₂ ca₂ŋag₃ Jesús:

—ĎLé₂ le₃jme₃'in₅₄ jui₁lia'₂ dsa₂ i₂té₄ ja₁nio₅ jmi₅g₄ ja₁jen'₂ gu₂ dsa₂, tē₁lia'₂ quiong'₅₄ dsa₂ ŋe'₂ i₂jén'₂ gu₂? Ma₁ tsá₃ le₂jaun₂ jmo₅ dsa₂, tē₁lia'₂ quiong'₅₄ 'éi₂. ²⁰ La₁ jiá₃ caun₂ jmi₅g₄ a₂jŋia'₃ dsa₂ i₂jén'₂ gu₂ 'éi₂. Jaun₂ gué₄ lé₂ le₃jme₃'iin₅₄.

²¹ 'Ma₁ tsá₃ jmo₅ dsa₂ jua'₅₄ a₂tióng₅ quian'₅₄ 'nau₅₄ 'mi'₂ 'mí₂ tsi₁'mi'₂ gui'₅₄, ia₁ dsáu'₅ tsi₁'mi'₂ 'mí₂ jē₁ma₂jŋi₂. Jaun₂ juē'₂ gué₄ jē₁gag₂ lě₂ tsi₁'mi'₂ gui'₅₄. ²² On₃ gué₄ jmo₅ dsa₂ jua'₅₄ a₂tia'₂ vino 'mí₂ 'ŋiό'₃ ni₁lau₂ gui'₅₄. Ia₁ gué₃ ni₁lau₂ gui'₅₄ quian'₅₄ dsiό'₁ vino 'mí₂. Dsi₂én₂ bá₄ vino, lia'₂ ni₁lau₂ né₃. Jaun₂ 'ŋiό'₃ ni₁lau₂ 'mí₂ bá₄ 'nió'₅ tia'₃ dsa₂ vino 'mí₂ ia₁jaun₂ tsá₃ dsi₃én₂.

^h14 Leví i₂tě'₂ Mateo ján₃.

Ca₂gág₃ dsa₂ quián₅ Jesús mí'₂ trigo jmi_g₄ sa₅₄

(Mateo 12:1-8; Lucas 6:1-5)

²³ Caun₂ jmi_g₄ sa₅₄ ca₂ñi₅ Jesús quiain'₅₄ dsa₂ quián₅ caun₂ ja₁nau₂ ja₁jnia₄ trigo. Dsa₂ i₂jme₁quiain'₅₄ né₃ ca₂jme₃lióg₃ qui₂ca₂gág₃ mí'₂ trigo jme₁ca₂ñi₅ ja₁jaun₂. ²⁴ Jaun₂ né₃, ca₂juá'₂ dsa₂ fariseos:

—¿'E₂ lë₃ jmo₅ dsa₂ i₂quiang'₅₄ ta₁ a₂tsá₃ 'i₄ 'éi'₃ jmo₃ jmi_g₄ sa₅₄?

²⁵ Jaun₂ ca₂ñag₃ Jesús:

—¿Tsa₁ ma₂'í'₂ 'nia'₂ 'i₁cón'₂ a₂ca₂jmo₃ David ma₂líg'₂ quian'₅₄ riin'₅₄ lia'₂ con'₂ jme₁ca₂rë₃ 'lín₂ quió'₅, a₂ca₂lë₃ i₁cón'₅? ⁱ ²⁶ Ca₂'í₃ David dsi₂néi₂ quió'₅ Diú₄, lia'₂ con'₂ jme₁lín₄ Abiatar juig₅₄ jme₂dsa₂. Ca₂gué'₃ i₁ñí'₄ jñi₅ a₂'i₄ 'éi'₃ a₂gué'₅ jmá'₃ jme₂dsa₂. Jaun₂ ca₂cué'₃ dsa₂ i₂jme₁quiain'₅₄ né₃.

²⁷ Ján₃ bá₄ ca₂juá'₂ Jesús ca₂tsí'₃ dsa₂:

—O₄quió'₄ dsa₂ mi₂güí_g₃ bá₄ ca₂lë₃ jmi_g₄ sa₅₄, on₃jua'₅₄ rë'₂ o₄quió'₄ jmi_g₄ sa₅₄ ca₂jmó'₂ Diú₄ dsa₂ mi₂güí_g₃. ²⁸ Jaun₂ lë₃, Jaun₅ dsa₂ mi₂güí_g₃ bá₄ i₂'io₅ 'éi'₃ ne₄ quió'₅ jmi_g₄ sa₅₄.

Jan₂ dsa₂ i₂'lia'₂ caun₂ mi₂gu₂

(Mateo 12:9-14; Lucas 6:6-11)

3 ¹ Con'₂ siá'₂ táng₃ ca₂'í₃ Jesús guá'₅ sinagoga. Ja₁jaun₂ jme₁'en₅₄ jan₂ dsa₂ i₂'lia'₂ caun₂ mi₂gu₂. ² Jaun₂ ca₂tio_g₃ dsa₂ ca₂tia_{in}₃ Jesús, o₁ne₄ chi₂jua'₂ jme₃'lióin₂ dsa₂ 'éi₂, të₃ jmi_g₄ sa₅₄, ia₁jaun₂ chain₂ bí₂ a₂bóin₂ dso₄ Jesús. ³ Jaun₂ ca₂tsí'₃ Jesús dsa₂ i₂'lia'₂ mi₂gu₂:

—Ñia₅, dsi₂jo₂ la₂ nau₂.

⁴ Jaun₂ ca₂ñag₃ Jesús ca₂ñí'₃ dsa₂ i₂tion'₅₄ jág₅:

—Jui₁lia'₂ jmi_g₄ sa₅₄, ¿'e₂ 'i₄ 'éi'₃ jmo₃ dsa₂? ¿A₁dse₃, o₃ a₂'lig'₅₄ 'e₂? ¿A₂lión₂ dsa₂ jme₂dsí₂ riin'₅₄, o₃ a₂jñi'₃ dsa₂ riin'₅₄ 'e₂?

Jaun₂ jñia'₅₄ lë₁tió₂ tei₄ le₂jaun₂ bá₄ dsa₂. ⁵ Jaun₂ 'ne₂ Jesús ca₂jñin₂ dsa₂ i₂tion'₅₄, co₂'na₂ guë'₂ qui'₂ dsí₅, ia₁ a₂ñí₄ lë₃ tsá₃ ñí'₂ dsí₅ dsa₂.

Jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃ 'éi₂ gu₂; ca₂lág₃ bá₄ jaun₂ né₃. ⁶ Dsi₂jui₅ le₂jaun₂ ca₂'uin₂ dsa₂ fariseos ca₂i₁jmo₅₄ jág₁ quian'₅₄ dsa₂ quián₅ Herodes a₂jñi'₃ Jesús.

Juin₅ dsa₂ tion'₅₄ chei'₅₄ jmi_g₂

⁷ Jaun₂ ca₂ñó₃ táng₃ Jesús jui₅ chei'₅₄ jmi₁ñí'₄ quian'₅₄ dsa₂ i₂quiain'₅₄. Jaun₂ juin₅ lin₃ dsa₂ chan₂ Galilea ca₂jme₃quiong'₅₄ né₃. ⁸ Jme₁ca₂rë₃ñi₅ dsa₂ ca₂le₃jé₃ 'e₂ a₂niog₅ lë₂ a₂jmo₅ Jesús, ca₂o₃lén₂ juin₅ lin₃ dsa₂ chan₂ Judea, dsa₂ chan₂ Jerusalén, dsa₂ chan₂ Idumea, dsa₂ chan₂ le₂'ño'₅₄ Cuá₃ Jordán, dsa₂ chan₂ Tiro, dsa₂ chan₂ Sidón né₃, a₂ca₂o₃jñin₅₄ Jesús.

ⁱ25 'Nio'₂ ja₁ton₅ 1 Samuel 21:6.

⁹ Jaun₂ ca₂tsí'₃ Jesús dsa₂ quiáin₅, a₂jmo₃ co₂jnia₅₄ caun₂ tsi₁mu₅, ia₁ con'₂ tsá₃ ḡó₅ ně₁jua'₂ ca₂quín'₃ jin₄ dsa₂. ¹⁰ Ia₁ juin₅ lin₃ dsa₂ dso'₅₄ ma₂ca₂jme₃'lióin₂ le₂jniá₅. Jaun₂ né₃, ca₂le₃jin₃ dsa₂ dso'₅₄ tioin'₅₄ co₂'liain'₂ riin'₅₄ ca₂lia'₂ qui₂co₂dsi_{in}₅₄ Jesús, ia₁ a₂'nio₃ qui₃ní'₃ quió'₅. ¹¹ Jme₁ca₂jág₂ jme₂dsí₂ 'lin'₅₄ i₂tion'₅₄ tē₂dsí₅ dsa₂, jaun₂ ca₂chi₃jné₃, tioin'₅₄ co₂mi'₅₄, juá'₂:

—i'Ne₂ líng'₅ Ja₁ni'₅₄ Diú₄!

¹² Jaun₂ lē₃ ca₂jmo₃ Jesús 'éi'₃ a₂tsá₃ jme₃jniog₂₃.

Ca₂quión'₂ Jesús chi'₂ dsi₂guia₃-tín₂

(Mateo 10:1-4; Lucas 6:12-16)

¹³ Cang₂ jaun₂ ca₂i₃lén₂ caun₂ ja₁lé₄ dsi₂con'₂. Ja₁jaun₂ ca₂quión'₂ Jesús dsa₂ i₂'nioi₃ jme₃quiong'₅₄. Jaun₂ ca₂o₃lén₂ 'éi₂ ja₁chéin'₄. ¹⁴ Jaun₂ ca₂'iin₃ guia₃-tín₂ dsa₂ 'éi₂, ia₁jaun₂ jme₃quiong'₅₄ ton'₂ ia₁jaun₂ chei₃ a₂dsi₃lén₂ 'éi₂ a₂qui₂dsi₃'é₃ jág₁, ¹⁵ ia₁jaun₂ 'io₃ 'éi₂ bí₂ ján₃^j a₂le₃'uín'₂ je₂na'₅₄ dsí₅ dsa₂. ¹⁶ I₂la₂ bá₄ dsa₂ i₂guia₃-tín₂ i₂ca₂'in₃ Jesús: Si₂mu₅₄ i₂té'₂ Jesús Pe₄; ¹⁷ Le₂on₃ ja₁ni'₅₄ Zebedeo: Jacobo quian'₅₄ Juan₅₄, i₂ca₂té'₃ Jesús Boanerges, co₂'nió'₄ a₂juá'₂, jaun₅ ní'₃; ¹⁸ Dré₄, Fe₂li₄, Bartolomé, Tē₅₄, To₁má₄ né₃; Jacobo ja₁ni'₅₄ Alfeo. Tadeo, Si₂mu₅₄ i₂lín₅ cananista,^k ¹⁹ Judas Iscariote né₃, dsa₂ i₂ca₂jín'₂ Jesús.

Juá'₂ dsa₂ a₂'io₅ Jesús jui₅bí₂ quió'₅ Be'elzebú

(Mateo 12:22-32; Lucas 11:14-23; 12:10)

Jaun₂ ca₂dsián'₃ Jesús jme₁ca₂dsián'₃ caun₂ dsi₂néi₂. ²⁰ Con'₂ gué'₂ siá'₂, ca₂ni'₂ táng₃ dsa₂ juin₅ lin₃, jnia'₅₄ tsá₃ jiin₅₄ gué'₃ quiaín'₅₄ chi'₂ dsi₂guia₃-tín₂. ²¹ Jme₁ca₂rē₃ni₅ o₁riin'₅₄, jaun₂ ca₂o₃lén₂ a₂jme₁tsáun'₂ tē₂, ia₁ 'ei₅ jág₁ a₂lē₁ma₂tē₂'i₂₃ ni₂₃.

²² Ján₃ bá₄ le₂jaun₂ tē₅juá'₅ i₂ja₂lén₂ Jerusalén, ca₂juá'₂:

—Quian₅ dsa₂ ně₅ Be'elzebú, i₂lín₅ juig₅₄ je₂na'₅₄. A₂jaun₂ bá₄ qui'₅₄ jmig₄ 'uín'₂ je₂na'₅₄ tion'₅₄ dsí₅ dsa₂.

²³ Jaun₂ lē₃ ca₂té'₃ Jesús tē₅juá'₅ 'éi₂, jaun₂ ca₂juá'₂ tē₂le₃ quian'₅₄ jág₁ a₂jáng'₅ léi₄:

—ĭ'A₂ lia'₂ le₃lé₂ jua'₅₄ jmo₃ Satanás a₂dsein₂₃ 'niog₅ quió'₅ dsa₂?

²⁴ Ně₁jua'₂ co₂nió'₃ dsi₂tan₅₄ ca₂niói'₃ mi'₅₄ quiaín'₅₄ riin'₅₄, dsi₂tan₅₄ 'éi₂ tsá₃ ué₂ lé₂ le₃tóin'₃. ²⁵ Ně₁jua'₂ dsa₂ dsi₂néi₂ tioin'₅₄ mi'₅₄ quín'₂, ján₃ bá₄ le₂jaun₂ tsá₃ ué₂ tió'₅. ²⁶ Ně₁jua'₂ ca₂dsia₃ Satanás 'nei₂ a₂jmo₃ le₁dsoin'₅₄ 'niog₅, ján₃ bá₄ le₂jaun₂ tsá₃ ué₂ 'oin₅₄ bí₂ quió'₅; ja₁jaun₂ ca₂dsan₃ bá₄ quió'₅ ně₁jua'₂ le₂jaun₂.

^j15 A₂lin₅₄ chog₅₄ si₂ juá'₂ ján₃: “a₂jme₃'lióin₂ dsa₂ dso'₅₄.”

^k18 cananista: partido quió'₅ dsa₂ i₂'nio₃ táun₂ 'uē₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ní₄ lē₃ mei'₂ tsá₃ ca₂ne₅₄ a₂chein₂.

²⁷ 'I₁jan₂ tsá₃ 'ein₂ lé₂ le₃ 'í₂ tion₅₄ dsi₂néi₂ quió'₅ jui₁lia'₂ jan₂ dsa₂ 'uan'₂, jua'₅₄ a₂jniá'₂ dsa₂ a₂te₁'i₁ quió'₅, jnia'₅₄ lia'₂ a₂'nei'₂ bá₄ de'₂ jniá₅ dsa₂. Jaun₂ bá₄ lé₂ le₃jnia'₃ a₂cha₂ quió'₅.

²⁸ 'A₂dsi₂jó'₃ juá'₅ jniá₂, a₂lé₂ le₃'én₂ ca₂le₃jé₃ bá₄ dsáu₁ dsa₂, ca₂le₃jé₃ 'e₂ a₂'lig'₅₄ juá'₂ né₃. ²⁹ La₁ në₁jua'₂ ca₂juá'₂ 'lig'₅₄ 'iin₂₃ Jme₂dsí₂ Jnió₅, tsá₃ ma₃a₁jaun₂ lé₂ le₃'én₂ dsáu₁. A₂rë₂cáin'₄ ca₂le₃jé₃ jmi_g₄ chain₂ bá₄ jaun₂.

³⁰ Le₂në₅ ca₂juá'₂ ia₁ dsia₅ dsa₂ 'ag₂₃ 'ein₅₄ jme₂dsí₂ 'lin'₅₄.

Chi'₂ rin'₅₄ Jesús quian'₅₄ chog₅₄

(Mateo 12:46-50; Lucas 8:19-21)

³¹ Jaun₂ ca₂dsi₃lén₂ chi'₂ rin'₅₄ Jesús, quian'₅₄ chog₅₄ né₃. La₁ ca₁'né₄ bá₄ ca₂tóin'₂. Jaun₂ ca₂chein₃ jág₁ a₂té'₂ Jesús. ³² Jaun₂ ca₂juá'₂ dsa₂ i₂jme₁tián'₄ cau₅ quió'₅ Jesús:

—Chog'₂ quian'₅₄ chi'₂ ríng'₂, në₅ tián'₅ ca₁'né₄, a₂'nai'₂ 'ne₂.

³³ Jaun₂ ca₂ηag₃:

—'Ein₂ 'éi₂ lín₅ cha₃ jniá₂, rín'₃ jniá₂ né₃?

³⁴ Jaun₂ ca₂jín₂ dsa₂ i₂tián'₅ cau₅ quió'₅, jaun₂ ca₂juá'₂:

—iJag₄! I₂la₂ bá₄ lín₅ cha₃, ríng'₃ né₃. ³⁵ Ia₁ jui₁'ein₂ gué₃ i₂jmo₅ a₂'ηio₂ dsí₅ Diú₄, i₂'éi₂ bá₄ lín₅ jui₁lia'₂ ríng'₃, cha₃ né₃.

Jág₁ jáng'₅ léi₄ jui₁lia'₂ dsa₂ i₂séi₂ míg₂ jon₂

(Mateo 13:1-9; Lucas 8:4-8)

4 ¹ Con'₂ siá'₂ táng₃, co₂ráun₂ ca₂jme₃lióg₃ Jesús ca₂jme₃tiin₂₃ dsa₂ chei'₅₄ jmi₁ηí'₄. Ia₁ juin₅ lín₃ dsa₂ ca₂lë₃ né₃ ca₂ηi'₂ ja₁chéin'₄, jaun₂ ca₂'í₃ 'ηió'₃ tsi₁mu₅ 'ei₅ chei'₅₄ jmi_g₂; jaun₂ ja₁jaun₂ ca₂guá₂. Dsa₂ guè'₂ né₃ ca₂tóin'₂ chei'₅₄ jmi_g₂. ² 'Lióng₂ jág₁ dse₃ ca₂jme₃tag₂₃ të₂le₃ quian'₅₄ jág₁ a₂jáng'₅ léi₄. Jë₄ juá'₅ quió'₅ a₂jme₂tag₂₃, ca₂juá'₂:

³ —Nei₂ 'nia'₂: Jan₂ dsa₂ ca₂ηe₄ ja₁nau₂ ca₂i₁séi₄ míg₂ jon₂.

⁴ Jme₁ma₂'ein₅₄ séi₂ né₃, a₂lín₅₄ míg₂ jon₂ i₂ga'₅₄ le₂'i₄ jui₅. I₁tan₅ bá₄ ca₂dsi₃lén₂ ca₂cág'₃ a₂jaun₂. ⁵ A₂lín₅₄ guè'₂ míg₂ jon₂ táng₃, ca₂i₃to'₅₄ jë₄ ni₁cang₁, ja₁tsá₃ gua'₅₄ lín₄ cha₂. A₂jaun₂ né₃ tsá₃ uë₂ ca₂rë₃'ag₄, ca₂'ia₂, ia₁ tsá₃ ji'₂ gua'₅₄ ja₁i₃to'₅₄. ⁶ La₁ jme₁ca₂jnióg₃ 'iog₂ né₃, ca₂rë₃juing₅ ca₂rë₃quéin₃ bá₄, ia₁ tsá₃ jmú₄ 'lióng₂ jme₁cha₂. ⁷ A₂lín₅₄ guè'₂ ca₂séi'₂ ja₁lé₄ ni₁taun₅. Jme₁ca₂i₃cón₃ ni₁taun₅ né₃, ca₂jlë₃ bá₄ a₂jaun₂, tsá₃ 'e₂ ca₂rau₂. ⁸ La₁ a₂lín₅₄ guè'₂ né₃ ca₂tín₂ ja₁dse₃ 'uë₃. A₂jaun₂ ca₂rau₂ bá₄ dse₃. A₂lín₅₄ ca₂'ág₂ jma₃guióg₂-guiá₂ míg₂, lia'₂ ca₂míg₂ jon₂. A₂lín₅₄ guè'₂ jma₃'nag'₂ ne₂guióg₂ míg₂; a₂lín₅₄ guè'₂ jma₃caun₂ 'ηiá₂-láu₂ míg₂.

⁹ Jaun₂ né₃, ca₂juá'₂ Jesús:

—Ca₂le₃jín'₃ 'nia'₂ i₂le₁dsi₅₄ rë₂gua₄, rë₂ nei₂ 'nia'₂.

Ta₁ qui'₅ jág₁ a₂jáng'₅ léi₄
(Mateo 13:10-17; Lucas 8:9-10)

¹⁰ Jme₁ma₂i₂len₃ dsa₂, jme₁ma₂të₁'ñiá₄ quiain'₅₄ chi'₂ dsi₂guia₃-tín₂,
quiain'₅₄ i₂lín₅₄ gué₄ dsa₂ sián'₂, jaun₂ ca₂ñag₃ 'éi₂ 'e₂ jág₁ dsau₅ jáng'₅
jág₁ jaun₂. ¹¹ Jaun₂ ca₂juá'₂ Jesús:

—Diú₄ bá₄ jmo₅ a₂rë₂ñí'₂ 'au'₂ 'nia'₂ jág₁ a₂rë₂'ma₄ 'a₂ lia'₂ lé₅ ja₁goin₂,
la₁ dsa₂ i₂tsá₃ i₂nio₄ quian'₅₄ jniá₂ né₃, 'nió'₅ juá'₂ dsa₂ të₂le₃ quian'₅₄ jág₁
a₂jáng'₅ léi₄:

¹² ia₁jaun₂ i₂në₂jág₃,
la₁ tsá₃ ca₂rë₃lí'₄ 'e₂ në₂jág₃.
I₂në₂néi₂ né₃,
la₁ tsá₃ ca₂rë₃lí'₄ 'e₂ në₂néi₂,
on₃ guë'₂ ca₂ñí'₂;
con'₂ tsá₃ ñó₅ në₁ca₂jéin'₃ dsí₅,
ia₁jaun₂ jme₁'lioin₁₂ jniá₂.^l

Juá'₂ Jesús 'e₂ jág₁ dsau₅ jein₅ jág₁ jui₁lia'₂ dsa₂ i₂séi₂ míg₂ jon₂
(Mateo 13:18-23; Lucas 8:11-15)

¹³ Ca₂juá'₂ ján₃:

—¿Tsa₁ ñí'₂ 'nia'₂ jág₁ a₂jáng'₅ léi₄ në₅? ¿'A₂ bá₄ guë'₂ lé₂ le₃ñí'₂ 'nia'₂
jui₁lia'₂ jág₁ a₂jáng'₅ léi₄ siá'₂? ¹⁴ Jui₁lia'₂ lín₅ dsa₂ i₂séi₂ míg₂ jon₂,
le₂jaun₂ bá₄ lín₅ jui₁lia'₂ dsa₂ i₂'é₂ jág₁ dse₃ quió'₅ Diú₄. ¹⁵ I₂lín₅₄ dsa₂
lín₅ jui₁lia'₂ míg₂ jon₂ a₂i₃ga'₅₄ le₂'i₄ jui₅. Nag₂₃ jág₁ dse₃, la₁ dsi₂jui₅
jaun₂ ja₂ Satanás jniá'₂ jág₁ a₂ma₂jnia₄ të₂dsí₅ dsa₂. ¹⁶ I₂lín₅₄ guë'₂ dsa₂
lín₅ jui₁lia'₂ lé₅ míg₂ jon₂ a₂i₃ga'₅₄ jë₄ ni₁cang₁. Nag₂₃, gue₂₃ jág₁ a₂'ñio₂
dsí₅. ¹⁷ La₁ia₁ tsá₃ ué₂ tió'₅, ia₁ tsá₃ lín₄ jmú₄ cha₂ jua'₅₄ a₂chan'₂ tiá₂ jág₁.
Jaun₂ jë₁ma₂ca₂can₃ o₂i₁ dsi₅, a₂co₂'ein₅ dsa₂ 'uig₅₄ jág₁ dse₃, dsi₂jui₅ bá₄
tí₂ táng₃ jág₁. ¹⁸ I₂sián'₂ guë'₂ né₃ lín₅ co₂'nió'₄ míg₂ jon₂ a₂i₃ga'₅₄ jë₄
ni₁taun₅. Nag₂₃ jág₁ dse₃, ¹⁹ la₁ 'ñio₅ gué₄ 'i₅ dsí₅ o₂me'₅₄ dsi₅ a₂cha₂
mi₂güí₃ la₂; ne₄ 'uig₅₄ ia₁ a₂'ín₅ dsí₅ jui₅ ja₁le₃cha₂ cu₄, ja₁në₅ bá₄
ja₁rë₂gain₂ táng₃; tsá₃ caun₂ a₂'ín₅ dsí₅. Ca₂le₃jé₃ a₂jaun₂ né₃ jmo₅ jlë₅
jág₁ dse₃, tsá₃ ma₃cuë₂₃ jmig₄ a₂ráu₃. ²⁰ La₁ i₂lín₅₄ gué₄ né₃ nag₂₃, gue₂₃
bá₄ jág₁, chan'₂ tiá₂. Lín₅ jui₁lia'₂ lé₅ míg₂ jon₂ a₂i₃ga'₅₄ ja₁dse₃ gua'₅₄.
'Lióng₂ rau₂. I₂lín₅₄ guë'₂ lín₅ co₂'nió'₄ míg₂ a₂qui₂ca₂'ág₂ guióg₂-guiá₂;
i₂lín₅₄ guë'₂ co₂'nió'₄ a₂qui₂ca₂'ág₂ 'nag'₂ ne₂guióg₂, o₃ caun₂ 'ñiá₂-láu₂
míg₂ lia'₂ ca₂míg₂ míg₂ jon₂ a₂i₃jnia₄.

^l12 Isaías 6:9-10.

Jág₁ jáng'₅ léi₄ jui₁lia'₂ ni₁tsí₅ chi₁guí'₂ si₂
(Lucas 8:16-18)

²¹ Jaun₂ ca₂juá'₂ táng₃ Jesús:

—Ně₁jua'₂ quian₅ dsa₂ caun₂ ni₁tsí₅ a₂guí'₂ si₂, ě'a₂ chi'₃? ěné'₃ tsi₁mi'₂, o₃ né'₃ tsi₁cama? Jan₂'ón₄. A₂'ag₅ guei'₅₄ bá₄ dsa₂ si₂. ²² Ia₁ 'i₁caun₂ cosa tsá₃ cha₂ jua'₅₄ a₂lín₂ dsa₂ rě₂'ma₄, a₂tsá₃ le₃jniá₂; tion₅₄ bá₄ rě₂jniá₂. Ján₃ guě'₂ 'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ñi₅; tion₅₄ bá₄ rě₂ñi₅ dsa₂. ²³ Chi₂jua'₂ 'ein₂ dsi₅₄ rě₂gua₄, jui₁nei₅₄ rě₂.

²⁴ Con'₂ siá'₂ táng₃ ca₂juá'₂ Jesús:

—Tion'₂ 'nia'₂ jui₅ 'e₂ a₂nag'₂. Quian'₅₄ 'éi'₃ a₂cau'₂ 'nia'₂ guiong'₅₄, 'éi'₃ jaun₂ bá₄ quióg₃ Diú₄ quián'₂ 'nia'₂ ján₃, jñia'₅₄ tē₂le₃ lé₅ gué₄. ²⁵ Ia₁ jui₁lia'₂ dsa₂ i₂'ñio₂ dsí₅ le₃ñí'₂, Diú₄ bá₄ jmo₃ le₃ñí'₂ gué₄ dse₃. La₁ i₂tsá₃ 'nio₃ le₃ñí'₂ né₃, Diú₄ bá₄ jmo₃ a₂tsá₃ ma₃le₃ñí'₂ co₂ñei'₅₄.^m

Jág₁ jáng'₅ léi₄ jui₁lia'₂ 'a₂ lia'₂ 'ia₂ míg₂ jon₂

²⁶ Jaun₂ ca₂juá'₂ Jesús:

—Le₂jaun₂ bá₄ lé₅ ja₁gon₂ Diú₄, jui₁lia'₂ lé₅ quian'₅₄ dsa₂ i₂jne₅ 'e₂ jne₂₃. ²⁷ Jě₁ma₂ca₂'ia₂, qui₂dsi₂cón₃ a₂jaun₂. La₁ jui₁lia'₂ dsa₂ i₂jne₅ 'éi₂ né₃, o₁jñia'₅₄ a₂'uě₂-jmi₂ güin₂, nau₂ né₃, la₁ tsá₃ jaun₂ ñi₅ 'a₂ lia'₂ lé₂ a₂dsi₂cón₃. ²⁸ 'Uě₃ bá₄ lia'₂ lé₅, jaun₂ bá₄ rau₂. Le₂'uig₅₄, tag₄ de'₂ jñiá₅ 'ia₂; ñó₅ jaun₂ 'ia₂ ni₁la₁, lé₂ ni₁guein₂. Nó₅ jaun₂ lé₂ ni₁cui₂ lá₅ né₃.

²⁹ Jě₁ma₂ca₂ron₂, jaun₂ gué₄ dsi₂'áun₂ dsa₂; ia₁ ca₂tě₂ jmi₂g₄ a₂ca₂rau₂.ⁿ

Jág₁ jáng'₅ léi₄ jui₁lia'₂ míg₂ jon₂ quió'₅ ni₁'ma₂ mostaza
(Mateo 13:31-32; Lucas 13:18-19)

³⁰ Con'₂ siá'₂ táng₃ ca₂juá'₂ Jesús.

—ě'A₂ lia'₂ lé₅ ja₁gon₂ Diú₄, o₃ 'e₂ quian'₅₄ lé₂ le₃quin₃? ³¹ Lé₅ jui₁lia'₂ lé₅ míg₂ ni₁'ma₂ mostaza.^o Míg₂ jon₂ jaun₂ lé₅ a₂pí'₁ gué₄ 'ñio₅ lín₃, lia'₂ con'₂ gué₄ ca₂le₃jě₃ jon₂ a₂jne₅ dsa₂. ³² Jě₁ma₂ca₂i₃jñia₄ né₃, dsi₂cón₃ dsiog₅ lé₂ caun₂ ni₁'ma₂ pa₁, ca₂lia'₂ qui₂rě₂já₂ ni₁gu'₂ quió'₅. Jaun₂ tian'₅ i₁tan₅ ja₁lě₄ 'en'₂ quió'₅.

^m25 lit. "Ia₁ jui₁lia'₂ dsa₂ i₂cha₂ quió'₅, ñei₂; la₁ i₂tsá₃ cha₂ quió'₅ né₃, le₂jio₅ a₂cha₂ quió'₅, jñia'₃."

ⁿ28-29 lit. "'Uě₃ bá₄ lia'₂ lé₅, jaun₂ bá₄ rau₂. Le₂'uig₅₄, tag₄ de'₂ jñiá₅ 'ia₂; ñó₅ jaun₂ 'ia₂ mí'₂. Nó₅ jaun₂ tó'₅ míg₂ mí'₂ trigo. Jě₁ma₂ca₂ron₂, jaun₂ gué₄ dsi₂cag'₅₄ dsa₂ quian'₅₄ ñí₁ hoz; ca₂tě₂ jmi₂g₄ a₂ca₂rau₂."

^o31 mostaza: On₃jua'₅₄ mi₂jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tě'₂ tē₅sí₃ Brassica nigra.

Ta₁ a₂quí' ₅ jág₁ a₂jáng' ₅ léi₄ a₂ca₂jme₃tag₅ Jesús

(Mateo 13:34-35)

³³ Ca₂jme₃tin₅ Jesús dsa₂ jág₁ dse₃ të₂le₃ quian' ₅₄ 'lióng₂ jág₁ a₂jáng' ₅ léi₄ le₂ně₅. ³⁴ 'I₁caun₂ jág₁ tsá₃ jme₁cuē₂₃ jua' ₅₄ tsá₃ të₂le₃ quian' ₅₄ jág₁ a₂jáng' ₅ léi₄. La₁ jë₁ma₂të₁ 'ñiá₄ con' ₂ guioin' ₅₄ quian' ₅₄ chi' ₂ dsi₂guia₃-tín₂ quiáin₅, jme₁juá' ₂ lia' ₂ rë₂jiá₃ jág₁.

Ca₂jmo₃ Jesús ca₂'ág₂ tei₄ jmi₁ñí' ₄, ca₂jñia' ₃ dsí₂ ně₃

(Mateo 8:23-27; Lucas 8:22-25)

³⁵ Le₃ca₂nei₂ jmi₄ jaun₂ ca₂tsí' ₃ chi' ₂ dsi₂guia₃-tín₂ quiáin₅:

—Ma₃ le₃'ño' ₅₄ jmi₁ñí' ₄ le₃ó₃.

³⁶ Tion' ₅₄ jaun₂ dsa₂ chei' ₅₄ jmi₁ñí' ₄, ca₂ño₃ Jesús ca₂jio₃ chi' ₂ dsi₂guia₃-tín₂ 'ñió' ₃ tsi₁mu₅ ja₁jme₁'ein' ₅₄ táun₂ jág₁. Ján₃ bá₄ i₂lé₂ gué₄ tsi₁mu₅ siá' ₂ quiong' ₅₄, tion' ₅₄ dsa₂. ³⁷ Jme₁co₂lág₂ jaun₂ ca₂'ág₂ dsí₂ tiá₂ lin₃, jaun₂ qui₂ca₂jná' ₃ jmi₂ 'ño₅ lin₃ ca₂lia' ₂ ca₂i₃'a₄ jmi₂ 'ñió' ₃ tsi₁mu₅, jñia' ₅₄ mei' ₂ tsá₃ ca₂can' ₂. ³⁸ Jme₁rë₂güín₃ bá₄ Jesús ñó₃ le₃chi₁co' ₅₄ rë₂dsin' ₅ 'mi' ₂ dsi₅₄. Jaun₂ ca₂nei₃ dsa₂, ca₂juá' ₂:

—iTë₅! ¿Tsa₁ dsan' ₂ 'au' ₂ jua' ₂ dsi₃'éin' ₂ jnia' ₅₄ ja₁lá₃?

³⁹ Ca₂nau₂ Jesús jaun₂ ně₃, ca₂jéin' ₂ dsí₂, ca₂jéin' ₂ jmi₁ñí' ₄ ně₃, ca₂juá' ₂:

—iJme₁'ua₅₄! iTei₄ jmo₄!

Jaun₂ dsi₂jui₅ jaun₂ bá₄ ca₂'ág₂ táng₃ tei₄ jmi₁ñí' ₄, dsí₂ ně₃ ca₂jñia' ₃.

⁴⁰ Jaun₂ ca₂juá' ₂ Jesús ca₂tsí' ₃ chi' ₂ dsi₂guia₃-tín₂ quiáin₅:

—¿E₂ lë₃ ñí₄ 'ño₅ gan' ₃ 'nia' ₂? ¿A₂ bá₄ lia' ₂ ñí₄ tsá₃ rë₂'én' ₂ 'nia' ₂?

⁴¹ Jaun₂ i₃gó' ₃ dsí₅ 'ño₅ lin₃, qui₂ca₂tsí' ₃ riin' ₅₄:

—¿Ein' ₂ bá₄ lín₅ i₂ně₅ ca₂të₂ jmi₁ñí' ₄, ca₂të₂ dsí₂ ně₃ qui₂nag₅ gau₂ jág₁ quió' ₅?

Jan₂ dsa₂ i₂'en' ₅₄ jme₂dsí₂ 'lin' ₅₄

(Mateo 8:28-34; Lucas 8:26-39)

5 ¹ Jaun₂ dsi₃léin' ₂ jme₁dsi₃léin' ₂ 'ño' ₅₄ jmi₁ñí' ₄, go₄ dsa₂ Gadarenos.^p ² Jaun₂ dsi₂jui₅ jme₁ca₂o₃'ín₃ Jesús 'ñió' ₃ tsi₁mu₅, dsió₃ jan₂ dsa₂ i₂o₂'ín₃ ja₁le₁'on₅ 'lag₄, dsa₂ i₂'en' ₅₄ jme₂dsí₂ 'lin' ₅₄ dsí₅. ³ Jme₁guá₄ dsa₂ 'éi' ₂ jë₄ tau₂ 'ño₅; jaun₂ tsá₃ ma₃'ein' ₂ jme₁qui' ₅₄ jmi₂ tió' ₅ 'nei' ₂ quian' ₅₄ ñí₁ cadena, ⁴ ia₁ 'lióng₂ ráun₂ jme₁ma₂'nei' ₂ dsa₂ le₂jñiá₅, jme₁ma₂tó' ₂ dsa₂ cadena mi₂tag₅₄, mi₂gu₂ ně₃. La₁ jë₂ bá₄ jñia' ₅₄ ma₂gág₃; ma₂juiin₃ ni₁ñí₁ jme₁chi₁quí' ₅ mi₂tag₅₄ ně₃. Jaun₂ 'i₁jan₂ tsá₃ ma₃'ein' ₂ jme₁tio₃. ⁵ Jaun₂ ně₃, jme₁i₂ñi' ₅₄ lia' ₂ 'uë₂-jmi₂ dsi₂guio' ₂ ja₁le₁'on₅ 'lag₄ lia' ₂ jui₅ má' ₂ ně₃, qui₂jmaí' ₂ uig₅ 'ñiog₅ qui₂uing₂ quió' ₅ quian' ₅₄ ni₁cang₁. ⁶ La₁ jme₁ca₂jñin' ₂ Jesús já₅ uing₂, ñó₃ jaun₂ ně₃ co₂chi' ₅₄ le₃ne₄ ja₁ño₄ Jesús, jaun₂ ca₂chi₃jné₃. ⁷ Jaun₂ ca₂'í₃ co₂mi' ₅₄ ca₂juá' ₂:

^{p1} A₂lin' ₅₄ chog₅₄ si₂ juá' ₂: “'uë₃ Gerasa.”

—¿E₂ lë₃ tián'₅ 'ne₂ jë₄ quió'₃ jniá'₂, 'ne₂ Jesús Ja₁ñi'₅₄ Diú'₄ juín'₂?
 Ca₂Diú'₄, jnag₅₄, mi₅ jniá'₂ ne'₅₄ tsá'₃ lë₁ 'é₅ uig₅.
⁸ Ca₂juá'₂ le₂në₅, ia₁ jme₁ma₂në₂chí'₃ Jesús jme₂dsí'₂ 'lin'₅₄, ca₂juá'₂:
 “¡Jú₅ quió'₅ dsa₂ në₅, 'ne₂ jme₂dsí'₂ 'lin'₅₄!”

⁹ Jaun₂ ca₂ñag₃ Jesús:

—¿A₂ lia'₂ cheng'₂?

Jaun₂ ca₂ñag₃:

—Juín₅⁹ bá₄ cheng₂, ia₁ a₂juag₅ jnia'₅₄ lé₂.

¹⁰ Jaun₂ ca₂mi₃ tion'₅₄-jan₃ ne₄ Jesús a₂tsá'₃ chein₂ jme₂dsí'₂ 'lin'₅₄ ja₁siá'₂. ¹¹ Ia₁ jme₁tion'₅₄ juín₅ i₁ñí₅, gué'₅ quián₅ 'uig₅₄ má'₂, ¹² jaun₂ qui₂ca₂mi₃ i₂'lin'₅₄ ne₄ Jesús, ca₂juá'₂:

—Chei₅ jnia'₅₄ ja₁tion'₅₄ i₁ñí₅, jaun₂ dsi₁tió'₄ jnia'₅₄ quió'₅ 'éi₂.

¹³ Jaun₂ ca₂cuë₃ bá₄ Jesús jmi₄. Jaun₂ ca₂uiin₂ ca₂i₃lén₂ i₃toin'₅₄ quió'₅ i₁ñí₅. Jme₁lé₂ con'₂ tin₃ mei₅ i₁ñí₅ jme₁tion'₅₄. Ca₂le₃jín₃ 'éi₂ ca₂i₁nioi₁₂ co₂chi'₅₄ cuing₂₃ ca₂sein₃ siá₅ i₃toin'₅₄ jmi₁ñí'₄, ca₂dsain₃.

¹⁴ Jaun₂ ca₂i₃len₃ dsa₂ i₂jme₁jmo₅ 'í₁ cuing₂₃ ca₂i₁chi'₄ dsa₂ jë₄ juig₂, quian'₅₄ i₂tion'₅₄ ja₁nau₂ né₃. Jaun₂ i₃lén₂ dsa₂ i₁jag₅₄ 'e₂ ca₂lë₃ ja₁jaun₂.

¹⁵ Jme₁ca₂o₃lén₂ ja₁'en₅₄ Jesús, ca₂jíin₂ dsa₂ i₂jme₁tion'₅₄ juín₅ jme₂dsí'₂ je₂na'₅₄ quió'₅. Jaun₂ ma₂guá₅ ma₂qui'₂ tsin'₅₄, ma₂'en₅₄ bá₄ dsí₅. Tioin'₅₄ ca₂jág₂ dsi₂gó'₃ dsí₅. ¹⁶ Jaun₂ dsa₂ i₂ca₂jág₃ ca₂dsia₃ 'e₂ ca₂lë₃ quian'₅₄ dsa₂ i₂jme₁tion'₅₄ je₂na'₅₄ quió'₅, 'e₂ ca₂lë₃ quian'₅₄ i₁ñí₅ né₃. ¹⁷ Jaun₂ ca₂jme₃lióg₃ qui₂ca₂mi₃ tion'₅₄ ne₄ Jesús a₂o₃'iin₅ 'uë₃ go₅₄.

¹⁸ Jme₁ma₂ñó₅ Jesús 'í₂ tsi₁mu₅, jaun₂ jme₁mi₅ dsa₂ i₂jme₁tion'₅₄ je₂na'₅₄ quió'₅, jme₁mi₂₃ jág₁ ne₄ Jesús a₂dsó₃ quiong'₅₄. ¹⁹ La₁ tsá₃ ca₂cuë₃ 'éi₂ jmi₄. Jaun₂ ca₂tsí'₃ dsa₂ 'éi₂:

—Guan'₂ ja₁quiáng'₂, ja₁tián'₄ ríng'₂, o₂dsia₄ ca₂le₃jé₃ 'e₂ në₂jmo₃ Te₁gui'₅₄ o₄quiáng'₂, 'a₂ lia'₂ në₂dsia₃ néi₂ dsí₅.

²⁰ Jaun₂ ná'₃ bá₄ dsa₂ 'éi₂ dsi₂néi₂ quió'₅, jaun₂ ca₂jme₃lióg₃ ca₂i₁dsia₂ jë₄ juig₂ tén₅ Decápolis ca₂le₃jé₃ 'e₂ ca₂jmo₃ Jesús o₄quió'₄. Ca₂le₃jín₃ dsa₂ i₂ca₂nág₂ ca₂i₃gó'₃ dsí₅.

Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús

(Mateo 9:18-26; Lucas 8:40-56)

²¹ Jme₁ca₂dsián'₃ táng₃ Jesús le₃'ño'₅₄ jmi₁ñí'₄ quian'₅₄ tsi₁mu₅, juín₅ lín₃ dsa₂ i₂ca₂dsi₃lén₂ táng₃ jme₁dsián'₃. Të₁lia'₂ 'ñi₂₃ chei'₅₄ jmi₄,

²² jaun₂ ca₂dsióg₃ jan₂ dsa₂ i₂nio₅ gu₂ guá'₅ sinagoga, i₂chen₂ Jairo. Jme₁ca₂jíin₂ Jesús, jaun₂ ca₂chi₃jné₃ ne₄ 'éi₂. ²³ Ca₂mi₃ ca₂juá'₂:

—Ma₂i₁jón₂ jan₂ chi'₂ quiáng₃. ¿Tsa₁ gog'₅₄ o₁jíin'₁ o₁quiog'₂ gog'₂ ne₄ quió'₅, jaun₂ 'lióin₂, le₃chain₂?

²⁴ Jaun₂ né₃ ca₂ñó₃ Jesús quiong'₅₄; juín₅ lín₃ gué₄ dsa₂ sián'₂ i₃lén₂ ca₂lia'₂ co₂'liain'₂ bá₄ Jesús. ²⁵ Jë₄ jaun₂, ñó₃ jan₂ 'io₅₄ i₂ma₂té₂ guia₃-tín₂

⁹ griego: legión

ŋi₂ a₂dso'₅₄ a₂tiin₂. ²⁶ 'Lióng₂ a₂ma₂i₃ŋí₂ o₄gú₃ juin₅ tē₅mí₅; jme₁ma₂'éin₂ ca₂le₃jé₃ cu₄ a₂jme₁cha₂ quió'₅. La₁ tsá₃ 'e₂ ta₁ jmo₃, ia₁ tē₂le₃ ca₂i₃ja₃ bá₄ quió'₅. ²⁷ La₁ jme₁ca₂nág₂ a₂'in₅ dsa₂ Jesús, jaun₂ ŋó₃ ca₂jme₃quiáin₃ le₃ja₁ŋó₄ 'éi₂, jin₄ dsa₂. Jme₁ca₂dsióg₃ cau₅ quió'₅ Jesús né₃, jaun₂ ca₂ní₃'₃ nī₁tsin'₅₄ 'éi₂. ²⁸ Ia₁ lín₂: “Tsá₃ a₂nag₅₄ a₂jñia'₅₄ níg'₄ ca₂juig₄ tsin'₅₄, jñia₃ quió₃.” ²⁹ Co₂tan₅₄ dsi₂jui₅ le₂jaun₂ bá₄ ca₂'ná₂ tein₂₃ jmi₂, ca₂rē₃lí'₄ ca₂'lóin₂ dso₄ quió'₅. ³⁰ Jaun₂ dsi₂jui₅ bá₄ ca₂rē₃lí'₄ Jesús a₂o₃'ág₃ bí₂ quió'₅. Jaun₂ ca₂jéin'₃ jin₄ dsa₂, ca₂ŋag₃:

—'Ein₂ bá₄ nē₂ní'₃ tsín'₅?

³¹ Jaun₂ ca₂ŋag₃ chi'₂ dsi₂guia₃-tín₂ quiáin₅:

—Jua'₂ jág'₂ bá₄ 'ne₂ 'a₂ lia'₂ co₂'liog'₂ dsa₂ ja₂léin₂. 'E₂ lē₃ juá'₂ “'ein₂ nē₂ní'₃ quió₃?”

³² La₁ qui₂ja₂né₂ Jesús jin₄ dsa₂ a₂'nai'₂ 'ein₂ nē₂ní'₃ quió'₅. ³³ 'Io₅₄ 'éi₂ né₃ ma₂jlein₂₃ bá₄ chéin'₅ gó'₅, ia₁ ŋi₅ bá₄ 'e₂ ma₂i₂ŋí₂. Ca₂ŋó₃ co₂ŋei'₅₄ ne₄ Jesús, ca₂chi₃jné₃, ca₂juá'₂ ca₂le₃jé₃ lia'₂ tí₅ jág₁ dsón'₂. ³⁴ Jesús né₃ ca₂juá'₂:

—Jón₃, ia₁ 'éng'₂, ca₂'lóng'₂ bá₄. Guan'₂ tei₄ quiáng'₂. Co₂nē₅ ca₂jñia₃ dso₄ quiáng'₂.

³⁵ Tē₃ dsia₅ bá₄ gué₄ Jesús jág₁ jaun₂ jme₁ca₂dsi₃lén₂ dsa₂ i₂tion'₅₄ ja₁quió'₄ Jairo i₂lín₅ ta₁ quió'₅ guá'₅ 'éi₂. Jaun₂ ca₂juá'₂ tsí₅ Jairo:

—Ma₂ca₂jon₃ bá₄ ja₁míg'₄. 'E₂ ta₁ ma₂cuē'₂ o₂me'₅₄ dsi₅ tē₅?

³⁶ La₁ tsá₃ ca₂tón'₃ Jesús jui₅ jág₁ quió'₅ dsa₂ 'éi₂, jaun₂ ca₂tsí'₃ Jairo:

—Tsá₃ lē₁jmo₂ gang'₃; jñia'₅₄ lia'₂ 'én₃ bá₄.

³⁷ Tsá₃ ca₂cuē₃ jmig₄ Jesús a₂dsi₃lén₂ juin₅ dsa₂ quiong'₅₄. Jñia'₅₄ lia'₂ Pe₄, Jacobo, quian'₅₄ Juan₅₄ riin'₅₄ bá₄ i₃lén₂. ³⁸ Jme₁ca₂dsi₃lén₂ ja₁quió'₄ Jairo, ca₂jág₃ tion'₅₄ dsa₂ go₂'i₃ qui'₂-o₂₃ co₂mi'₅₄, 'lia'₂ dsí₅.

³⁹ Ca₂'í₃ Jesús dsi₂néi₂, ca₂juá'₂:

—'E₂ lē₃ ŋí₄ lē₃ tó'₂ 'nia'₂ mi'₅₄, 'au'₂ 'nia'₂ le₂nē₅? Tsá₃ rē₂jon₅₄ guein₂ nē₅. Jñia'₅₄ lia'₂ a₂rē₂güín₃ bá₄.

⁴⁰ La₁ jñia'₅₄ ca₂ŋí₂ bá₄ dsa₂ Jesús tioin'₅₄. Jaun₂ né₃ ca₂'uín'₂ Jesús ca₂le₃jín₃ dsa₂ 'éi₂ ca₁'né₄. Jaun₂ ca₂jñiai₃ chog₅₄-jmei₂ 'lag₄, dsa₂ ún₂ i₂jme₁quiain'₅₄ né₃. Ca₂i₃toin'₅₄ ja₁rē₂quian₅ guein₂ 'lag₄. ⁴¹ Jaun₂ ca₂jña'₃ gu₂ i₂bē'₅₄, jaun₂ ca₂juá'₂:

—Talita, cumi —co₂'nió'₄ a₂juá'₂: 'Io₅₄ bē'₅₄, 'ne₂ juíg₂ jniá₂, nau₂.

⁴² Dsi₂jui₅ le₂jaun₂ bá₄ ca₂nau₂, ca₂ŋi₃. Jme₁ma₂'ein₅₄ guia₃-tín₂ ŋi₂. Jaun₂ ca₂i₃gó'₃ dsí₅ tioin'₅₄. ⁴³ La₁ Jesús né₃ ca₂jmo₃ 'éi'₃ a₂tsá₃ 'ein₂ tsí'₃ 'i₁jan₂. Jaun₂ ca₂juá'₂ a₂cuē₃ dsa₂ a₂gué'₃ i₂bē'₅₄ 'éi₂.

Ca₂dsián'₃ Jesús juig₂ Nazaret go₅₄ ja₁tsá₃ ca₂guei₃ dsa₂
(Mateo 13:53-58; Lucas 4:16-30)

6 ¹ Jaun₂ ca₂o₃'ín₃ bá₄ Jesús ja₁jaun₂. Jaun₂ ca₂dsián'₃ táng₃ juig₂ go₅₄ quiaín'₅₄ chi'₂ dsi₂guia₃-tín₂ quiaín₅. ² Jme₁ca₂té₂ jmi₄g₄ sa₅₄, jaun₂ ca₂jme₃lióg₃ ca₂jme₃tiin₂₃ dsa₂ dsi₂néi₂ guá'₅ sinagoga. Juín₅ bá₄ dsa₂ i₂ca₂nág₂ dsi₂gó'₃ dsí₅, jaun₂ ca₂tsí'₃ riin'₅₄:
 —¿A₂já'₄ ca₂i₁jme₁tin₅ i₂nē₅ jág₁ ca'₅₄ a₂juá'₂ nē₅? ¿I₂'e₂ bá₄ jág₁ a₂ñí'₂ dsí₅ a₂ma₂ñi₂ nē₅, ca₂tē₂ léi₄ juē'₂ né₃ tiin₂ jmo₃? ³ ¿On₁jua'₅₄ i₂nē₅ tē₅'má₃ ja₁ñi'₅₄ María, dsó₂ rin'₅₄ Jacobo, quian'₅₄ José, quian'₅₄ Judas, quian'₅₄ Si₂mu₅₄ né₃? Nē₅ bá₄ tián'₅ 'io₅₄ riin'₅₄ ja₁lá₃ ján₃.
 Jaun₂ tsá₃ ca₂rē₃jei₅₄ dsa₂ ja₁jaun₂. ⁴ Jaun₂ ca₂juá'₂ Jesús:
 —Ca₂le₂con₂ bá₄ ja₁siá'₂ guen₅ dsa₂ dsa₂ i₂'é₂ jág₁ quiaín₅ Diú₄. Jñia'₅₄ lia'₂ dsa₂ go₅₄ bá₄ tsá₃ guei₅, on₃ guē'₂ o₁riin'₅₄, on₃ guē'₂ riin'₅₄ dsi₂néi₂ né₃.
⁵ Jaun₂ tsá₃ 'lióng₂ léi₄ juē'₂ lé₂ le₃jmo₃ juig₂ go₅₄. Jñia'₅₄ lia'₂ i₂lin₅₄ bá₄ dsa₂ dso'₅₄ ca₂dsia₃ gu₂, jaun₂ ca₂jme₃'lió₂. ⁶ Jaun₂ i₃gó'₃ dsí₅ ia₁ a₂ñí₄ lē₃ tsá₃ 'e₂ 'én₂ dsa₂.

Ca₂chen₃ Jesús dsa₂ guia₃-tín₂ quiaín₅ ca₂i₁'é₄ jág₁ dse₃ juig₂ siá'₂
(Mateo 10:5-15; Lucas 9:1-6)

⁷ Jaun₂ ca₂té'₃ chi'₂ dsi₂guia₃-tín₂, jaun₂ ca₂chei₃ jma₃on₃ jma₃on₃. Ca₂cuē₃ bí₂ 'éi'₃ a₂'uín'₂ 'éi₂ jme₂dsí₂ 'lín'₅₄ quió'₅ dsa₂. ⁸ Jaun₂ ca₂tsí'₃ 'éi₂ a₂tsá₃ 'e₂ cán₂ 'i₁caun₂ le₁'i₄ jui₅, jñia'₅₄ lia'₂ jma₃cáun₃ 'ma₂'i₅₄ bá₄. 'I₁caun₂ a₂siá'₂ tsá₃ cán₂, on₃ guē'₂ tē₂'mí₂, on₃ guē'₂ i₁ñí'₄, on₃ guē'₂ cu₄ 'ñi₃ó₃ nī₁lau₂ le₁jén'₅ tú'₅ né₃. ⁹ Jñia'₅₄ lia'₂ jma₃co₂dsán'₃ nī₁lau₂ con'₂ a₂ma₂le₁ton₅ tag₅₄ bá₄ cán₂, ton'₂ tsá₃ cán₂ tin₃ dsán'₃ tsin'₅₄ né₃. ¹⁰ Jaun₂ ca₂juá'₂ né₃:
 —Jē₁ma₂tē₂ rē₁tón'₄ 'nia'₂ lia'₂ caun₂ dsi₂néi₂ quió'₅ dsa₂ ja₁o₁nóg'₅, ja₁jaun₂ jñia'₄ 'nia'₂ ca₂lia'₂ ca₂tē₂ jmi₄g₄ i₁'uín'₃ 'nia'₂ táng₃ juig₂ jaun₂.
¹¹ Nē₁jua'₂ cha₂ ja₁lin₅₄ tsá₃ guei₅ dsa₂, on₃ guē'₂ 'nio₃ dsa₂ nag₃ jág₁ quiaín'₂ 'nia'₂, 'uín'₂ 'nia'₂ ja₁jaun₂, séi'₄ 'nia'₂ 'liog₂ tag'₅₄ co₂'nió'₄ jmó'₂ 'nia'₂ léi₄ co₂jaun₂ ma₂le₁cán'₄ dsa₂ 'éi₂ guioin₅₄.^r
¹² Jaun₂ ca₂'uín₂ bá₄ chi'₂ dsi₂guia₃-tín₂ né₃, ca₂i₃lén₂ ca₂i₁'é₄ jág₁ a₂dsi₃quén'₅ dsí₅ dsa₂. ¹³ Jaun₂ qui₂ca₂'uín'₂ juín₅ je₂na'₅₄, qui₂ca₂tsín₂ no'₅₄ juín₅ dsa₂ dso'₅₄, qui₂ca₂jme₃'lóin₂ dsa₂ né₃.

^r11 A₂lin₅₄ chog₅₄ si₂ juá'₂ le₂la₂ ján₃: “A₂dsi₂jó'₃ juá'₅ jniá₂, jē₁ma₂tē₂ jmi₄g₄ i₁qui₃dsi₅ Diú₄ 'éi'₃, tsá₃ jua'₅₄ ñí₄ uig₅ gue₃ dsa₂ jme₁chan₂ Sodoma quian'₅₄ Gomorra, con'₂ gué₄ dsa₂ i₂tsá₃ guen₅ 'nia'₂.”

Ca₂jon₃ Juan₅₄ i₂chon₅ dsa₂ jmi_g₂

(Mateo 14:1-12; Lucas 9:7-9)

¹⁴ Ca₂rë₃ñi₅ Rag₅₄ Herodes jág₁ a₂'ei₅ quió'₅ Jesús, ia₁ ca₂le₂con₂ bá₄ ma₂le₁ñi₅ dsa₂ 'e₂ a₂jmo₅ Jesús ñi₂₃. Jaun₂ juá'₂ Rag₅₄ Herodes:

—Ma₂ca₂jen'₅₄ Juan₅₄, dsa₂ i₂jme₁chon₅ dsa₂ jmi_g₂; 'uig₅₄ jaun₂ qui'₅₄ jmi_g₄ jmo₂₃ 'e₂ a₂jmo₂₃.

¹⁵ I₂lín₅₄ guë'₂ dsia₅ táng₃:

—Elías bá₄ 'éi₂ ñi₅.

La₁ i₂sián'₂ guë'₂ juá'₂:

—Jan₂ i₂chen₄ quián₅ Diú₄ bá₄ 'éi₂, jui₁lia'₂ dsa₂ i₂jme₁'é₂ jág₁ quián₅ Diú₄ ma₂líg'₂.

¹⁶ Jme₁ca₂nág₂ Rag₅₄ Herodes, jaun₂ ca₂juá'₂:

—Juan₅₄ bá₄ në₅ ñi₅, i₂ca₂'nia₃ dsa₂ dsi₂lag₄, 'éi'₃ quió₃ jniá₂.

Ma₂ca₂jein'₅₄ táng₃.

¹⁷ Ia₁ 'ñiog₅ bá₄ Herodes ma₂jmo₅ 'éi'₃ le₂ñiá₅ a₂ca₂i₁chan'₅₄ dsa₂ Juan₅₄ ca₂i₁tio'₂ né₃ 'má₃ rë₂'ñei'₅₄ 'uig₅₄ quió'₅ 'io₅₄ Herodías i₂lín₅ dsi₂i₂gu₂ Fe₂li₄ riin'₅₄. La₁ Herodes né₃ ma₂jmo₂₃ quiáin₅. ¹⁸ Ia₁ jme₁ma₂qui₂ma₂juá'₂ Juan₅₄ tsí'₅ Herodes:

—Tsá₃ 'i₄ 'éi'₃ jmó'₂ quiáng'₂, 'io₅₄ quián₅ dsó₂ ríng'₂.

¹⁹ 'Uig₅₄ jaun₂ jme₁'i₄ 'nei₂ dsí₅ 'io₅₄ Herodías jín₂ Juan₅₄. Jaun₂ jme₁'nio₃ jñag'₃, la₁ tsá₃ ca₂dsó'₂ jui₅ 'a₂ lia'₂ jmo₃. ²⁰ Ia₁ jme₁ñi₅ bá₄ Rag₅₄ Herodes a₂lín₅ Juan₅₄ dsa₂ dsen₃, jaun₂ jme₁jme₂go₃ bá₄; jaun₂ jme₁jmo₂₃ 'í₁. Lia'₂ con'₂ jme₁nag₂₃ jág₁ quió'₅ Juan₅₄, jme₁të₂tsiin'₅₄ tsá₃ 'e₂ ñi₅ jmo₃, la₁ 'ñio₂ bá₄ dsí₅ jme₁nag₂₃. ²¹ La₁ ca₂cuin₃ jmi_g₄ né₃ jme₁ca₂jmo₃ Herodes jmi_g₄ a₂ca₂dsí'₃ ñi₂: ca₂jmo₃ má₃, ca₂té'₃ dsa₂ can'₅₄ con'₂ dsa₂ i₂jmo₅ 'éi'₃ jui_g₂, i₂lín₅ jui_g₅₄ 'lióg₂ quiáin₅ né₃, ca₂le₃jín₃ gué₄ con'₂ dsa₂ dsen₅₄ quián₅ jui_g₂ ja₁tén₄ Galilea. ²² Jaun₂ ca₂guan₃ ja₁míg₄ Herodías ja₁niog₅ jmi_g₄, jaun₂ ca₂dsáin₂. A₂jaun₂ ca₂té₂ dsí₅ Rag₅₄ Herodes, ca₂le₃jín₃ dsa₂ i₂té₄ i₂tion'₅₄ gué'₅ quiain'₅₄ né₃. Jaun₂ ca₂juá'₂ rag₅₄ ca₂tsí'₃ 'io₅₄ bë'₅₄ 'éi₂:

—Mi₄ ca₂le₃jé₃ 'e₂ 'niog'₂, jaun₂ cuë₅₄ jniá₂.

²³ Jaun₂ ca₂cuë₃ jág₁ quió'₅ ca₂le₃jé₃ ca₂'iin₃ Diú₄, ca₂juá'₂:

—Chi₂jua'₂ 'e₂ caun₂ a₂mí'₁ 'ne₂, cuë₅₄ bá₄ jniá₂, jñia'₅₄ ca₂dsio₄ 'uë₃ ja₁gong₂.

²⁴ Jaun₂ ca₂o₃'ín₃ 'io₅₄ bë'₅₄ 'éi₂ ca₂i₁ñag₁₂ chog₅₄, ca₂i₁jua'₄:

—¿E₂ mi₅₄ jniá₂, mag₅₄?

Jaun₂ ca₂juá'₂ chog₅₄:

—Mi₄ mi₂dsi₄ Juan₅₄ i₂chon₅ dsa₂ jmi_g₂.

²⁵ Jaun₂ ca₂'í₃ táng₃ 'éi₂ dsi₂jui₅ ja₁guá₄ rag₅₄, jaun₂ ca₂juá'₂:

—'Nio₃ cué'₁ të₂në₃ mi₂dsi₄ Juan₅₄ i₂chon₅ dsa₂ jmig₂, a₂'i₄ 'ñi₃uig₅.^s

²⁶ Jme₁ca₂nág₂ rag₅₄ jág₁ në₅, ca₂jén₂ dsí₅. La₁ tsá₃ a₂ñi₅ jmo₃, ia₁ ma₂në₂cué'₃ jág₁ quió'₅ le₂jñiá₅ a₂cué'₃ chi₂jua'₂ 'e₂ 'nio₃ 'io₅₄ 'éi₂, ton'₂ ia₁ ma₂në₂néi₂ a₂mei₅₄ quiáin₅ i₂tián'₅. ²⁷ Jaun₂ dsi₂jui₅ jaun₂ ca₂chein₃ jan₂ 'lióg₂ a₂dsi₃quián₂ mi₂dsi₄ Juan₅₄. ²⁸ Jaun₂ ca₂ñó₃ 'lióg₂ jui₅ 'ñi₃uig₅, 'má₃, jaun₂ ca₂i₁qui'₂ dsi₂lag₄ Juan₅₄, jaun₂ quian₅ rë₂'i₄ 'ñi₃uig₅, ca₂cué'₃ 'io₅₄ 'éi₂. Jaun₂ 'io₅₄ né₃ ca₂gue₃, jaun₂ ca₂i₁cué'₂ táng₃ chog₅₄.

²⁹ Jme₁ca₂rë₃ñi₅ dsa₂ i₂jme₁quian'₅₄ Juan₅₄, jaun₂ ca₂o₃lén₂, ca₂tág₃ 'lag₄, jaun₂ ca₂i₁'ó₄.

Ca₂jme₃tan₅₄ Jesús 'ñiá₂ mei₅ dsa₂

(Mateo 14:13-21; Lucas 9:10-17; Juan 6:1-14)

³⁰ Cang₂ jaun₂ ca₂o₃len₃ dsa₂ i₂chen₄ 'éi₂, ca₂ñii'₂ táng₃ quian'₅₄ Jesús, jaun₂ ca₂dsia₃ 'e₂ niog₅ ca₂jmo₃ ja₁i₁lein₅₄, 'a₂ lia'₂ i₂ca₂jme₁tiin₂₃ dsa₂.

³¹ Jaun₂ ca₂juá'₂ Jesús:

—I₂nó'₅ 'nia'₂ con'₂ guiong'₅₄ caun₂ ja₁co₂'ñiog₅, i₂jñia₄ ca₂tiá₂.

Ia₁ juin₅ lin₃ dsa₂ i₂o₂lén₂, lia'₂ i₂dsi₂len₃ né₃, ca₂lia'₂ jñia'₅₄ tsá₃ cuin₅ jmig₄ gué'₃. ³² Jaun₂ né₃ ca₂tóin'₂ tsi₁mu₅ ca₂i₃lén₂ caun₂ ja₁lë₄ co₂'ñiog₅ con'₂ guioin₅₄. ³³ Jaun₂ qui₂ca₂'uin₂ dsa₂ le₂caun₂ le₂caun₂ juig₂, i₃lén₂ co₂chi'₅₄ jui₅ tag₅₄ a₂'ein₂₃ Jesús. Jaun₂ jñiái₅ bá₄ dsi₃lén₂ lia'₂ con'₂ gué'₄ 'éi₂. ³⁴ Jme₁ca₂sión₃ Jesús 'ñi₃uig₅, ca₂jñin₂ juin₅ lin₃ dsa₂, ma₂tion'₅₄ le₁jñiog₅, ca₂tá'₂ ñéi₂ dsí₅ dsa₂ 'éi₂, ia₁ i₂nio₄ dsa₂ lia'₂ jë₁i₂nio₄ já'₂ cha'₂ i₂tsá₃ juig₅₄ chan₂, jiog₃, jmo₃ 'í₁. Jaun₂ ca₂jme₃lióg₃ ca₂jme₃tiin₂₃ dsa₂ 'lióng₂ lin₃ jág₁. ³⁵ Jme₁ca₂'láu₂ jaun₂ ca₂o₃lén₂ chi'₂ dsi₂guia₃-tín₂ quiáin₅, jaun₂ ca₂juá'₂:

—Caun₂ ja₁co₂'ñiog₅ bá₄ la₂, ton'₂ ca₂'láu₂ gué'₄ má'₃. ³⁶ 'Ei'₂ jág₁ dsa₂, ia₁jaun₂ dsi₃lein₅ dsi₃'nióg₂ a₂gué'₃ lia'₂ con'₂ juig₂ ja₁nau₂ ma₂quían₅ në₅.

³⁷ Jaun₂ ca₂ñag₃ Jesús:

—Cué'₅₄ 'nia'₂ dsa₂ a₂gué'₃.

Jaun₂ ca₂ñag₃ táng₃ 'éi₂:

—¿Lé₂ le₃dsi₁liá₄ tin₃ 'ñiá₂-láu₂ 'éi'₃ denario i₁ñí'₄ ia₁jaun₂ dsio'₂ a₂gué'₃ dsa₂?

³⁸ Jaun₂ ca₂juá'₂ táng₃ Jesús:

—O₂jag₄ 'nia'₂ je₂liá'₂ i₁ñí'₄ 'i₄ quián'₂ 'nia'₂.

Jaun₂ ca₂i₁jag₅₄ 'éi₂ jaun₂ né₃, jaun₂ ca₂o₃lén₂ táng₃, ca₂juá'₂:

—'Ñiá₂ i₁ñí'₄ bá₄ 'i₄, on₃ gué'₂ i₁ju₁.

³⁹ Jaun₂ ca₂chein₃ jág₁ a₂tian'₃ dsa₂ jma₃co₂niói'₃ ne₄ ñi₂ma'₂ rë'₂, ⁴⁰ jaun₂ ca₂tián'₂ dsa₂ jma₃co₂niói'₃ ja₁lë₂ caun₂ 'ñiá₂-lón₂, i₂ca₂tián'₂

^s25,28 lit. “rë₂dsí₂ ne₄ caun₂ ni₁ñí₁ charola.”

^t30 griego: apóstolous.

jma₃co₂nió'₃ jma₃të₂lón₃-guián₂ né₃. ⁴¹ Jaun₂ né₃ ca₂jña'₃ Jesús le₃'ñiá₂ i₁ñí'₄, le₃on₃ gué'₂ i₁ju₁ né₃, ca₂jág₃ guei'₅₄ i₂juíg₃, ca₂cué'₃ ti₁'mag'₄ Diú₄. Jaun₂ ca₂jmo₃ le₁'nau₅₄ i₁ñí'₄, jaun₂ gué'₄ ca₂cué'₃ chi'₂ dsi₂guia₃-tín₂ quiáin₅, ia₁jaun₂ dsia₃ 'éi₂ ne₄ dsa₂. Ján₃ gué'₂ ca₂jmo₃ dsióg₁ quió'₅ i₁ju₁ on₃ 'éi₂, ca₂cué'₃ ca₂le₃jín₃. ⁴² Jaun₂ le₃jín₃ dsa₂ ca₂gué'₃ ca₂lia'₂ ca₂rë₃tain₅₄. ⁴³ Jaun₂ ca₂cág'₃ bá₄ gué'₄ dsa₂ guia₃-tín₂ tsi₁mi'₂ 'nau₅₄ i₁ñí'₄, a₂ca₂chóng₃ quió'₅ i₁ju₁ né₃. ⁴⁴ 'Ñiá₂ mei₅ jme₁lé₂ ca₂le₃jín₃ dsa₂ ñe'₂ i₂ca₂gué'₃ 'éi₂.

Ca₂ñi₃ Jesús ne₄ jmi₁ñí'₄
(Mateo 14:22-27; Juan 6:16-21)

⁴⁵ Jaun₂ dsi₂jui₅ le₂jaun₂ ca₂jmo₃ Jesús 'éi'₃ a₂i₃ton'₅₄ chi'₂ dsi₂guia₃-tín₂ quiáin₅ 'ñió'₃ tsi₁mu₅, jaun₂ jñiá₅ de'₂ 'éi₂ ñí₃ jmi₂g con'₂ gué'₄ 'ñiog₅, a₂dsi₁lén₂ Betsaida, të₁lia'₂ 'í₁ gué'₄ 'ñiog₅ 'ág'₃ jág₁ dsa₂.

⁴⁶ Jme₁ma₂ca₂lë₃ 'ág'₅ jág₁ dsa₂, ca₂ñó₃ jaun₂ né₃ jui₅ má'₂ i₁chi₂i₁lein'₁ Diú₄. ⁴⁷ Jaun₂ con'₂ ca₂tó'₂ nei₂ dé₄, ma₂ñó₅ tsi₁mu₅ dsi₂jo₂ jmi₁ñí'₄, 'ñiog₅ gué'₂ Jesús jaun₂ bá₄ 'ein₅₄ 'uë₃. ⁴⁸ Jaun₂ ca₂jág₃ Jesús 'ñio₅ cán₂ ta₁ tióin'₅₄ a₂jein₂₃ ni₁'ma₂ a₂gag₂ jmi₂g, ia₁ 'liog'₂ dsí₂ le₂ca'₃. Jaun₂ con'₂ le₁né₃ të₂le₃ ca₂jnia₃, ca₂jme₃quián₃ Jesús ñi₂₃ ne₄ jmi₂g ja₁ñó₄ tsi₁mu₅. Jaun₂ ca₂jmo₃ në₂jag₄ bá₄ i₂jme₁ma₂ñí₃ co₂dsau₅ ja₁tion'₅₄ 'éi₂.

⁴⁹ Jme₁ca₂jág₂ jóin'₅ ñi₂₃ ne₄ jmi₁ñí'₄, dsa₂ 'lin'₅₄^u bá₄ 'éi₂ lín₂, jaun₂ ca₂tóin'₂ co₂mi'₅₄ ca₂guió'₃, ⁵⁰ ia₁ ca₂le₃jín₃ bá₄ ca₂rë₃gó'₅ 'ñio₅ lín₃ jme₁ca₂jág₂. La₁ dsi₂jui₅ bá₄ ca₂juá'₂ Jesús:

—iTiá₂ dsia₄ 'nia'₂ 'au'₂; jniá₂ bá₄ la₂, tsá₃ lë₁jmo₂ 'nia'₂ gang'₃!

⁵¹ Jaun₂ ca₂uíg₂ 'ñió'₃ tsi₁mu₅ ja₁tion'₅₄ 'éi₂. Jaun₂ ca₂'ág₂ táng₃ tei₄ ca₂jñia'₃ dsí₂, jaun₂ i₃gó'₃ dsí₅ 'éi₂ 'ñio₅ lín₃. ⁵² Ia₁ tsá₃ 'e₂ ca₂ñí'₂ dsí₅ dsa₂ 'éi₂ jui₁lia'₂ léi₄ jué'₂ a₂ma₂në₂jág₃ jmo₅ Jesús quian'₅₄ i₁ñí'₄, në₂jag₄ bá₄ cha₂ a₂jmo₅ jnág₅ a₂tsá₃ rë₂ñí'₂.

Ca₂jme₃'lión₂ Jesús dsa₂ dso'₅₄ 'uë₃ Genesaret
(Mateo 14:34-36)

⁵³ Jme₁ca₂'ain₂ jmi₂g, ca₂dsi₃lén₂ 'uë₃ Genesaret. Ja₁jaun₂ ca₂'néi₂ tsi₁mu₅ chei'₅₄ jmi₂g. ⁵⁴ Dsi₂jui₅ jme₁ca₂'uiin₂ tsi₁mu₅, co₂tan₅₄ lia'₂ ca₂rë₃cuin₅ bá₄ dsa₂ Jesús. ⁵⁵ Jaun₂ ca₂i₁nioi₁₂ co₂chi'₅₄ le₂tan₅₄ juig₂ te₁'i₁ ma₂quián₅ jaun₂. Jaun₂ ca₂i₁quian₅₄ dsa₂ dsa₂ i₂le₁dso'₅₄ quian'₅₄ tsi₁jein₁ 'a₂ gué'₃ já'₄ 'en₅₄ Jesús. ⁵⁶ Ca₂le₂con₂ ja₁jme₁ñi₅ Jesús, jë₁ma₂'í₅ jë₄ juig₂, jë₄ ciudad, o₃ le₂'i₄ jui₅ ja₁ñó₄ 'e₂, jme₁qui₂dsi₂jñia₃ dsa₂ dsa₂ dso'₅₄, qui₂ca₂dsiog₃ ja₁niog₅ 'ma'₅₄. Qui₂ca₂mi₃ dsa₂ tsá₃ a₂nag₅₄ o₁jñia'₅₄ a₃tag₄ tsin'₅₄ bá₄ cuë₃ jmi₂g a₂ñí'₃. Jaun₂ ca₂le₃jín₃ dsa₂ dso'₅₄ i₂qui₂ca₂ñí'₃ tsin'₅₄ Jesús, qui₂ca₂'lón₂.

^u49 griego: fantasma.

Jme₂tag₅ Jesús jui₁lia'₂ 'e₂ jaun₂ a₂jmo₅ a₂rë₂'nio₅ dsa₂
(Mateo 15:1-20)

7 ¹ Jaun₂ në₃ dsa₂ fariseos quian'₅₄ i₂lin₅₄ të₅juá'₅ i₂ja₂lén₂ Jerusalén, ca₂o₃léin₂ ca₂ñii'₂ ja₁'en₅₄ Jesús. ² Ca₂jág₃ dsa₂ 'éi₂ ca₂jín₂ i₂lin₅₄ chi'₂ dsi₂guia₃-tín₂ a₂gué'₅ të₃ tsá₃ “le₁jé₃” gu₂, tsá₃ jme₂ti₃ jua'₅₄ a₂rang₂₃ lia'₂ con'₂ lé₅ 'éi'₃.^v ³ (Ia₁ ca₂le₃jín₃ dsa₂ fariseos, quian'₅₄ ca₂le₃jín₃ dsa₂ chan₂ Judea në₃, jme₂ti₃ lia'₂ con'₂ lé₅ tag₄ chí'₅ quió'₅ dsa₂ can'₅₄, a₂tsá₃ gué'₃ në₁jua'₂ tsá₃ ma₂në₂rang₃ 'lióng₂ ráun₂ gu₂.⁴ Jë₁ma₂o₃lein₃ 'ma'₅₄, tsá₃ gué'₃ në₁jua'₂ tsá₃ ma₂në₂jme₃ti₃ con'₂ tag₄ chí'₅ a₂rang₃ quió'₅. Jaun₂ 'lióng₂ bá₄ gué'₄ tag₄ siá'₂ a₂jme₂ti₃ dsa₂ jui₁lia'₂ a₂rang₅ dsa₂ ni₁vaso, jui₁lia'₂ a₂rang₅ dsa₂ ni₁taza, ni₁dsig₁, tsi₁cama në₃.)^w ⁵ Jaun₂ në₃ ca₂ñag₃ dsa₂ fariseos quian'₅₄ të₅juá'₅, ca₂ñii'₃ Jesús:

—'E₂ lë₃ tsá₃ jme₂ti₃ chi'₂ dsi₂guia₃-tín₂ quiáng'₂ tag₄ chí'₅ quió'₅ dsa₂ can'₅₄? Gué'₅ bá₄ të₃ tsá₃ ma₂në₂rang₃ gu₂.

⁶ Jaun₂ ca₂ñag₃ 'éi₂:

—Dsón'₂ bá₄ dsau₅ ca₂juá'₂ Isaías ca₂'iin₃ 'nia'₂ dsa₂ i₂lë₁jmo₅-dsáu₅ o₁ne₁, jui₁lia'₂ tio'₅₄ ne₄ Si₂:

Dsa₂ juig₂ la₂ jme₂juag'₂ jniá₂
 jmá'₃ lia'₂ quian'₅₄ mi₂'o₅₄ bá₄,
 la₁ia₁ uíng₂ bá₄ 'i₄ dsí₅ ja₁con₂ jniá₂.

⁷ La₁ tsá₃ 'e₂ ta₁ tí₄ a₂jme₂juag'₂,
 ia₁ jág₁ a₂jme₂tag₂₃,
 'éi'₃ a₂lë₁lé₅ quió'₅ dsa₂ mi₂güí₃ bá₄.^x

⁸ Ia₁ co₂dsia₅ ma₂ca₂tí'₃ bá₄ 'nia'₂ 'éi'₃ quió'₅ Diú₄, a₂ma₂ja₂nóg'₅ chan'₅₄ tiá₂ 'éi'₃ tag₄ quió'₅ dsa₂ mi₂güí₃.^y

⁹ Ca₂juá'₂ ján₃:

—'Nio₅ tin'₂ 'nia'₂ jmo'₂ cau₅ 'éi'₃ quió'₅ Diú₄, a₂jme₂tí'₁ 'nia'₂ tag₄ quián'₂ 'nia'₂ guiong'₅₄. ¹⁰ Ia₁ ca₂juá'₂ Moisés a₂jme₃gan₃ dsa₂ chog₅₄-jmei₂.^z Jaun₂ juá'₂, chi₂jua'₂ 'ein₂ ca₂juá'₂ uig₅ ne₄ chog₅₄-jmei₂, jui₁join₅₄.^a ¹¹ La₁ 'nia'₂ në₃ juá'₂ a₂lé₂ le₃juá'₂ dsa₂ tsí'₃ chog₅₄-jmei₂: “Tsá₃ 'nia'₂ lé₂ le₃jme₁'ong₁₂, ia₁ ca₂le₃jé₃ a₂cha₂ quió'₃ a₂lé₅ Corbán”, (co₂'nió'₄ a₂juá'₂, a₂ma₂lé₅ quió'₅ Diú₄ bá₄). ¹² Në₁jua'₂ le₂në₅ jaun₂ tsá₃ ma₃cuë'₂ 'nia'₂ jmi₃g₄ a₂jme₃'on₅₄ gué'₄ dsa₂ chog₅₄-jmei₂. ¹³ Jaun₂ le₂në₅ bá₄ tsá₃

^v2 A₂lin₅₄ chog₅₄ si₂ juá'₂ le₂la₂ ján₃: “jaun₂ lë₃ ca₂chi₂ca₂'ag₃.”

^w4 A₂lin₅₄ chog₅₄ si₂ juá'₂: “ni₁taza, ni₁dsig₁, ni₁ñí₁ në₃.”

^x6-7 Isaías 29:13.

^y8 A₂lin₅₄ chog₅₄ si₂ juá'₂ ján₃: “jui₁lia'₂ a₂qui₂rang'₂ 'nia'₂ ni₁dsig₁, ni₁vaso a₂'ág'₂ jmi₃g₂, ca₂le₃jé₃ gué'₄ 'e₂ cosa a₂qui₂jmo'₂ 'nia'₂ në₃.”

^z10 Éxodo 20:12; Deuteronomio 5:56.

^a10 Éxodo 21:17; Levítico 20:9.

ma₃'e₂ quen₅ jág₁ quió'₅ Diú₄, jmo'₂ 'nia'₂, tē₂le₃ quian'₅₄ tag₄ a₂chí'₅,
a₂ca₂ṇag₃ dsa₂ can'₅₄ quiáng'₂. 'Lióng₂ bá₄ gué₄ a₂siá'₂ jmo'₂ 'nia'₂.

¹⁴ Jaun₂ ca₂té'₃ Jesús dsa₂, ca₂juá'₂:

—Nei₂ 'nia'₂ dse₃ ca₂le₃jíng'₃ a₂juá'₄ jniá₂ la₂. ¹⁵ 'I₁caun₂ a₂dsi₂to'₅₄
quió'₅ dsa₂, on₃jua'₅₄ a₂jaun₂ jmo₅ a₂rē₂'iog₅ jme₂dsí₂ quió'₅. Cosa a₂'uē₂
dsí₅ dsa₂ guioin₅₄, a₂jaun₂ bá₄ jmo₅ a₂rē₂'iog₅ jme₂dsí₂.^b

¹⁷ Jme₁o₂'íin₃ jin₄ dsa₂, ṇái'₃ dsi₂néi₂, jaun₂ ca₂ṇag₃ chi'₂ dsi₂guia₃-tín₂
quiáin₅ 'e₂ jág₁ dsau₅ jáng'₅ jág₁ ca₂cué'₃ dsa₂ jaun₂. ¹⁸ Jaun₂ ca₂juá'₂:

—¿Ján₃ bá₄ tsá₃ ṇí'₂ 'nia'₂ a₂juá'₅ jniá₂? Ca₂le₃jé₃ 'e₂ a₂gué'₅ dsa₂,
on₃jua'₅₄ a₂jaun₂ jmo₅ a₂rē₂'iog₅ jme₂dsí₂. ¹⁹ Ia₁ on₃jua'₅₄ dsí₅ dsa₂
dsi₂to'₅₄ a₂gué'₅. Rē₂tú'₅ bá₄ dsa₂ dsi₂to'₅₄ a₂jaun₂. Cang₂ jaun₂ dsi₂'uē'₅₄
táng₃ dsa₂ ca₁'né₄.

(Ca₂'ē₃ co₂'nió'₄ a₂le₁jé₃ ca₂le₃jé₃ bá₄ má₃, jme₁ca₂juá'₂ le₂nē₅).

²⁰ Ca₂juá'₂ ján₃:

—Ca₂le₃jé₃ a₂'uē₂ dsí₅ dsa₂, a₂jaun₂ bá₄ a₂jmo₅ a₂rē₂'iog₅ jme₂dsí₂.

²¹ Tē₂dsí₅ bá₄ dsa₂ 'uē₂ ca₂le₃jé₃ ne₅₄ a₂'lig'₅₄: jui₁lia'₂ a₂lé₅ dsí₅ dsa₂ niói'₃
jág₁ quian'₅₄ dsa₂ i₂tsá₃ lín₅ dsi₂i₂gu₂; a₂'ang₅ dsa₂; a₂jme₂dsian₅ dsa₂
riin'₅₄; ²² a₂'ín₅ dsí₅ dsa₂ jmo₃ quió'₅ a₂cha₂ quió'₅ riin'₅₄; 'e₂ caun₂ a₂tsá₃
dsi₂ten₅₄ jmái'₂ riin'₅₄; a₂qui₂jme₂gain₂₃ riin'₅₄; a₂jmo₂₃ o₂guí'₃ 'lig'₅₄,
a₂jmo₂₃ uig₅ dsí₅, a₂qui₂chi₂'ín₅ dsa₂ riin'₅₄; a₂jme₂róin₂ jmái'₂ dsa₂;
ca₂le₃jé₃ gué₄ 'e₂ a₂tsá₃ 'en₅₄ dsí₅ dsa₂ lín₅. ²³ Ca₂le₃jé₃ a₂nē₅, tē₂dsí₅ bá₄
dsa₂ lé₂, a₂nē₅ bá₄ a₂jmo₅ a₂rē₂'iog₅ jme₂dsí₂ quió'₅ dsa₂.

Jan₂ i₁náu₃ i₂ca₂rē₃'én₂ tē₂le₃ quió'₅ Jesús

(Mateo 15:21-28)

²⁴ A₂'ein₅₄ ja₁jaun₂, ca₂o₃'íin₃ ṇó₃ 'uē₃ ma₂quián₅ jui₂ Tiro.^c Jaun₂
ca₂'í₃ con'₂ tē₃co'₅₄ bá₄ dsi₂néi₂ quió'₅ dsa₂ ja₁jaun₂. La₁ tion₅₄ bá₄
ca₂rē₃lí'₄ dsa₂, tsá₃ ma₃ca₂cuin₃ jmig₄ a₂'mai₃. ²⁵ Dsi₂jui₅ jaun₂ ca₂nág₂
chog₅₄ jan₂ 'io₅₄ bē'₅₄ i₂'en₅₄ jme₂dsí₂ 'lín'₅₄. Ca₂dsióg₃, jaun₂ ca₂chi₃iné₃
ne₄ Jesús. ²⁶ 'Éi₂ jme₁lín₄ jan₂ 'io₅₄ griega, i₂chan₂ Sirofenicia. Jaun₂
ca₂mi₃ ca₂tsí'₃ 'éi₂ a₂dsi₃dsein₂₃ je₂na'₅₄ quió'₅ chi'₂ quiáin₅. ²⁷ Jaun₂
ca₂ṇag₃ Jesús:

—Jui₁le₂tan₅₄ de'₂ jniá₅ chi'₂ quiáng₃; ia₁ tsá₃ dsi₂ten₅₄ jua'₅₄ a₂jniá'₄
jniá₂ i₁ṇí'₄ quió'₅ chi'₂, a₂ton₅₄ ne₄ dsi₂jí'₅₄.

²⁸ Jaun₂ ca₂ṇag₃ táng₃ 'io₅₄ 'éi₂:

—Dsón'₂ bá₄ dsau₅, Te₁gui'₅₄, la₁ia₁ le₂jio₅ dsi₂jí'₅₄ bá₄ gué'₅ né'₃
ni₁mesa 'nau₅₄ a₂tsi₂séi'₂ guein₂.

²⁹ Jaun₂ ca₂ṇag₃ táng₃:

^b15 A₂lín₅₄ chog₅₄ si₂ chi₁ton₅ versículo 16 bá₄ ján₃, a₂juá'₂: “Ca₂le₃jín'₃ 'nia'₂ i₂le₁dsi₅₄
rē₂gua₄, nei₂ 'nia'₂.”

^c24 A₂lín₅₄ chog₅₄ si₂ juá'₂ ján₃: “quian'₅₄ Sidón.”

—Dse₃ nē₂ŋag'₅₄. Ma₂lé₂ guang'₅₄. Ma₂o₂'ín₃ bá₄ je₂na'₅₄ i₂jme₁'en₅₄ tē₂dsí₅ chí'₂ quiáng'₂.

³⁰ Jaun₂ ca₂ŋái'₃ bá₄; jme₁dsiáin'₃, ca₂jín₂ ja₁míg₄ roin₂₃ tei₄ ne₄ tsi₁cama, ma₂o₂'ín₃ bá₄ je₂na'₅₄ tē₂dsí₅.

Ca₂jme₃'lión₂ Jesús jan₂ dsa₂ güin₄ i₂tsá₃ lín₄ lé₂ dsia₃ jág₁

³¹ Ca₂o₃'ín₃ táng₃ Jesús juig₂ Tiro, ca₂ŋí₃ jui₅ juig₂ Sidón, jaun₂ ca₂dsióg₃ chei'₅₄ jmi₁ŋí'₄ Galilea, jaun₂ ca₂'í₃ 'uë₃ Decápolis. ³² Ja₁jaun₂ ca₂o₃jñia₃ dsa₂ jan₂ dsa₂ i₂tsá₃ lín₄ lé₂ dsia₃ jág₁. Jaun₂ ca₂mi₃ dsa₂ a₂quióg₃ Jesús gu₂ ne₄ quió'₅ dsa₂ 'éi₂. ³³ Jaun₂ ca₂jio₃ Jesús ca₂jñiai₃ dsa₂ 'éi₂ caun₂ ja₁co₂'ŋiog₅, jaun₂ ja₁jaun₂ ca₂tiá₂ chí₁gú₃ rē₂gua₄ dsa₂ 'éi₂, jaun₂ ca₂'ŋéi₃ chí₁gú₃, jaun₂ ca₂ní'₂ le₁tsi'₂ dsa₂ 'éi₂. ³⁴ Jaun₂ ca₂chóg'₃ ne₅₄ guei'₅₄ i₂juíg₃, ca₂choin₃ dsí₅, jaun₂ ca₂juá'₂:

—iEfata! —co₂'nió'₄ a₂juá'₂: iNia₄!

³⁵ Jme₁ma₂nē₂juá'₂ le₂nē₅, ca₂niá₃ rē₂gua₄ mi₂'o₄ dsa₂ 'éi₂ nē₃, ca₂'lón₂, ca₂dsia₃ dse₃ jág₁. ³⁶ Jaun₂ ca₂juá'₂ Jesús ca₂tsí'₃ ca₂le₃jín₃ dsa₂ i₂jme₁tion'₅₄ a₂tsá₃ 'ein₂ tsí'₃. La₁ tē₂le₃ i₂jui'₂ gué'₄ ca₂dsia₃ bá₄ dsa₂. ³⁷ Jaun₂ 'ŋio₅ lín₃ ca₂i₃gó'₃ dsí₅ dsa₂ jme₁ca₂rē₃ŋi₅. Jaun₂ qui₂ca₂dsia₃ dsa₂:

—Dse₃ bá₄ ca₂le₃jé₃ a₂jmo₂₃. Jmo₂₃ a₂nag₅ dsa₂ i₂güin₄, lia'₂ dsa₂ i₂con₄ nē₃, lé₂ le₃dsia₃ jág₁.

Ca₂jme₃tan₅₄ Jesús quén₂ mei₅ dsa₂

(Mateo 15:32-39)

8 ¹ Jmig₄ jaun₂ ca₂ŋi'₂ juin₅ lín₃ dsa₂. Ia₁ tsá₃ ma₃'e₂ cha₂ gué'₃, jaun₂ ca₂té'₃ Jesús chí'₂ dsi₂guia₃-tín₂ quiáin₅, jaun₂ ca₂juá'₂:

² —Néi₂ dsi₃ jing₅₄ dsa₂ nē₅, ia₁ ma₂'ni₅ jmig₄ tioin'₅₄ ja₁lá₃ quiong'₅₄, tsá₃ ma₃'e₂ cha₂ gué'₃. ³ Nē₁juá'₂ dsiain'₅₄ gué'₂ jniá₂ quió'₅ tē₃ tsá₃ ma₂nē₂gué'₃, 'uáin₂ bá₄ le₂'i₄ jui₅, ia₁ uing₂ bá₄ ja₂lén₂ i₂lín₅₄ nē₅.

⁴ Jaun₂ ca₂ŋag₃ chí'₂ dsi₂guia₃-tín₂ quiáin₅:

—¿A₂já'₄ bá₄ lé₂ le₃dsi₁'nióg₂ ca₂le₃jé₃ i₁ŋí'₄ a₂'nió'₅ le₂tan₅₄ dsa₂ nē₅ ja₁co₂'ŋiog₅ la₂?

⁵ Jaun₂ ca₂ŋag₃ táng₃ Jesús:

—¿Je₂liá'₂ i₁ŋí'₄ 'i₄ quián'₂ 'nia'₂?

—Guio₃ bá₄ —ca₂ŋag₃.

⁶ Jaun₂ ca₂jmo₃ Jesús 'éi'₃ a₂tian'₃ dsa₂ ca₂le₃jín₃ 'uë₃. Jme₁ma₂chan'₂ le₂guio₃ i₁ŋí'₄, ca₂cué'₃ ti₁'mag'₄ Diú₄, jaun₂ ca₂jmo₃ le₁'nau₅₄, jaun₂ gué'₄ ca₂cué'₃ chí'₂ dsi₂guia₃-tín₂ quiáin₅, ia₁jaun₂ 'éi₂ dsia₃ ne₄ dsa₂. Jaun₂ le₂jaun₂ bá₄ ca₂jmo₃. ⁷ Jme₁tion'₅₄ on₃-ún₂ i₁ju₁ pí'₁, jaun₂ ca₂jme₃jñioi₃ quió'₅ 'éi₂ ján₃, jaun₂ ca₂jmo₃ 'éi'₃ a₂dsión'₂ 'éi₂. ⁸ Jaun₂ qui₂ca₂gué'₃ ca₂le₃jín₃ dsa₂ ca₂lia'₂ ca₂rē₃tain₅₄. Jme₁ca₂lē₃ jaun₂, ca₂cág'₃ dsa₂ guio₃ tsi₁mi'₂ 'nau₅₄ a₂ca₂chóng₃. ⁹ Ca₂le₃jín₃ dsa₂ 'éi₂ jme₁lé₂ con'₂ quén₂ mei₅.

Jaun₂ gué₄ qui₂ca₂'ág'₃ jág₁ dsa₂.¹⁰ Dsi₂jui₅ le₂jaun₂ ca₂'í₃ táng₃ 'ñi₃
tsi₁mu₅ quiain'₅₄ chi'₂ dsi₂guia₃-tín₂ quiáin₅, ca₂dsi₃lén₂ 'uë₃ Dalmanuta.

Mi₅ dsa₂ fariseos a₂jmo₃ Jesús caun₂ léi₄ jué'₂

(Mateo 16:1-4; Lucas 12:54-56)

¹¹ Jaun₂ ca₂o₃lén₂ dsa₂ fariseos ca₂jme₃lióg₃ ca₂tsín₂ quiong'₅₄, a₂mi₂₃
jmo₃ 'éi₂ caun₂ léi₄ jué'₂ a₂já₅ guei'₅₄ i₂juíg₃.¹² Jaun₂ ca₂chon₃ Jesús dsí₅
'ñio₅ lin₃, jaun₂ ca₂juá'₂:

—¿E₂ bá₄ lë₃ 'nio₃ dsa₂ chan₂ jmig₄ në₃ a₂jmo₅₄ jniá₂ léi₄? A₂dsi₂jó'₃
juíg₂ jniá₂ 'nia'₂, tsá₃ léi₄ jaun₂ le₃guéi'₁ 'nia'₂.

¹³ Tión₂ jaun₂ bá₄ dsa₂ 'éi₂, ca₂'í₃ táng₃ 'ñi₃ tsi₁mu₅ ca₂ñó₃ le₃'ño'₅₄
jmi₁ñí'₄ le₃ó₃.

Levadura quió'₅ dsa₂ fariseos

(Mateo 16:5-12)

¹⁴ Ca₂'en₃ dsí₅ chi'₂ dsi₂guia₃-tín₂ cán₂ a₂gué'₃, jñia'₅₄ lia'₂ caun₂ i₁ñí'₄
bá₄ quian₅ i₃lén₂ 'ñi₃ tsi₁mu₅.¹⁵ Jaun₂ ti₁ca₂néi'₂ Jesús jág₁, ca₂juá'₂:

—Të₃ñi'₅₄ quián'₂ 'nia'₂ quian'₅₄ juá'₅ quió'₅ dsa₂ fariseos, quian'₅₄ jág₁
quió'₅ Herodes në₃. Ia₁ lë₅ lia'₂ lë₅ jui₁ levadura.

¹⁶ Jaun₂ ca₂dsia₃ chi'₂ dsi₂guia₃-tín₂ quian'₅₄ riin'₅₄:

—'An₁ juá'₂ le₂në₅ ia₁ tsá₃ i₁ñí'₄ cha₂ quián₂ jniog₄.

¹⁷ Ca₂rë₃lí'₄ bá₄ Jesús jág₁ a₂dsia₅ 'éi₂ i₃lén₂, jaun₂ ca₂juá'₂:

—¿E₂ lë₃ juá'₂ 'nia'₂ a₂tsá₃ i₁ñí'₄ cha₂ quián'₂ 'nia'₂? ¿E₂ lë₃ ñí'₄ tsá₃
rë₂ñí'₂ 'nia'₂? ¿O₃ a₂tsá₃ len'₅₄ 'e₂ 'nia'₂, o₃ a₂cang₄ dsei'₂ 'e₂ 'nia'₂?¹⁸ ¿O₃
bá₄ a₂lë₁tio'₅₄ mi₂ne'₅₄ 'e₂ 'nia'₂, la₁ tsá₃ jniag'₃? ¿O₃ bá₄ a₂lë₁le₁dsi₅₄ bá₄
rë₂guá'₂ 'nia'₂, la₁ tsá₃ nag'₂ gué'₂ 'nia'₂? ¿O₃ bá₄ tsá₃ ma₃dsá'₂ 'e₂ 'au'₂
'nia'₂?¹⁹ Lia'₂ con'₂ jme₁ca₂dsio'₄ jniá₂ quian'₅₄ 'ñiá₂ i₁ñí'₄ bá₄ ca₂lin₅
ca₂gué'₃ con'₂ 'ñiá₂ mei₅ dsa₂, ¿je₂liá'₂ mi'₂ ca₂lë₃ ni₁'nau₅₄ a₂ca₂chóng₃
gué'₄ ca₂cag'₅₄ 'nia'₂?

Jaun₂ ca₂ñag₃ 'éi₂:

—Guia₃-tín₂.

²⁰ —Con'₂ siá'₂ táng₃, lia'₂ con'₂ jme₁ca₂dsio'₄ jniá₂ guio₃ i₁ñí'₄ ca₂lin₅
ca₂gué'₃ quén₂ mei₅ dsa₂, ¿je₂liá'₂ mi'₂ 'nau₅₄ a₂ca₂chóng₃ ca₂cag'₅₄ gué'₄
táng₃ 'nia'₂?

Jaun₂ ca₂ñag₃ táng₃ 'éi₂:

—Guio₃.

²¹ Jaun₂ ca₂juá'₂ táng₃:

—¿Tsa₁ rë₂len'₅₄ bá₄ gué'₄ 'nia'₂ jaun₂?

Ca₂jme₃'lión₂ Jesús jan₂ dsa₂ ten₄ juig₂ Betsaida

²² Jaun₂ dsi₃lén₂ juig₂ Betsaida. Jaun₂ ca₂o₃jñia₃ dsa₂ jan₂ dsa₂ ten₄,
jaun₂ ca₂mi₃ dsa₂ a₂téi₂ gu₂.²³ Jaun₂ në₃ ca₂jña'₃ gu₂ dsa₂ ten₄ 'éi₂,
ca₂jio₃ jui₅ 'ni'₂ juig₂. Jaun₂ ja₁jaun₂ ca₂tsáng₂ jmi₁'é'₅ quió'₅, jme₁ne₁

dsa₂ 'éi₂, ca₂téi₂ gu₂, jaun₂ ca₂ɲag₃ chi₂jua'₂ ma₂lé₂ jág₃.²⁴ Jaun₂ ca₂chóg'₃ ne₅₄ ca₂jág₃, jaun₂ ca₂juá'₂:

—Jin₄ jniá₂ dsa₂ i₂nio₄, i₂jniá₂ lia'₂ jniá₂ ni'₁ma₂.

²⁵ Con'₂ siá'₂ ca₂tí₂ táng₃ Jesús gu₂ jme₁ne₁ dsa₂ 'éi₂, jaun₂ gué₄ ca₂jág₃ i₁ca'₅₄ mi₂ne₅₄, jaun₂ gué₄ ca₂rě₃jniá₂ dse₃ jme₁ne₁₂, ca₂'lón₂.²⁶ Jaun₂ ca₂dsióg'₂ Jesús co₂dsau₅ ja₁quió'₄, ca₂juá'₂:

—Tsá₃ 'ú₅ jě₄ juig₂ tē₃ jág₅ dsa₂.

Ca₂cuē₃ Pe₄ jág₁ dsau₅ a₂lín₅ Jesús I₂rě₂'ín₁ quián₅ Diú₄

(Mateo 16:13-20; Lucas 9:18-21)

²⁷ Cang₂ jaun₂ ca₂ɲó₃ Jesús quiaín'₅₄ chi'₂ dsi₂guia₃-tín₂ quiaín₅ le₂tan₅₄ juig₂ Cesarea ja₁tén₄ Filipo. Jaun₂ le₂'i₄ jui₅ ja₁i₃lén₂, ca₂ɲag₃ Jesús ca₂ɲí'₃ chi'₂ dsi₂guia₃-tín₂:

—ǎ'Eín₂ lín₅ jniá₂, juá'₂ dsa₂?

²⁸ Jaun₂ ca₂ɲag₃ chi'₂ dsi₂guia₃-tín₂:

—I₂lín₅₄ dsa₂ juá'₂ a₂lín'₅ Juan₅₄ i₂jme₁chon₅ dsa₂ jmig₂. I₂lín₅₄ guē'₂ juá'₂ a₂lín'₅ Elías. I₂lín₅₄ guē'₂ juá'₂ táng₃ a₂lín'₅ jan₂ i₂sián'₂ i₂chen₄ quián₅ Diú₄.

²⁹ Jaun₂ ca₂ɲag₃ táng₃:

—ǎ'Nia'₂ guē'₂ né₃? ǎ'E₂ juá'₂ 'nia'₂ 'eín₂ lín₅ jniá₂?

Jaun₂ ca₂ɲag₃ Pe₄:

—'Ne₂ lín'₅ I₂rě₂'ín₁ quián₅ Diú₄.

³⁰ Jaun₂ ca₂jmo₃ Jesús 'éi'₃ a₂tsá₃ dsia₃ tsí'₃ 'i₁jan₂ jua'₅₄ a₂'ag₃.

Ca₂'é₂ Jesús jág₁ a₂jóin₂

(Mateo 16:21-38; Lucas 9:22-27)

³¹ Jaun₂ né₃ ca₂jme₃lióg₃ Jesús ca₂'é₂ jág₁ ca₂tsí'₃ chi'₂ dsi₂guia₃-tín₂, a₂ca₂tín₂ Jaun₅ dsa₂ mi₂güí'₃ dsi₃ɲí₂ 'lióng₂ uig₅, a₂tsá₃ le₃jei₅₄ dsa₂ can'₅₄ quián₅ guá'₅, juig₅₄ jme₂dsa₂, tē₅juá'₅ né₃. Ca₂le₃jín₃ quín'₃ jág₁ a₂ɲag'₃. La₁ jeín'₅₄ bá₄ táng₃ a₂'ni₅ jmig₄ jaun₂.³² Ca₂juá'₂ lia'₂ rě₂jíá₃ jág₁. Jaun₂ Pe₄ né₃ ca₂jio₃ le₂cau₅, jaun₂ ca₂jme₃lióg₃ ca₂ti₂ca₂néi'₂ a₂jme₁jnëi₂ jui₅.

³³ Jaun₂ ca₂jén'₃ Jesús ca₂jín₂ ca₂le₃jín₃ chi'₂ dsi₂guia₃-tín₂, jaun₂ ca₂jén₂ Pe₄ ca₂juá'₂:

—iJniag'₃ cau₅ quió₃, 'ne₂ Satanás! Ia₁ tsá₃ dsi₂jio₅ 'au'₂ jui₁lia'₂ dsi₂jio₅ dsí₅ Diú₄; lia'₂ dsi₂jio₅ dsí₅ dsa₂ mi₂güí'₃ bá₄ dsi₂jio₅ 'au'₂.

³⁴ Jaun₂ ca₂té'₃ Jesús chi'₂ dsi₂guia₃-tín₂, ca₂le₃jín₃ gué₄ dsa₂ i₂jme₁tion'₅₄ né₃. Jaun₂ ca₂juá'₂:

—Chi₂jua'₂ 'eín₂ 'nio₃ 'eín₃ jniá₂, co₂dsia₅ jui₁dsi₂'én₂ dsí₅ guioin₅₄, jui₁jmo₁₂ co₂jñiai₅₄ a₂jóin₂,^d jui₁'eín₁₂.³⁵ Ia₁ jui₁'eín₂ gué₃ i₂tsá₃ 'nio₃ jón₂ ia₁ 'ín₅ dsí₅ le₃chain₂ dse₃ mi₂güí'₃ la₂, dsi₃'én₂ quió'₅. La₁ jui₁'eín₂ gué₄

^d34 lit. "jui₁quian₅₄ cróg₄ quió'₅."

i₂tén'₂ dsí₅ gue₃ 'mú₃ 'uig₅₄ quió₃ jniá₂, 'uig₅₄ quió'₄ jág₁ dse₃ né₃, tín'₄,
le₃chain₂ dse₃ mi₂güí₃ caun₂. ³⁶ ¿'E₂ bá₄ ta₁ jmo₃ a₂lí'₂ dsa₂ 'ñio₅ lin₃ ne₄
gua'₅₄ 'uë₃ la₂, në₁jua'₂ dsi₃'én₂ bá₄ guë'₂ jme₂dsí₂ quió'₅ mi₂güí₃ caun₂?
³⁷ ¿O₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tín'₄ jme₂dsí₂ quió'₅? ³⁸ Ia₁
jui'₁ein₂ guë'₃ i₂gui'₅₄ jmóg'₂ jniá₂, quian'₅₄ jág₁ dse₃ quió₃, të₃jín₄ dsa₂
i₂qui₂rë₂cán'₄ dso₄ i₂tsá₃ ne'₅₄ chan₂ jmig₄ në₃, ján₃ bá₄ le₂jaun₂ Jaun₅
dsa₂ mi₂güí₃ gui'₅₄ jmóg'₂ jë₁ma₂të₂ rë₁guain'₂ quian'₅₄ ángeles jñiós
quian'₅₄ ca₂le₃jé₃ bí₂ jlá'₁ quió'₅ jmei₂.

9 ¹ Jaun₂ ca₂tsí'₃ dsa₂ le₂la₂ ján₃:
—A₂dsi₂jó'₃ juá'₅ jniá₂, ia₁ chan₂ i₂lin₅₄ 'nia'₂ i₂tión₂ ja₁lá₃ i₂tsá₃
tín₅₄ dsián₃ né'₃ a₂të₅₄ ne₅₄ a₂guá₂ jmig₄ a₂jme₃gón₃ Diú₄ quian'₅₄ jui₅bí₂
quió'₅.

Ca₂rë₃tsín₃ Jesús lia'₂ jniái₂
(Mateo 17:1-13; Lucas 9:28-36)

² Jñéi₂ jmig₄ cang₂ jaun₂ ca₂jñia₃ Jesús Pe₄, Jacobo, Juan₅₄ në₃, jaun₂
ca₂i₃lén₂ con'₂ guioin₅₄ jui₅ caun₂ má'₂ ñei₅. Ja₁jaun₂ ca₂jme₃tsín₃ Jesús
lia'₂ jniái₂ të₃ jág₅ riin'₅₄. ³ Jaun₂ ni₁tsin'₅₄ ca₂jñia₃ tá₃ co₂'né'₅ tiog₂ jau₂
ca₂lia'₂ 'i₁jan₂ dsa₂ chan₂ mi₂güí₃ tsá₃ tiin₂ rang₃ 'mi'₂ a₂jñia₅₄ tiog₂
le₂jaun₂. ⁴ Jaun₂ ca₂jág₃ ca₂jñia₃ coin₂, Elías quian'₅₄ Moisés, tióin₂ dsia₂₃
jág₁ quian'₅₄ Jesús. ⁵ Jaun₂ në₃ ca₂juá'₂ Pe₄ ca₂tsí'₃ Jesús:

—Të₅, i'e₂ guë'₄ dse₃ lia'₂ tio'₅₄ jniog₄ ja₁lá₃! Në₃ o₁jmog'₅₄ 'ni₅ tsi₁'io₅
láu₃: caun₂ quiáng'₂, caun₂ quió'₅ Moisés, caun₂ guë'₂ quió'₅ Elías në₃.

⁶ (On₃jua'₅₄ jaun₂ ca₂rë₃lí'₄ rë'₂ Pe₄ 'e₂ a₂ca₂'ñiai₂, të₂'i₂₃ le₂jaun₂, ia₁
a₂gó'₅ 'ñio₅ lin₃ tióin'₅₄.) ⁷ Të₃jë₄ jaun₂ në₃ ca₂'ág₂ jnei₅ ja₁tióin'₅₄,
ca₂lioin₂. Jaun₂ jë₄ jnei₅ jaun₂ ca₂né'₂ jág₁ a₂ca₂juá'₂:

—I₂la₂ bá₄ jón₃ quiáng₃, i₂'nióg₃ guë'₄ lin₃. Nei₂ 'nia'₂ jág₁ quió'₅.

⁸ Dsi₂jui₅ le₂jaun₂ jme₁ca₂jág₃ tá₃g₃, tsá₃ ma₃'ein₂ chan₂, jñia'₅₄ lia'₂
jan₂ 'ñiog₅ bá₄ Jesús quiong'₅₄ guë'₄.

⁹ Jme₁ma₂tióin'₅₄ jui₅ ja₂lein₃ sióin₅ má'₂, jaun₂ ca₂jmo₃ Jesús 'éi'₃
a₂tsá₃ 'ein₂ tsí'₃ 'i₁jan₂ 'e₂ a₂ca₂jág₃ jaun₂, a₂jmo₃ tei₄ ca₂lia'₂ ca₂jen'₅₄
táng₃ Jaun₅ dsa₂ mi₂güí₃ ne₄ 'mú₃.

¹⁰ Jaun₂ në₃ tei₄ bá₄ ca₂jmo₃, tsá₃ 'ein₂ ca₂tsí'₃, jñia'₅₄ lia'₂ qui₂ca₂ñí'₃
riin'₅₄ 'e₂ jein₅ jág₁ jaun₂ a₂jein'₅₄ ne₄ 'mú₃. ¹¹ Jaun₂ ca₂ñí'₃ Jesús:

—¿'E₂ lë₃ juá'₂ të₅juá'₅, Elías bá₄ i₂ca₂tín₂ jiá₃ le₂'uig₅₄?

¹² Jaun₂ ca₂ñag₃:

—Dsón'₂ bá₄ jaun₂ Elías bá₄ i₂jiá₃ le₂'uig₅₄, a₂jmóg'₃ ca₂le₃jé₃. ¿'E₂
guë'₂ lë₃ jaun₂ chi₁ton₅ ne₄ Si₂ a₂ca₂tín₂ Jaun₅ dsa₂ mi₂güí₃ a₂tsá₃ caun₂
dsi₃ñí₂, tsá₃ guei₃ dsa₂, 'liog'₃ dsa₂ 'uë₃ co₂ñí₂? ¹³ La₁ jniá₂ juá'₅,
i₂ma₂guan₅ bá₄ Elías, qui₂ca₂jmóg'₂ dsa₂ ca₂lia'₂ lë₂ dsí₅, lia'₂ con'₂ lë₅
chi₁ton₅ ne₄ Si₂.

Ca₂jme₃'lión₂ Jesús jan₂ chi'₂ i₂jme₁'en₅₄ i₂'lin'₅₄ tē₂dsí₅

(Mateo 17:14-21; Lucas 9:37-43)

¹⁴ Jme₁co₂lág₂ jaun₂, ca₂dsi₃lein₃ ja₁tion'₅₄ riin'₅₄. Jaun₂ ca₂jín₂ juin₅ dsa₂ sián'₂ tion'₅₄ le₃lág'₃ jaun₂. Tion'₅₄ tē₅juá'₅ né₃, tsiin₂₃ quian'₅₄ 'éi₂.

¹⁵ Jaun₂ dsi₂jui₅ jme₁ca₂jág₃ dsa₂ ca₂le₃jín₃ ca₂jín₂ Jesús, ca₂i₃gó'₃ dsí₅ 'ñio₅ lin₃, jaun₂ i₃lén₂ i₁cuag₃ Diú₄. ¹⁶ Jaun₂ ca₂ñag₃ Jesús:

—¿E₂ jág₁ tsi₂jín'₂ 'nia'₂ quian'₅₄ dsa₂ nē₅?

¹⁷ Jaun₂ ca₂ñag₃ jan₂ dsa₂ i₂'en₅₄ jē₄ jaun₂:

—Tē₅, la₂ jñiag₅₄ chi'₂ quiáng₃ a₂'ein₅₄ jme₂dsí₂ 'lin'₅₄ i₂tsá₃ cuē₅ jmi₈g₄ dsia₃ chi'₂ jág₁. ¹⁸ Chi₂jua'₂ 'a₂ guē'₂ jág'₄ jmóg'₂, jmo₂₃ tón₂ 'uē₃. Qui₂'uē'₅ chi'₂ jan₅ mi₂'o₅₄, qui₂qui₈g'₂ mi₂jan₅₄ né₃. Jmo₂₃ a₂rē₂'uá'₃ rē₂juí₂ quió'₅ né₃. Jaun₂ jme₁ma₂nē₂juí₂ jniá₂ dsa₂ i₂quiang'₅₄ a₂jme₁dsein₂₃ i₂'lin'₅₄, la₁ tsá₃ tió'₅, juá'₂.

¹⁹ Jaun₂ ca₂ñag₃ Jesús:

—i'En₁ jmá'₃ tsá₃ 'e₂ 'én'₂ 'nia'₂ dsa₂ chan₂ jmi₈g₄ nē₃! ¿Je₂liá'₂ jmi₈g₄ jmá'₃ 'nió'₅ jmo₅₄ jniá₂ tió'₅ dsí₃ ñi₅₄ quian'₅₄ 'nia'₂? O₂quian₅ 'nia'₂.

²⁰ Jaun₂ ca₂i₁quian₅₄ dsa₂ chi'₂ ca₂o₃jio₃g₃ ne₅₄. Jaun₂ dsi₂jui₅ jme₁ca₂jág₃ i₂'lin'₅₄ ca₂jín₂ Jesús, ca₂jmo₃ táng₃ i₃'ín₃ i₂bē'₅₄ qui₂ca₂ba₂ca₂lín'₂ 'uē₃, 'uē'₅ jan₅ mi₂'o₅₄. ²¹ Jaun₂ ca₂ñí'₃ jmei₂ chi'₂:

—¿Jma₂je₂liá'₂ jmi₈g₄ jén'₅ le₂nē₅?

Jaun₂ ca₂ñag₃:

—Lia'₂ con'₂ bin'₅₄ bá₄ i₂nē₅. ²² 'Lióng₂ ráun₂ ma₂jmo₃ a₂'nio₃ 'í₂ né'₃ si₂, 'nio₃ 'í₂ né'₃ jmi₈g₃ né₃, a₂jmóg'₂ i₂'lin'₅₄ a₂'nio₃ jñag'₃. La₁ nē₁jua'₂ cha₂ a₂lé₂ le₃jmó'₂, dsia₄ ñéi₂ 'au'₂ jnia'₅₄.

²³ Jaun₂ ca₂juá'₂ Jesús:

—¿A₂ bá₄ lia'₂ jaun₂ “chi₂jua'₂ cha₂ a₂lé₂?” Lé₂ bá₄, quió'₅ ca₂le₃jín₃ i₂'én₂.

²⁴ Dsi₂jui₅ le₂jaun₂ ca₂ñag₃ jmei₂ i₂bē'₅₄ ca₂juá'₂ tiá₂:

—i'Én₂ bá₄ jniá₂! iJme₁'o₁ jaun₂ le₃'éng₂ gué₄!

²⁵ Jme₁ca₂jág₃ Jesús caun₂ qui₂ca₂ñi'₂ juin₅ lin₃ gué₄ dsa₂, jaun₂ gué₄ ca₂jéin₂ i₂'lin'₅₄, ca₂juá'₂:

—Jú₅ ja₁nē₅, 'ne₂ jme₂dsí₂ i₂jmo'₂ con₄ güin₄ chi'₂. Ca₂lia'₂ o₁líg'₂ jmi₈g₄ tsá₃ ma₃'ú'₄ ja₁nē₅, ia₁ jniá₂ juá'₅.

²⁶ Jaun₂ jme₁ca₂o₃'ín₃ i₂'lin'₅₄, ca₂jmo₃ gué₄ cón'₂ ca₂guió'₃ chi'₂ 'éi₂, ca₂i₃'ín₃, ca₂ba₂ca₂lín'₂ 'uē₃, ca₂quiog₂ tsá₃ lí'₄. “Ca₂join₃ bá₄”, ca₂juá'₂ mei'₂ tsá₃ ca₂le₃jín₃ dsa₂ i₂ca₂jág₂. ²⁷ Jaun₂ ca₂'ín₃ Jesús mi₂gu₂, ca₂chó'₂, jaun₂ ca₂nau₂ chi'₂.

²⁸ Jaun₂ jme₁ma₂'í₅ Jesús caun₂ dsi₂néi₂, ja₁jaun₂ ca₂ñag₃ chi'₂ dsi₂guia₃-tín₂ con'₂ guioin₅₄:

—¿E₂ 'uig₅₄ tsá₃ ca₂tián₃ jnia'₅₄ a₂dsén₄ i₂'lin'₅₄?

²⁹ Jaun₂ ca₂ñag₃ Jesús:

—Jme₂dsí₂ 'lin'₅₄ i₂le₂ně₅ lé₂ le₃'uín₃ jmá'₃ lia'₂ quian'₅₄ a₂chi₂lén'₂ dsa₂ Diú₄.^e

Ca₂'ě₂ táng₃ Jesús jág₁ a₂jóin₂
(Mateo 17:22-23; Lucas 9:43-45)

³⁰ Jme₁ca₂'uín₂ juig₂ jaun₂, ca₂i₃lein₃ táng₃, ca₂ñi₅ jui₅ 'uě₃ Galilea, tsá₃ jme₁'nio₃ Jesús le₃ñi₅ dsa₂, ³¹ ia₁ jme₁jme₂tiin₂₃ chi'₂ dsi₂guia₃-tín₂, ca₂juá'₂:

—Ja₂quián₃ jmig₄ a₂jáng'₂ dsa₂ jín'₂ Jaun₅ dsa₂ mi₂güí₃ o₄gú₃ dsa₂ i₂'iog₅₄ jaun₂ jñag'₃ dsa₂. La₁ a₂'ni₅ jmig₄, jein'₅₄ bá₄ táng₃.

³² La₁ chi'₂ dsi₂guia₃-tín₂ ně₃, tsá₃ ca₂ñi'₂ 'e₂ jein₅ jág₁ a₂juá'₂ le₂jaun₂, ton'₂ tsá₃ ma₃ca₂tiá₃ dsí₅ jua'₅₄ a₂ñag₃ gué₄ 'e₂ ñag₃.

Tsin₅ chi'₂ dsi₂guia₃-tín₂ 'ein₂ bá₄ i₂lín₅
i₂dsen₅₄ gué₄ con'₂ quian'₅₄ riin'₅₄
(Mateo 18:1-5; Lucas 9:46-48)

³³ Jaun₂ ca₂dsi₃lén₂ juig₂ Capernaum. Jme₁ma₂tián'₅ dsi₂néi₂, jaun₂ ca₂ñi'₃ Jesús chi'₂ dsi₂guia₃-tín₂, ca₂juá'₂:

—Ĳ'E₂ jág₁ tsín'₂ 'nia'₂ ja₂nóg'₅ le₂'i₄ jui₅?

³⁴ La₁ tei₄ bá₄ ca₂tián'₂, tsá₃ 'e₂ ca₂ñag₃, ia₁ le₂'i₄ jui₅ ja₂lein₃ tsiin₂₃ 'ein₂ dsón'₂ i₂lén₂ i₂dsen₅₄ gué₄ jě₄ quió'₅ riin'₅₄. ³⁵ Jaun₂ ca₂guá₂ Jesús, jaun₂ ca₂tě'₃ ta₁guia₃-tín₂ 'éi₂, jaun₂ ca₂juá'₂:

—Chi₂jua'₂ 'ein₂ 'nia'₂ 'nio₃ lén₂ i₂le₂'uig₅₄, cán₂ ne₄ jui₅, 'nió'₅ lén₂ i₂jě₁ca₂tó'₂ quió'₅ ca₂le₃jín₃, jme₂ti₃ ta₁ ne₄ ca₂le₃jín₃ riin'₅₄.

³⁶ Jaun₂ ně₃ ca₂cain₃ jan₂ guein₂ quián₅ dsa₂, jaun₂ ca₂dsiain₃ 'éi₂ jě₄ quió'₅, jaun₂ ca₂jñau'₃, ca₂juá'₂:

³⁷ —Jui₁'ein₂ gué₃ i₂guen₅ jan₂ guein₂ bē'₅₄ le₂la₂ o₄quió₃ jniá₂, jniá₂ bá₄ guei₂₃. I₂guei₅ jniá₂, on₃jua'₅₄ jmá'₃ jniá₂ guei₂₃. Guein₂₃ le₂jio₅ i₂ca₂chei₃ jniá₂.

“I₂tsá₃ 'iog₅₄ jniog₄, tē₂le₃ quián₂ jniog₄ bá₄ chéin'₅”
(Mateo 10:42; Lucas 9:49-50)

³⁸ Jaun₂ ca₂juá'₂ Juan₅₄:

—Tě₅, ně₂jín₄ jniá'₅₄ jan₂ dsa₂ i₂ně₂'uín'₂ je₂na'₅₄ quian'₅₄ bí₂ 'éi'₃ quiáng'₂. Tsá₃ ma₃ně₂cué₁ jniá'₅₄ jmig₄ jua'₅₄ a₂jmo₃ gué₄ le₂jaun₂, ia₁ tsá₃ ñi₂₃ guě'₂ quian'₅₄ jniog₄.

³⁹ Jaun₂ ca₂juá'₂ Jesús:

—Tsá₃ jmó'₂ 'nia'₂ le₂jaun₂, jua'₅₄ a₂jñig'₅₄. Ia₁ 'i₁jan₂ tsá₃ jmo₅ caun₂ ta₁ juě'₂ lia'₂ con'₂ lě₅ 'éi'₃ quió₃ jniá₂, jua'₅₄ a₂lě₂ le₃dsia₃ 'ag₃ 'lig'₅₄ dsi₂jui₅ le₂jaun₂. ⁴⁰ Ia₁ jui₁'ein₂ gué₃ jui₁lia'₂ i₂tsá₃ 'iog₅₄ jniog₄, i₂tión₂ tē₂le₃ quián₂ jniog₄ bá₄ 'éi₂. ⁴¹ Ia₁ ně₁jua'₂ 'ein₂ ca₂cué'₃ 'nia'₂ tsá₃ a₂léi'₂

^e29 A₂lin₅₄ chog₅₄ si₂ juá'₂: “a₂chi₂len'₂ dsa₂ Diú₄, a₂jme₂'iin₅₄ ně₃.”

o₁jñia'₅₄ caun₂ vaso jmi₂g₂ bá₄, ia₁ a₂tén'₅ 'nia'₂ të₂le₃ quió'₅ I₂rë₂'ín₁
quián₅ Diú₄, a₂dsi₂jó'₃ juá'₅ jniá₂, lí'₂ bá₄ 'liain'₅₄.

A₂go'₂ tsi₃sén'₂ dsa₂ dso₄
(Mateo 18:6-9; Lucas 17:1-2)

⁴² 'Jui₁'ein₂ gué₃ i₂jmo₅ tsi₂sén'₂ dso₄ jui₁lia'₂ i₂me'₂ le₂la₂ i₂én₂ të₂le₃
quió'₃ jniá₂, ja₂lin₃ gué₄ dse₃ co₂nei'₅₄ jua'₅₄ a₂tón₂ dsa₂ ne₄ jmi₁ñí'₄
rë₂quein₅ ca₂míg₂ ni₁to₂ dsi₂lag₅₄. ⁴³ Nē₁jua'₂ mi₂gog'₂ jmo₅ a₂tang'₂ dso₄,
co₂nei'₅₄ gué₄ dse₃ 'nia₄, ia₁ ja₂lin₃ gué₄ dse₃ dsiáng'₄ 'nau₅₄ caun₂ gog'₂
ja₁le₃chang'₂ co₂tan₅₄, con'₂ gué₄ a₂jme₁dsiáng'₄ guio₃-juíg₃ a₂rë₂'ñia₅
ta₁tin₃ gog'₂ ja₁tsá₃ líg'₂ jmi₂g₄ éi₃ si₂.^f ⁴⁵ Nē₁jua'₂ mi₂tag'₅₄ jmo₅ a₂tang'₂
dso₄, 'nia₄ ján₃, ia₁ ja₂lin₃ gué₄ dse₃ dsiáng'₄ guiang'₅₄ ja₁le₃chang'₂
co₂tan₅₄, lia'₂ con'₂ gué₄ a₂jme₁dsiáng'₄ a₂rë₂'ñia₅ le₃tin₃ tag'₅₄ guio₃-
juíg₃, ja₁tsá₃ líg'₂ jmi₂g₄ éi₃ si₂.^g ⁴⁷ Chi₂jua'₂ mi₂ne'₅₄ jmo₅ a₂tang'₂ dso₄,
co₂nei'₅₄ gué₄ dse₃ dsi₄ ján₃, ia₁ ja₂lin₃ gué₄ dse₃ a₂dsiáng'₄ a₂teng'₅₄
ca₂míg₂ mi₂ne'₅₄ ja₁gon₂ Diú₄, lia'₂ con'₂ gué₄ a₂jme₁dsiáng'₄ a₂rë₂'ñia₅
ta₁tin₃ mi₂ne'₅₄ guio₃-juíg₃:

⁴⁸ ja₁tsá₃ líg'₂ jmi₂g₄ dsián₃ i₁ja'₅₄,
on₃ guë'₂ si₂ éi₃ né₃.^h

⁴⁹ 'Ia₁ ca₂le₃jín₃ bá₄ 'nió'₅ lé₂ 'í₁ të₂le₃ quian'₅₄ uig₅ a₂lé₅ lia'₂ lé₅ si₂.ⁱ
⁵⁰ Dse₃ bá₄ tsi₁ñi₁ të₁lia'₂ ñi'₅₄, la₁ nē₁jua'₂ ca₂'en₃ ñi'₅₄ tsi₁ñi₁ né₃, 'A₂
bá₄ lia'₂ lé₂ le₃lei₂ táng₃? Jaun₂ jui₁len'₅₄ bá₄ 'nia'₂ jui₁lia'₂ lé₅ tsi₁ñi₁.
Jui₁le₂chan'₂ bá₄ 'nia'₂ 'ei₅ tei₄ quian'₅₄ ríng'₂ le₂jang'₂ le₂jang'₂.

Jme₂tag₅ Jesús jui₁lia'₂ 'a₂ lia'₂ lé₅ a₂tén₂ dsa₂ dsi₂i₂gu₂
(Mateo 19:1-12; Lucas 16:18)

10 ¹ Jaun₂ ca₂o₃'ín₃ Jesús juig₂ Capernaum ja₁jme₁'ein₅₄, ca₂ñó₃
táng₃ ja₁tén₄ Judea quian'₅₄ jui₅ 'uë₃ të₂le₃ 'ño'₅₄ Cuá₃ Jordán.
Ja₁jaun₂ ca₂o₃lén₂ táng₃ dsa₂ juin₅ ja₁'ein₅₄. Con'₂ siá'₂ táng₃ ca₂jmo₃
jui₁lia'₂ jmo₂₃ tián₂, ca₂jme₃tiin₂₃ dsa₂. ² Jaun₂ ca₂dsi₃lén₂ i₂lin₅₄ dsa₂
fariseos, ca₂ñí'₃ Jesús a₂jñia'₅₄ con'₂ 'nio₃ cáun₂ táu₂ chi₂jua'₂ 'i₄ 'éi'₃
a₂tén₂ dsa₂ dsa₂ mí₂ quiáin₅. ³ Jaun₂ ca₂ñag₃ 'éi₂:

—'E₂ 'éi'₃ ca₂cuë₃ Moisés guë'₂?

⁴ Jaun₂ ca₂ñag₃ táng₃ dsa₂ 'éi₂:

—Ca₂cuë₃ Moisés jág₁ a₂lé₂ le₃jmo₃ dsa₂ ñe'₂ caun₂ si₂ të₃ron₅₄, jaun₂
gué₄ ma₂lé₂ dsei₂₃.

⁵ Jaun₂ ca₂ñag₃ Jesús:

^f ⁴³ A₂lin₅₄ chog₅₄ si₂ chi₁ton₅ versículo 44, ja₁juá'₂ co₂rë₂ quian'₅₄ versículo 48.

^g ⁴⁵ A₂lin₅₄ chog₅₄ si₂ chi₁ton₅ versículo 46, ja₁juá'₂ co₂rë₂ quian'₅₄ versículo 48.

^h ⁴⁸ Isaías 66:24.

ⁱ ⁴⁹ lit. "Ia₁ ca₂le₃jín₃ 'nió'₅ le₃ñi'₅₄ quió'₅ quian'₅₄ si₂." 'Nio'₂ ja₁ton₅ 1 Pedro 1:7; 4:12.

—'Uig₅₄ ia₁ a₂ŋí₄ tsá₃ nág₁ 'nia₂ guiong₅₄ bá₄ ca₂cuë₃ Moisés 'éi₃ jaun₂, ⁶ La₁ le₂'uig₅₄ lia₂ con₂ jme₁ca₂dsia₃ Diú₄ mi₂güí₃, “ca₂jmói₂ dsa₂ ŋe₂, dsa₂ mí₂”. ⁷ “'Uig₅₄ jaun₂ né₃ dsa₂ ŋe₂, ca₂tín₂ téin₂ chog₅₄-jmei₂, con₂ tiain₃ quiaín₅₄ dsa₂ mí₂ quiaín₅. ⁸ Jaun₂ jë₁le₃oin₃ léin₂ caun₂ bá₄ ni₁ŋí₅.”^j Jaun₂ dsióg₄ lé₂ co₂'nió₄ jan₂ dsa₂ bá₄, tsá₃ ma₂lë₂ oin₃. ⁹ Jaun₂ tsá₃ 'i₄ 'éi₃ jua₅₄ dsa₂ mi₂güí₃ a₂jmo₃ jma₃quén₅ a₂ma₂dsia₃ Diú₄ rë₂.

¹⁰ Jme₁ma₂tioin₅₄ táng₃ dsi₂néi₂, ca₂ŋag₃ chi₂ dsi₂guia₃-tín₂ ca₂ŋí₃ Jesús jág₁ nē₅. ¹¹ Jaun₂ ca₂juá₂ Jesús:

—Dsa₂ i₂tén₂ 'io₅₄ quiaín₅, a₂guá₃ táng₃ quiaín₅₄ i₂sián₂, 'no₂₃ dso₄ ja₁con₂ 'io₅₄ quiaín₅ i₂le₂'uig₅₄. ¹² Con₂ guë₂ siá₂ táng₃ nē₁jua₂ tén₂ 'io₅₄ dsi₂i₂gu₂ a₂guá₃ táng₃ quiaín₅₄ dsa₂ ŋe₂ sián₂, ján₃ bá₄ le₂jaun₂ 'no₂₃ dso₄ ja₁con₂ dsi₂i₂gu₂.

Ca₂jme₃gon₅₄ Jesús chi₂-guein₂

(Mateo 19:13-15; Lucas 18:15-17)

¹³ Jaun₂ ca₂dsi₃lén₂ dsa₂ le₁jñai₂₃ chi₂ quiaín₅ ja₁guá₄ Jesús, ia₁jaun₂ qui₃téi₂ Jesús gu₂. La₁ chi₂ dsi₂guia₃-tín₂ né₃ ca₂jí₂. ¹⁴ Jme₁ca₂jág₃ Jesús, jaun₂ ca₂i₃méi₂ dsi₅ quiaín₅₄ chi₂ dsi₂guia₃-tín₂, jaun₂ ca₂juá₂:

—Cuë₄ 'nia₂ jmi₄ jui₁ja₂lén₂ chi₂-guein₂ cong₂. Tsá₃ jmó₁ 'nia₂ le₂nē₅ jua₅₄ a₂jñig₅₄, ia₁ jui₁lia₂ i₂le₂la₂ bá₄ guë₂ i₂dsi₂len₅ ja₁gon₂ Diú₄.

¹⁵ A₂dsi₂jó₃ juí₂ jniá₂ 'nia₂, ia₁ jui₁'ein₂ guë₃ i₂tsá₃ gue₅ 'éi₃ quió₅ Diú₄, jui₁lia₂ gue₅ jan₂ i₂bë₅₄, o₁líg₂ tsá₃ dsi₁lein₅ ja₁gon₂ Diú₄.

¹⁶ Jaun₂ qui₂ca₂jñai₃ guein₂ 'ein₅₄, ca₂quiog₂ gu₂ ne₄ quió₅, ca₂jme₃jñió₃.

Jan₂ dsó₂ chi₂ cha₂ cu₄ ca₂dsia₃ jág₁ quiaín₅₄ Jesús

(Mateo 19:16-30; Lucas 18:18-30)

¹⁷ Jme₁ma₂'en₅₄ Jesús jui₅ ŋó₅ táng₃, jaun₂ já₃ jan₂ dsó₂ co₂chi₅₄ ca₂jme₃jein₂ ca₂chi₃jné₃ ne₅₄. Jaun₂ ca₂ŋag₃:

—Të₅ dsen₃, é₂'e₂ 'nió₅ jmo₅₄ jniá₂ ia₁jaun₂ ting₅₄ ja₁le₃chang₂ co₂tan₅₄?

¹⁸ Jaun₂ ca₂ŋag₃ Jesús:

—é₂E₂ lë₃ quiong₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jñia₅₄ lia₂ jan₂ Diú₄ bá₄. ¹⁹ Cuíng₂ bá₄ 'Éi₃ Juá₅ quió₅ Diú₄, ja₁juá₂ tsá₃ jme₁dsiang₂ dsa₂ mi₂güí₃ ríng₂; on₃ guë₂ nióg₄ jág₁ quiaín₅₄ dsa₂ i₂tsá₃ lín₅ dsi₂i₂gog₂; on₃ guë₂ 'áng₁. Tsá₃ jmó₁ jua₅₄ jang₅₄ jág₁ tē₂jág₁; tsá₃ jme₁gan₅ dsa₂ jua₅₄ a₂jñiá₄ a₂cha₂ quió₅; a₂jme₁gang₃ chog₂-ŋéi₅ né₃.^k

²⁰ Ca₂ŋag₃ táng₃ dsa₂ 'éi₂:

^j7,8 Génesis 2:24.

^k19 Éxodo 20:12-6; Deuteronomio 5:16-20.

—Të₅, ca₂le₃jé₃ a₂në₅, lia₂' con₂' bin₅₄' bá₄ jniá₂ jme₂tí₁.

²¹ Jaun₂ ca₂jág₂ Jesús ñéi₂ dsí₅, ca₂juá'₂:

—Caun₂ gué₄ a₂'nió'₅ quiáng'₂. Guan₂' o₂'nag₄ ca₂le₃jé₃ a₂cha₂ quiáng'₂, o₂dsio'₅₄ cu₄ jaun₂ o₂cué'₅₄ dsa₂ te₂ñé₂. Jaun₂ gué₄ le₃cha₂ a₂jlá'₁ quiáng'₂ guei'₅₄ i₂juíg₃. Jaun₂ gué₄ ñia₅, 'éin₃.^l

²² Jaun₂ ca₂tá'₂ jén₂ dsí₅ dsa₂ 'éi₂ jme₁ca₂nág₂ le₂në₅; ñái'₅ bá₄ jaun₂ 'lia₂' dsí₅, ia₁ 'ñio₅ lín₃ jme₁cha₂ cu₄.

²³ Jaun₂ ca₂jén'₃ Jesús qui₂ca₂jín₂ chi'₂ dsi₂guia₃-tín₂ quiáin₅. Jaun₂ ca₂juá'₂:

—i'E₂ gué₄ 'ñio₅ quian₅ ta₁ quió'₅ dsa₂ cha₂ cu₄ a₂tín'₄ ja₁gon₂ Diú₄!^m

²⁴ Jaun₂ i₃gó'₃ dsí₅ chi'₂ dsi₂guia₃-tín₂ jág₁ jaun₂, la₁ ca₂juá'₂ táng₃ Jesús:

—'Nia₂' jón₃, i'e₂ bá₄ 'ñio₅ quian₅ ta₁ a₂dsi₁len₅ dsa₂ ja₁gon₂ Diú₄!^m

²⁵ Tsá₃ gué₄ 'e₂ ta₁ quian₅ a₂lé₂ le₃ñi₅ jan₂ já'₂ camello jui₅ tau₂ mi₂cu₄, con₂' gué₄ dsa₂ cha₂ cu₄ a₂'í₂ ja₁gon₂ Diú₄.

²⁶ Jme₁ca₂nág₂ chi'₂ dsi₂guia₃-tín₂ a₂në₅, i₃gó'₃ dsí₅ 'ñio₅ lín₃.

Qui₂ca₂ñí'₃ riin'₅₄:

—¿I₂'ein₂ bá₄ gué'₂ jaun₂ né₃ i₂lé₂ le₃tín'₄?

²⁷ Jaun₂ ca₂jág₂ Jesús, jaun₂ ca₂juá'₂:

—Dsón'₂ bá₄ jaun₂, tē₂le₃ quió'₅ dsa₂ mi₂güí₃, o₁líg'₂ tsá₃ lé₂ le₃lé₂. La₁ tē₂le₃ quió'₅ Diú₄, ca₂le₃jé₃ bá₄ lé₂ le₃lé₂.

²⁸ Pe₄ né₃ ca₂jme₃lióg₃ ca₂juá'₂:

—Te₁gui'₅₄, ca₂le₃jé₃ 'e₂ a₂jme₁cha₂ quián₂ jnia'₅₄, ma₂ca₂tén'₂ dsi₅ jnia'₅₄ ma₂qui₂ma₂tí₄, ia₁ a₂'én₅ jnia'₅₄ 'ne₂.

²⁹ Jaun₂ ca₂ñag₃ Jesús:

—A₂dsi₂jó'₃ juá'₅ jniá₂ juíg₂ 'nia'₂, ca₂le₃jín₃ i₂táun₂ 'ne₄, i₂tén₂ rin'₅₄, chog₅₄-jmei₂, chi'₂ quiáin₅, i₂tí₂ ja₁nau₂ quió'₅, 'uig₅₄ quió₃ jniá₂, quian'₅₄ 'uig₅₄ quió'₄ jág₁ dse₃ né₃,³⁰ gue₃ mi₂güí₃ la₂ 'lióng₂ gué₄ 'né₅, juin₅ gué₄ riin'₅₄, juin₅ gué₄ chog₅₄, juin₅ gué₄ chi'₂-guein₂ quiáin₅ né₃ le₃chan₂; ton'₂ 'lióng₂ gué₄ ja₁nau₂ quió'₅ le₃cha₂, o₁jnia'₅₄ la₂ chain₂ mi'₅₄ co₂'ein₅ dsa₂. La₁ia₁ gue₃ ja₁le₃chain₂ co₂tan₅₄ mi₂güí₃ caun₂.

³¹ La₁ rē₂né₃, juin₅ i₂lín₅ i₂quen₅, la₁ jmig₄ jaun₂ léin₂ dsa₂ tē₂le₃ jē₁ca₂tó'₂; le₂jaun₂ bá₄ ján₃, jui₁lia'₂ i₂tsá₃ 'e₂ quen₅ rē₂né₃ lia'₂ con'₂ niog₅ lín₂ dsa₂ mi₂güí₃, léin₂ i₂le₂'uig₅₄.

Con'₂ siá'₂ táng₃ ca₂'é₂ Jesús jág₁ a₂jóin₂

(Mateo 20:17-19; Lucas 18:31-34)

³² Tioin'₅₄ jui₅ uíg₂ tso₄ a₂dsi₁léin₂ Jerusalén. Jesús né₃ ñó₃ dsi₂jñái₄ ne₄ jui₅. Chi'₂ dsi₂guia₃-tín₂ gué'₂ i₂léin₂ dsi₂gó'₃ dsí₅. Ca₂le₃jín₃ gué₄ dsa₂

^l21 A₂lin₅₄ chog₅₄ si₂ juá'₂: “Jmo₄ co₂jñiag'₅₄ a₂jóng'₂,” (lit. quian₂ cróg₄ quiáng'₂), “'éin₃ jniá₂.”

^m24 Cha₂ a₂lin₅₄ chog₅₄ si₂ a₂juá'₂ le₂la₂: “a₂dsi₁len₅ dsa₂ cha₂ cu₄ ja₁gon₂ Diú₄.”

i₂jme₁quian'₅₄ né₃ i₂léin₂ gó'₅. Jaun₂ né₃ ca₂té'₃ Jesús le₃cau₅ jui₅ jmá'₃ dsi₂guia₃-tín₂, jaun₂ ja₁jaun₂ ca₂juá'₂ 'e₂ niog₅ dsi₃ñí₂, ³³ ca₂juá'₂:

—Ní₂ 'nia'₂ jaun₂, tio'₅₄ jniog₄ jui₅ uig₂ tso₄ a₂dsi₁náu₅ Jerusalén. Ja₁jaun₂ jín'₂ dsa₂ Jaun₅ dsa₂ mi₂güí₃ o₄gú₃ juig₅₄ jme₂dsa₂, ne₄ të₅juá'₅ né₃. I₂'éi₂ dsí₃ 'éi'₃ a₂jñag'₃ dsa₂, jaun₂ jáng'₂ dsa₂ o₄gú₃ dsi₂nau₂ né₃. ³⁴ 'Éi₂ né₃ a₂lë₁qui₃jmóg'₂, qui₃cuë₃, qui₃'ñéi₂ dsa₂ né₃. Jaun₂ gué₄ jñag'₃. La₁ a₂'ni₅ jmig₄, jein'₅₄ bá₄ táng₃.

A₂ca₂mi₃ Jacobo quian'₅₄ Juan₅₄
(Mateo 20:20-28)

³⁵ Jaun₂ né₃, Jacobo quian'₅₄ Juan₅₄, le₃on₃ ja₁ñi'₅₄ Zebedeo, ca₂jme₃quian'₃ ja₁chén'₄ Jesús, jaun₂ ca₂juá'₂:

—Të₅, 'niog₂ jnia'₅₄ jmó'₂ 'ne₂ dse₃ 'au'₂ a₂jmó'₂ jui₁'e₂ caun₂ a₂mí₁ jnia'₅₄.

³⁶ Jaun₂ ca₂juá'₂ Jesús:

—¿'E₂ 'niog'₂ 'nia'₂ jmo₅₄ jniá₂ guë'₂?

³⁷ Jaun₂ ca₂juá'₂ táng₃ 'éi₂:

—Jmó'₂ 'io₄ jnia'₅₄ jma₃jáu₃ lia'₂ ca₂ton₂ cau₅ quiáng'₂ jë₁ma₂té₂ rë₁ne'₅₄ jláng'₁ ne₄ta₁ quiáng'₂.

³⁸ Jaun₂ ca₂ñag₃ Jesús:

—Tsá₃ a₂jaun₂ ñi'₅₄ 'nia'₂ a₂mí'₂. ¿Tián'₃ 'nia'₂ dsi₃ñí₂ ca₂le₃jé₃ jui₁lia'₂ a₂dsi₃ñí₂ jniá₂ guë'₂? ¿Tián'₃ 'nia'₂ cán'₁ o₂i₁ dsi₅ jui₁lia'₂ o₂i₁ dsi₅ can₅₄ jniá₂?

³⁹ Jaun₂ ca₂ñag₃ táng₃ 'éi₂:

—Tián₂ bá₄ jnia'₅₄.

Ca₂juá'₂ táng₃ Jesús:

—Dsón'₂ bá₄ jaun₂ dsi₃ñí'₂ 'nia'₂ 'e₂ niog₅ dsi₃ñí₂ jniá₂. Ján₃ bá₄ cán'₁ 'nia'₂ o₂i₁ dsi₅ jui₁lia'₂ o₂i₁ dsi₅ can₅₄ jniá₂. ⁴⁰ La₁ jui₁lia'₂ a₂juá'₂ 'nia'₂ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuë₅₄ a₂jaun₂. Ja₁jaun₂ lé₅ co₂jñia₅₄ a₂tian'₃ con'₂ i₂ca₂tín₂ bá₄.

⁴¹ Riin'₅₄ i₂guian₃ gué₄ 'éi₂ né₃, ca₂rë₃'néi₃ quian'₅₄ Jacobo quian'₅₄ Juan₅₄, jme₁ca₂nág₂ juá'₂ 'éi₂ le₂në₅. ⁴² Jaun₂ ca₂të₃ Jesús cau₅ quió'₅ ca₂té'₃ 'éi₂ ca₂le₃jín₃. Jaun₂ ca₂juá'₂:

—Ñi'₅₄ bá₄ 'nia'₂ jui₁lia'₂ dsa₂ can'₅₄ i₂tián'₅ gon₂ juig₂ go₄ dsi₂nau₂, i₂jín₂ dsa₂ co₂'nió'₄ dsi₂tan₅₄ quiáin₅, qui₂toin'₂ dsa₂ 'éi'₃ bën₂. Le₂jaun₂ bá₄, jui₁lia'₂ dsi₂tan₅₄ i₂sion₅ gué₄ quiáin₅ né₃, tiáin'₅ goin₂ jmo₂₃ 'éi'₃.

⁴³ La₁ jín'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tíin₂ jme₃ti₃ ta₁ ne₄ riin'₅₄; ⁴⁴ chi₂jua'₂ 'ein₂ 'nia'₂ 'nio₃ cán₂ ne₄ jui₅, 'nió'₅ jme₃ti₃ ne₄ ca₂le₃jín₃ dsa₂. ⁴⁵ Ia₁ le₂në₅ bá₄ Jaun₅ dsa₂ mi₂güí₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús jan₂ dsa₂ ten₄ i₂chen₂ Bartimeo

(Mateo 20:29-34; Lucas 18:35-43)

⁴⁶ Dsi₃lén₂ juig₂ Jericó. Jme₁o₂'ín₃ juig₂ jaun₂ quiaín'₅₄ chi'₂ dsi₂guia₃-tín₂ quiaín₅, juín₅ gué₄ dsa₂ sián'₂ né₃ quiong'₅₄, jaun₂ jan₂ dsa₂ ten₄ i₂chen₂ Bartimeo, (co₂'nió'₄ le₃jua'₅₄ ja₁ñi'₅₄ Timeo), guá₅ 'éi₂ cau₅ jui₅ mi₂₃ a₂jme₃'o₅₄ dsa₂ cu₄. ⁴⁷ Jme₁ca₂nág₂ juá'₂ dsa₂ ñó₅ Jesús i₂chan₂ Nazaret cau₅ jaun₂, jaun₂ ca₂'í₃ co₂mi'₅₄ té'₂ Jesús:

—iJesús, tsi₁jon₂ David, dsia₄ ñéi₂ 'au'₂ jniá'₂!

⁴⁸ Jaun₂ ca₂jí₂ bá₄ dsa₂ ia₁jaun₂ dsó₃ tei₄. La₁ të₂le₃ i₂jui'₂ gué₄ co₂mi'₅₄ ca₂'í₃ bá₄, ca₂juá'₂:

—iTsi₁jon₂ David, dsia₄ ñéi₂ 'au'₂ jniá'₂!

⁴⁹ Jaun₂ ca₂nau₂ Jesús jme₁ca₂nág₂, jaun₂ ca₂tsí'₃ dsa₂ i₂quiaín'₅₄:

—Te'₂ 'nia'₂ o₁jia₂ ja₁lá₃.

Jaun₂ ca₂të₃ dsa₂, ca₂juá'₂:

—Jmo₄ 'io'₂. Nau₂, ia₁ ó₃ té₂.

⁵⁰ Jaun₂ ca₂ton₃ cau₅ 'mi'₂ dsió₂ jme₁chi₁bóin'₅, jaun₂ con'₂ ca₂nau₂ jaun₂ bá₄ co₂chi'₅₄, ca₂ñó₃ ja₁chén'₄ Jesús.

⁵¹ Jaun₂ ca₂ñag₃ 'éi₂:

—¿E₂ 'niog'₂ jmo₅₄ jniá'₂ o₄quiáng'₂?

Jaun₂ ca₂ñag₃ táng₃ dsa₂ ten₄:

—Të₅, a₂jnia₅₄ jme₁ne₃ bá₄ jniá'₂ 'nio₃.

⁵² Jaun₂ ca₂juá'₂ Jesús:

—Ma₂lé₂ guang'₅₄. Ma₂'lóng'₂ ia₁ 'éng'₂ bá₄.

Dsi₂jui₅ jaun₂ bá₄ ca₂jnia₃ mi₂ne₄ dsa₂ 'éi₂. Jaun₂ ca₂ñó₃ quiaín'₅₄ Jesús.

Ca₂'í₃ Jesús jë₄ juig₂ Jerusalén

(Mateo 21:1-11; Lucas 19:28-40; Juan 12:12-19)

11 ¹ Jme₁ma₂quián₅ dsi₁lén₂ Jerusalén, dsi₃lén₂ quián₅ juig₂ Betfagé quiaín'₅₄ juig₂ Betania né₃, a₂niog₅ cau₅ Má'₂ Olivos. Ja₁jaun₂ ca₂chen₃ Jesús on₃ dsa₂ i₂guia₃-tín₂ quiaín₅, ² ca₂juá'₂:

—O₂no'₅ 'nia'₂ juig₂ pí'₁ niog₅ të₂le₃ ne₄ jui₅ ja₁dsau₅₄ në₅.

Jë₁ma₂ca₂dsi₃no'₅ 'nia'₂ ja₁jaun₂, dsian'₂ 'nia'₂ jan₂ bú'₄ 'mí₂ i₂rë₂'ñe'₅₄ i₂tsá₃ 'ein₂ ma₂co₁dsag₅₄. O₂chein'₅₄ 'nia'₂ jaun₂ të₅₄ ja₁lá₃. ³ Në₁jua'₂ 'ein₂ ca₂juá'₂: “¿E₂ lë₃ jmo'₂ 'nia'₂ le₂në₅?” jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂, la₁ në₃ cón₅ bá₄ jáng'₂ táng₃.”

⁴ Jaun₂ i₃lén₂ dsa₂ 'éi₂. Jme₁ca₂dsi₃lén₂ ja₁chén'₄ bú'₄ rë₂'ñe'₅₄ jë₄ calle cau₅ o₄ 'né₄ quió'₅ dsa₂, jaun₂ ca₂chéi'₂ jaun₂ né₃. ⁵ Jaun₂ ca₂juá'₂ i₂lin₅₄ dsa₂ i₂ca₂jág₃, i₂tión₂ cau₅ jaun₂:

—¿E₂ jmo'₂ 'nia'₂ ja₁në₅? ¿E₂ lë₃ tsing'₅₄ bú'₄?

⁶ Jaun₂ ca₂jéin'₃ bá₄ guë'₂ 'éi₂ jág₁ lia'₂ lé₅ jág₁ ca₂cuë₃ Jesús. Jaun₂ ca₂cuë₃ bá₄ dsa₂ jmig₄ të₂ já'₂. ⁷ Jaun₂ jme₁o₃lein₃ te₂ bú'₄, ca₂i₁jio₃

ja₁'en₅₄ Jesús, jaun₂ ca₂jmo₃ dse₃ qui₂ca₂jlág₂ 'mi'₂ mi₂ca'₄ já'₂. Jaun₂ gué'₄ ca₂co₃dsag₅₄ Jesús.⁸ Juin₅ dsa₂ qui₂ca₂néi'₃ 'mi'₂ le₂'i₄ jui₅ ja₁ñí₃ Jesús. I₂lin₅₄ gué'₂ ca₂dsia₃ gu'₂-nei'₅₄ 'ma₂ a₂ca₂i₁'niai₁₂ ja₁nau₂.

⁹ Jaun₂ dsa₂ i₂i₂lén₂ le₃ne₄ jui₅ quian'₅₄ i₂ja₂lén₂ le₃chi₁co'₅₄ né₃, qui₂ca₂tóin'₂ co₂mi'₅₄, ca₂juá'₂:

—iJui₁le₂juin'₂ bá₄ i₂ně₅!ⁿ iJui₁le₂jñi₃ó₃ bá₄ i₂ně₅ i₂já₅ o₄qui₂ó'₄ Te₁gui'₅₄!^o ¹⁰ iJui₁le₂jñi₃ó₃ bá₄ 'éi'₃ a₂já₅ qui₂ó'₅ jmei₂ jniog₄ David né₃! iJui₁le₂juin'₂ bá₄ i₂guá₅ guei'₅₄ i₂juí₃g₃!

¹¹ Jme₁ca₂'í₃ Jesús juig₂ Jerusalén, jaun₂ ca₂'í₃ i₁dsi₅ guá'₅ templo. Jme₁ma₂ně₂jág₃ 'a₂ lia'₂ lé₅ ja₁jaun₂, ca₂o₃'ín₃, ca₂ñái'₃ táng₃ jui₅ Betania quian'₅₄ ca₂le₃jín₃ chi'₂ dsi₂guia₃-tín₂ quiáin₅, ia₁ ma₂ca₂'láu₂.

Ca₂juá'₂ Jesús jág₁ uig₅ ca₂tsí'₃ ni₁'ma₂ higuera a₂tsá₃ míg₂ cha₂
(Mateo 21:18-19)

¹² Jme₁jnia₃ jaun₂, con'₂ ma₂'uín₂ táng₃ juig₂ Betania, ca₂tá'₂ i₁cón'₅ Jesús. ¹³ Jaun₂ ca₂jág₃ të₂ uíng₂ caun₂ ni₁'ma₂ higuera, lia'₂ rě₂can'₂ mog'₅₄ jniá₂ chí'₅. Jaun₂ ñó₃ 'uig₅₄ ja₁dsi₅₄, ia₁ lín₂ jme₁dsio'₂ míg₂. La₁ jme₁dsi₃ó₃ né₃, jmá'₃ mog'₅₄ bá₄ cha₂, ia₁ on₃jua'₅₄ jein₂ a₂'ag₅ míg₂ higos jaun₂. ¹⁴ Jaun₂ né₃ ca₂juá'₂ Jesús ca₂tsí'₃ ni₁'ma₂:

—Jui₁le₅₄ ca₂lia'₂ o₁líg'₂ jmíg₄ tsá₃ ma₃'ein₂ gué'₃ co₂ñei'₅₄ míg₂ quiáng'₂.

Ca₂nág₂ bá₄ chi'₂ dsi₂guia₃-tín₂ jme₁ca₂juá'₂ le₂ně₅.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅
(Mateo 21:12-17; Lucas 19:45-48; Juan 2:13-22)

¹⁵ Jme₁ca₂dsi₃lén₂ táng₃ juig₂ Jerusalén, ca₂'í₃ Jesús i₁dsi₅ guá'₅ templo, ca₂jme₃lióg₃ ca₂'uín'₂ ca₂le₃jín₃ dsa₂ i₂jme₁tion'₅₄ 'nag₅, i₂lá₅ né₃. Jaun₂ qui₂ca₂jéin'₃ ni₁mesa jme₁jmó'₂ dsa₂ ta₁ ja₁jme₂tsín₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂; ¹⁶ tsá₃ ma₃ca₂cuě₃ jmíg₄ jua'₅₄ a₂dsi₃can₅ gué'₄ dsa₂ lio₄ quió'₅ i₁dsi₅ guá'₅.

¹⁷ Jaun₂ ca₂jme₃tiin₂₃ dsa₂ 'éi₂, ca₂juá'₂:

—Ne₄ Si₂ juá'₂: “‘Né₅ quió₃ lé₅ ca₂ne₅₄ 'né₅ ja₁chi₂lén'₂ dsa₂ Diú₄, dsa₂ chan₂ ca₂le₃jé₃ juig₂.”^p La₁ 'nia'₂ né₃ ma₂jmo'₅₄ ně₂jag₄ bá₄ të₂'lau₂ quió'₅ dsa₂ 'ang₂.^q

¹⁸ Jaun₂ juig₅₄ jme₂dsa₂ quian'₅₄ të₅juá'₅ né₃ ca₂nág₂ jág₁ ně₅. Jaun₂ ca₂jme₃lióg₃ ca₂'náu'₃ jui₅ 'a₂ lia'₂ jñag'₃, ia₁ gó'₅ con'₂ tsá₃ ñó₅ ně₁jua'₂

ⁿ9 lit. “Hosana”, a₂jein₅ jág₁ quian'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jiá₃ I₂rě₂'ín₁ quiáin₅; la₁ cang₂ jaun₂ táng₃ ca₂jein₃ jág₁ a₂jme₂juin'₂ dsa₂ jan₂ dsa₂.

^o9 Salmo 118:25-26.

^p17 Isaías 56:7.

^q17 Jeremías 7:11.

'éi₂ bá₄ jme₃gón₃ lé₂, ia₁ juin₅ lin₃ dsa₂ nag₅ dsi₂gó'₃ dsí₅ jág₁ a₂jme₂tag₅ Jesús. ¹⁹ Të₂le₃ ca₂nei₂ jmig₄ jaun₂, ca₂'uiin₂^r juig₂ jaun₂.

Ca₂rë₃quéin₃ ni₁'ma₂ higuera

(Mateo 21:20-22)

²⁰ Jme₁jnia₃ jaun₂, ca₂ñii₅ táng₃ jui₅ ja₁dsi₅₄ ni₁'ma₂ higuera. Jaun₂ ca₂jág₃ co₂dsia₅ ma₂quein₂ ca₂të₂ cho'₅₄. ²¹ Jaun₂ ca₂dsáu'₃ dsí₅ Pe₄, jaun₂ ca₂tsí'₃ Jesús:

—Të₅, jag₄ ni₁'ma₂ a₂ca₂chei'₅₄ uig₅. Co₂dsia₅ ma₂ca₂rë₃quéin₃.

²² Jaun₂ ca₂ñag₃ Jesús ca₂tsí'₃ dsa₂:

—Én₃ 'nia'₂ të₂le₃ quió'₅ Diú₄. ²³ A₂dsi₂jó'₃ juí₂ jniá₂ 'nia'₂, jui₁'ein₂ gué₃ juá'₂ tsí'₃ ni₁má'₂ në₅: “Jñiag'₃ ja₁në₅, o₂'ú₅ jmi₁ñí'₄”, le₂jaun₂ dsón'₂ le₃ti₃ bá₄, në₁jua'₂ tsá₃ ca₂ág₂ caun₂-tin₃ dsí₅. ²⁴ Jaun₂ lë₃, juá'₅ jniá₂, jui₁'e₂ gué₃ a₂mi'₂ 'nia'₂ jme₁chi₂leng'₅₄ Diú₄, në₁jua'₂ jmo'₂ 'nia'₂ 'au'₂ në₂jag₄ bá₄ a₂ma₂në₂gue'₅₄ 'e₂ a₂mi'₂, le₂jaun₂ dsón'₂ le₃ti₃ bá₄ ja₁con'₂ 'nia'₂. ²⁵ Jë₁ma₂të₂ rë₁náu'₁ 'nia'₂ chi₁leng'₄ Diú₄, në₁jua'₂ cha₂ 'nei₂ 'au'₂ 'nia'₂ ja₁con₂ ríng'₂, 'én₃ 'nia'₂ dsáu₁ ríng'₂, ia₁jaun₂ bá₄ Néi'₅ 'nia'₂ i₂guá₅ guei'₅₄ i₂juíg₃ 'éin₂ dsáu'₂ 'nia'₂ guiong'₅₄.^s

Jesús bá₄ i₂'io₅ 'éi'₃

(Mateo 21:23-27; Lucas 20:1-8)

²⁷ Ca₂dsi₃lén₂ táng₃ juig₂ Jerusalén. Jaun₂ jme₁ma₂ñi₅ Jesús i₁dsi₅ guá'₅ templo, jaun₂ ca₂jme₃quián₃ juig₅₄ jme₂dsa₂, të₅juá'₅, dsi₂gui'₅₄ can'₅₄ në₃. ²⁸ Jaun₂ ca₂ñag₃ dsa₂ 'éi₂ ca₂ñí'₃ Jesús:

—¿'E₂ ta₁ lín'₅ 'ne₂ a₂jmo'₂ ca₂le₃jé₃ 'e₂ a₂jmo'₂ ñi'₂? ¿'Ein₂ cuë₅ bí₂ 'éi'₃ a₂jmo'₂ le₂në₅?

²⁹ Jaun₂ ca₂ñag₃ Jesús:

—Ján₃ bá₄ ñag₄ jniá₂ caun₂ 'nia'₂. Në₁jua'₂ ca₂ñag'₅₄ 'nia'₂ lia'₂ tí₅, jaun₂ gué₄ juá'₄ jniá₂ 'ein₂ cuë₅ bí₂ a₂jmo₂₃ ca₂le₃jé₃ a₂jmo₂₃. ³⁰ Jui₁lia'₂ a₂ca₂chon₃ Juan₅₄ jmig₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güí₃ 'e₂? Ñag₄ 'nia'₂.

³¹ Jaun₂ ca₂dsia₃ dsa₂ can'₅₄ jág₁ con'₂ guioin₅₄, ca₂juá'₂:

—Në₁jua'₂ ca₂chei'₅₄ jniog₄ 'éi'₃ quió'₅ Diú₄ bá₄, në₃ cón'₅ bá₄ ñag₃: “¿'E₂ lë₃ tsá₃ ca₂rë₃'én'₂ 'nia'₂ jág₁ quió'₅ 'éi'₂?” ³² ¿La₁ në₁jua'₂ ca₂chei'₅₄ jniog₄ 'éi'₃ quió'₅ dsa₂ mi₂güí₃ bá₄...?

La₁ ca₂rë₃gain₃ ca₂le₃jín₃ dsa₂ i₂quian'₅₄ Jesús. Ia₁ ca₂le₃jín₃ dsa₂ jme₁'éin₂ a₂jme₁lín₄ Juan₅₄ të₃dsón'₂ jan₂ dsa₂ i₂'é₂ jág₁ quián₅ Diú₄.

³³ Jaun₂ ca₂ñag₃ dsa₂ can'₅₄ ca₂tsí'₃ Jesús:

^r19 A₂lin₅₄ chog₅₄ si₂ juá'₂: “ca₂o₃'fin₃.”

^s25 A₂lin₅₄ chog₅₄ si₂ chi₁ton₅ versículo 26 ján₃, a₂juá'₂ le₂la₂: “Ia₁ në₁jua'₂ tsá₃ 'én'₅ 'nia'₂ dsáu₁ ríng'₂, ján₃ bá₄ le₂jaun₂ tsá₃ 'én₂ Néi'₅ 'nia'₂ i₂guá₅ guei'₅₄ i₂juíg₃ dsáu'₂ 'nia'₂ guiong'₅₄.”

—Tsá₃ a₂jaun₂ ne₄ jnia'₅₄.
 Jaun₂ ca₂ŋag₃ táng₃ Jesús:
 —Ján₃ bá₄ tsá₃ juá'₄ jniá'₂ 'ein₂ cuë'₅ bí₂ 'éi'₃ a₂jmo₂₃ ca₂le₃jé'₃ 'e₂
 a₂jmo₂₃ ŋi₂₃.

Jág₁ jáng'₅ léi₄ jui₁ lia'₂ co₂nió'₃ dsa₂ 'lin'₅₄ i₂jmó'₂ ta₁ ja₁nau₂
 (Mateo 21:33-46; Lucas 20:9-19)

12 ¹Jaun₂ ca₂jme₃lióg₃ Jesús ca₂juá'₂ quian'₅₄ jág₁ a₂jáng'₅ léi₄.
 Ca₂juá'₂:

—Jme₁chan₂ jan₂ dsa₂ ca₂chéin'₃ uing₂ a₂'ag₅ míg₂ uvas ja₁nau₂ quió'₅.
 Jaun₂ ca₂jmo₃ jní₁ le₃lág'₃. Jaun₂ ca₂jmo₃ co₂ŋia₅₄ ja₁lein'₃ míg₂. Jaun₂
 ca₂chi'₃ caun₂ tsi₁'né₅ ŋei₅ ja₁guá'₃ jmo₃ 'í₁.

'Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, Jaun₂ ca₂ŋó₃
 bá₄ 'ŋiog₅ i₂ŋí₃ juig₂ siá'₂. ²Jme₁ca₂té₂ jein₂ a₂ca₂rau₂ míg₂, jaun₂
 ca₂chen₃ dsa₂ juig₅₄ ja₁nau₂ jan₂ dsa₂ mozo quiáin₅ a₂jme₁i₂mí₃ a₂jáng'₃
 dsa₂ ca₂dsio₄ míg₂ con'₂ a₂ca₂tín₂ dsa₂ juig₅₄. ³Dsa₂ jmó'₂ ta₁ ja₁nau₂ né₃,
 'nió'₄ a₂jme₁cuë₃ a₂mi₅ dsa₂ 'éi₂, ca₂ŋau₃, ca₂cué'₃ dsa₂ 'éi₂ tioin'₅₄,
 ca₂dsióg'₂ bá₄, tsá₃ 'e₂ ca₂jáng'₃ a₂jme₁mi₅ 'éi₂. ⁴Dsa₂ juig₅₄ ja₁nau₂ né₃
 ca₂chein₃ táng₃ jan₂ dsa₂ mozo sián'₂. I₂'éi₂ né₃, ca₂cuí'₂ mi₂dsi₅₄,
 ca₂jmóg'₂ dsa₂ 'éi₂, jē₂ bá₄ ca₂tē₂ca₂'o'₂. ⁵Jaun₂ dsa₂ juig₅₄ ja₁nau₂ né₃
 ca₂chein₃ bá₄ gué₄ jan₂ dsa₂ sián'₂ táng₃, la₁ i₂'éi₂ gué₄ né₃ ca₂ŋii'₃. Juin₅
 gué₄ i₂sián'₂ ca₂i₁len₅₄ ján₃. I₂lin₅₄ 'éi₂ qui₂ca₂cué'₃, i₂lin₅₄ gué'₂
 ca₂jme₃dsiain₂₃ tioin'₅₄.

⁶'Dsa₂ juig₅₄ ja₁nau₂ né₃ jme₁chan₂ gué₄ jan₂ ja₁ŋi'₅₄ i₂jme₁'nioi₃ gué₄
 lin₃. Jaun₂ ca₂chein₃ 'éi₂, ia₁ lín₂: “Jme₃gan₃ dsa₂ chi'₂ quiáng₃.” ⁷La₁
 dsa₂ tion'₅₄ ja₁nau₂ né₃, ca₂dsia₃: “I₂nē₅ bá₄ tīn₃ ja₁nau₂ la₂ cang₂; nē₃
 o₁ŋí₄ jniog₄, ia₁jaun₂ jniog₄ bá₄ lé₂ quián₂”. ⁸Jaun₂ le₂jaun₂ bá₄
 ca₂jmo₃. Ca₂ŋii'₃ bá₄ 'éi₂ tioin'₅₄. Jaun₂ ca₂dsei₂₃ le₃co'₅₄ jní₁.

⁹'Jaun₂, 'é₂ jmo₃ dsa₂ juig₅₄ ja₁nau₂? Jŋiói'₂ jme₃dsiain₂₃ ca₂le₃jín₃
 dsa₂ i₂tion'₅₄ jmó'₂ ta₁ ja₁nau₂ quió'₅, jaun₂ dsia₃ gu₂ dsa₂ sián'₂ táng₃.

¹⁰'Tsa₁ ma₂'í₂ 'nia'₂ Si₂ ja₁juá'₂:

Ni₁cang₁ a₂tsá₃ ca₂rē₃ji'₅₄ tē₅'ia'₂,
 ca₂dsióg₃ ca₂lē₃ ni₁cang₁ a₂dsen₅₄ gué₄
 a₂tē₁ron₅₄ qui'₅₄ 'ia'₂;

¹¹con'₂ nē₅ lē₅ ca₂jmo₃ Te₁gui'₅₄,
 jaun₂ 'ŋio₅ lin₃ bá₄ jlá'₁, lág₂ jniog₄?^t

¹²Jaun₂ jme₁'no'₂ dsa₂ jui₅ a₂jme₁tsáun'₂, ia₁ ca₂rē₃lí'₄ bá₄ guioin₅₄
 a₂juá'₂ Jesús jág₁ jáng'₅ léi₄ nē₅ a₂'iin₂₃ 'éi₂ bá₄. La₁ ca₂rē₃gain₃ bá₄ dsa₂
 juin₅ i₂quian'₅₄ Jesús. Jaun₂ i₂lein₃ bá₄, tsá₃ ma₃ca₂ŋau₃.

^t11 Salmo 118:22-23.

Jág₁ jui₁lia'₂ 'lia'₅₄ a₂ca₂tín₂ dsi₂tan₅₄*(Mateo 22:15-22; Lucas 20:20-26)*

¹³ Jaun₂ ca₂chen₃ dsa₂ can'₅₄ i₂lin₅₄ dsa₂ fariseos, quian'₅₄ i₂lin₅₄ dsa₂ quián₅ Rag₅₄ Herodes a₂dsi₃chi'₅₄ 'e₂ dsi₃chi'₅₄ Jesús, ia₁jaun₂ cuin₅ jmi₄g₄ jo₅₄ jui₁lia'₂ bá₄ 'ñiái₃ ca₂jon₄ jág₁ 'lia'₂. ¹⁴ Jaun₂ ca₂o₃lén₂ ca₂juá'₂:

—Të₅, ne₄ bá₄ jnia'₅₄ a₂dsón'₂ bá₄ juá'₂ 'ne₂ lia'₂ tí₅ jág₁. Jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsi₅ 'e₂ 'ag₅ dsa₂, ia₁ tsá₃ gang'₃ jmag'₅₄ jui₁lia'₂ dsa₂ dsen₅₄ né₃. Caun₂ qui₂jme₂tíng'₁ bá₄ dsa₂ jui₅ quió'₅ Diú₄. ¿I₄ 'éi'₃ qui₅₄ 'lia'₅₄ a₂ca₂tín₂ dsi₂tan₅₄ César? ¿'Nió'₅ qui₅₄ o₃ tsá₃ qui₅₄ 'e₂?

¹⁵ La₁ ñi₅ rë₂ bá₄ Jesús a₂lë₁i₂nio₄ juá'₂ o₁ne₁ bá₄ dsa₂ 'éi₂. Jaun₂ ca₂juá'₂:

—¿'E₂ lë₃ cáun'₂ 'nia'₂ táu₂ jniá'₂? O₂quian₂ de'₂ 'nia'₂ caun₂ cu₄ denario jaun₂ jág₄ jniá'₂.

¹⁶ Jaun₂ ca₂i₁quian₅₄ dsa₂. Jaun₂ jme₁ca₂jág₃ Jesús, jaun₂ ca₂ñag₃:

—¿'Ein₂ dsi₂ne₄ chi₁ton₅ ja₁lá₃? ¿'Ein₂ quió'₅ letra né₃?

Jaun₂ ca₂ñag₃:

—Quió'₅ gui'₅₄ emperador César bá₄.

¹⁷ Jaun₂ ca₂juá'₂ táng₃ Jesús:

—Jang'₅₄ 'nia'₂ ne₄ César con'₂ a₂ca₂tín₂ César; ne₄ Diú₄ né₃ jang'₅₄ 'nia'₂ con'₂ a₂ca₂tín₂ Diú₄.

Jaun₂ ca₂i₃gó'₃ dsí₅ jín₂ 'éi₂.

Ca₂ñag₃ dsa₂ saduceos jui₁lia'₂ a₂jen'₅₄ 'lag₄*(Mateo 22:23-33; Lucas 20:27-40)*

¹⁸ Jaun₂ ca₂o₃lén₂ i₂lin₅₄ dsa₂ saduceos ca₂o₃jín₅₄ Jesús. Ia₁ tsá₃ 'én₂ dsa₂ 'éi₂ a₂jen'₅₄ táng₃ dsa₂ jë₁ma₂dsain₃. Jaun₂ ca₂tsí'₃ Jesús:

¹⁹ —Të₅, ca₂quiog₂ Moisés si₂ a₂juá'₂, në₁jua'₂ ca₂jon₃ jan₂ dsa₂ ñe'₂ të₃ tsá₃ ca₂can₃ 'io₅₄ quiáin₅ guein₂, tion'₅₄ 'nió'₅ jén'₂ gu₂ dsó₂ rin'₅₄ dsa₂ ñe'₂ i₂ca₂jon₃ quiaín'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂ 'lag₄ riín'₅₄.^u

²⁰ 'Ia₁ jme₁chan₂ guion₃ dsa₂ ñe'₂ i₂lín₅ jmá'₃ lia'₂ rin'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄ të₃ tsá₃ guein₂ ca₂can₃ 'io₅₄ quiáin₅. ²¹ Jaun₂ ca₂jen'₂ táng₃ gu₂ 'io₅₄ 'nág₂ 'éi₂ quiaín'₅₄ jë₁ca₂té₂ on₃. Ján₃ bá₄ le₂jaun₂ ca₂jon₃ táng₃ dsó₂ 'éi₂, tsá₃ guein₂ ca₂can₃ 'io₅₄. Ján₃ bá₄ le₂jaun₂ ca₂lë₃ quian'₅₄ jë₁ca₂té₂ ún₂. ²² Le₂jaun₂ bá₄ ca₂lë₃ quian'₅₄ ta₁guion₃ dsa₂ ñe'₂ con'₂ i₂jme₁lé₄ rin'₅₄: ca₂dsain₃ bá₄ të₃ tsá₃ guein₂ ca₂can₃ 'io₅₄ 'i₁jan₂ quiaín'₅₄ 'i₁jan₂ dsó₂ 'éi₂. Jaun₂ ca₂jon₃ 'io₅₄ jme₁ca₂join₃ né₃. ²³ Jaun₂ né₃, jmi₄g₄ jë₁ma₂té₂ rë₁jen'₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guë'₂ dsa₂ ñe'₂ ca₂guá₂ quiaín'₅₄.

^u19 'Nio'₂ ja₁ton₅ Deuteronomio 25:5-6.

²⁴ Jaun₂ ca₂ηag₃ Jesús:

—E₂ gué₄ tsá₃ rē₂ ηí₂ 'au₂ 'nia₂, ia₁ a₂tsá₃ cuin₂ 'nia₂ 'a₂ lia₂ juá₂ Si₂, on₃ gué₂ cuin₂ 'nia₂ 'a₂ lia₂ lé₅ jui₅bí₂ quió₅ Diú₄. ²⁵ Jē₁ma₂tē₂ jmi₄g₄ a₂jen₅₄ 'lag₄, on₃jua₅₄ a₂le₃chain₂ jua₅₄ a₂qui₃jén₂ gué₄ gu₂, on₃ gué₂ nē₅ tóin₃ gué₄ jua₅₄ a₂qui₃cuiin₃ chi₂ quián₅ a₂jén₂ gu₂, ia₁ i₂lén₂ jui₁lia₂ lín₅ ángeles i₂tion₅₄ guei₅₄ i₂juíg₃ bá₄ 'éi₂ jmi₄g₄ jaun₂.

²⁶ La₁ jui₁lia₂ a₂jen₅₄ táng₃ 'lag₄, tsa₁ ma₂'í₂ 'nia₂ Si₂ quió₅ Moisés jui₁lia₂ ja₁juá₂ 'ē₂₃ ni₁'ma₂ taun₅, ja₁ca₂juá₂ Diú₄ ca₂tsí₃ Moisés: “Jniá₂ bá₄ líng₅ Diú₄ quián₅ Abraham, quián₅ Isaac, quián₅ Jacob né₃?”^v

²⁷ A₂lín₅ Diú₄ quian₅ dsa₂ jén₃ bá₄, on₃jua₅₄ rē₂ Diú₄ quián₅ 'lag₄. Jaun₂ 'ηio₅ lín₃ tsá₃ rē₂ ηí₂ 'au₂ 'nia₂.

'Éi₃ Juá₅ a₂dsen₅₄ gué₄ quió₅ Diú₄

(Mateo 22:34-40)

²⁸ Jaun₂ ca₂guan₃ jan₂ tē₅juá₅, ca₂nág₂ jág₁ a₂tsin₅ Jesús quian₅₄ dsa₂, ca₂rē₃lí₄ bá₄ a₂ca₂ηag₃ Jesús lia₂ tí₅ jág₁. Jaun₂ ca₂ηag₃:

—¿E₂ 'Éi₃ Juá₅ a₂le₂'uig₅₄ a₂lé₅ a₂dsen₅₄ gué₄ con₂ gué₄ ca₂le₃jé₃ juá₅?

²⁹ Jaun₂ ca₂ηag₃ Jesús:

—'Éi₃ Juá₅ le₂'uig₅₄ con₂ gué₄ ca₂le₃jé₃, juá₂: “Nei₂ 'nia₂ dsa₂ chan₂ juig₂ Israel. Jan₂ Te₁gui₅₄ bá₄ lín₅ Diú₄ quián₂ jniog₄. ³⁰ Jme₁'nió₄ 'nia₂ Te₁gui₅₄ Diú₄ quiáng₂ ca₂le₃jé₃ 'au₂, ca₂le₃jé₃ jme₂dsí₂ quiáng₂, ca₂le₃jé₃ 'a₂ lia₂ ηí₂ dsei₂, ca₂le₃jé₃ bí₂ quiáng₂.”^w ³¹ Jē₁ca₂tē₂ tñ₃ juá₅ né₃ juá₂: “A₂jme₁'nió₄ dsa₂ mi₂güig₃ ríng₂ jui₁lia₂ 'niog₂ 'ηiag₂.”^x Jñia₅₄ lia₂ a₂tñ₃ nē₅ bá₄ juá₅ a₂lé₅ a₂dsen₅₄ gué₄ con₂ gué₄ ca₂le₃jé₃ 'Éi₃ Juá₅ quió₅ Diú₄.

³² Jaun₂ ca₂ηag₃ tē₅juá₅ 'éi₂:

—Tē₅, 'ηio₅ dse₃ lia₂ nē₂ηag₅₄ a₂dsón₂ bá₄ dsau₅ jan₂ bá₄ Diú₄ i₂chan₂, tsá₃ ma₃'ein₂ diú₄ sián₂ chan₂. ³³ A₂jaun₂ bá₄ a₂dsen₅₄ gué₄ a₂jme₃'nio₃ dsa₂ Diú₄ ca₂le₃jé₃ dsí₅, ca₂le₃jé₃ jme₂dsí₂, ca₂le₃jé₃ bí₂ quió₅; a₂jme₃'nio₃ dsa₂ riin₅₄ jui₁lia₂ 'nioi₃ 'ηiog₅. A₂jaun₂ bá₄ a₂quen₅ gué₄ con₂ gué₄ ca₂le₃jé₃ 'e₂ niog₅ jén₅ dsa₂ ne₄ Diú₄, o₃ 'e₂ a₂qui₂dsí₂ dsa₂ ne₄chei₂ né₃.

³⁴ Jaun₂ jme₁ca₂nág₂ Jesús ca₂ηag₃ bá₄ dsa₂ 'éi₂ a₂ηí₂ dse₃ dsí₅, jaun₂ ca₂juá₂:

—Tsá₃ uíng₂ ηí₂ ja₁gon₂ Diú₄.

Jaun₂ tē₂le₃ ne₄ jui₅ gué₄ jaun₂, tsá₃ ma₃'ein₂ ca₂tiá₂ dsí₅ jua₅₄ a₂ηág₃ gué₄ 'e₂ ηag₃.

^v26 Éxodo 3:6.

^w30 Deuteronomio 6:4-5.

^x31 Levítico 19:18.

¿'Ein₂ tsi₁jon₂ quián₅ lín₅ I₂rë₂'ín₁ quián₅ Diú₄?

(Mateo 22:41-46; Lucas 20:41-44)

³⁵ Jaun₂ ca₂jéin₃ Jesús jág₁ jë₄ jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂:

—¿'A₂ lia'₂ lé₅ juá'₂ të₅juá'₅ a₂lín₅ tsi₁jon₂ David I₂rë₂'ín₁ quián₅ Diú₄,
³⁶ ton'₂ 'ñiog₅ bá₄ guë'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ Jñió₅ të₂dsí₅:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ të₂le₃ gu₃ ne₁,

ca₂lia'₂ ca₂të₂ jmig₄

a₂tón'₁ jniá₂ dsa₂ i₂'iog₅₄ o₄tag'₄”^y

³⁷ ¿'A₂ bá₄ lia'₂ lé₅ jaun₂ a₂lín₅ tsi₁jon₂ David, ton'₂ 'ñiog₅ bá₄ guë'₂ David ca₂të₃ “Te₁gui'₅₄ quiáng₃?”

Ca₂le₃jín₃ dsa₂ juin₅ 'éi₂ jme₁nag₂₃ 'ñio₂ dsí₅ jág₁ quió'₅.

Chóg'₅ Jesús dso₄ juá'₂ 'a₂ lia'₂ niog₅ lín₅ të₅juá'₅

(Mateo 23:1-36; Lucas 11:37-54; 20:45-47)

³⁸ Të₃jë₄ jme₂tiin₂₃ dsa₂, ca₂juá'₂:

—Ní₂ 'nia'₂, jmo₄ 'nia'₂ 'í₁ tsá₃ i₂can₂ 'nia'₂ jui₅ jui₁lia'₂ niog₅ lín₅ të₅juá'₅. Ia₁ të₅ dsí₅ i₂nioi₅₄ le₁qui'₂ 'mì'₂ chen'₅₄ jang₄, ton'₂ të₅ dsí₅ qui₂cuag₃ dsa₂ Diú₄ jë₄ 'ma'₅₄,³⁹ ton'₂ jmá'₃ lia'₂ ja₁dsen₅₄ bá₄ qui₂dsi₂tiain'₂ jui₁lia'₂ dsi₂néi₂ guá'₅ sinagoga, ton'₂ jmá'₃ lia'₂ ja₁dsen₅₄ bá₄ dsi₂toin'₅₄ ja₁dsi₂gué'₃ jui₁lia'₂ ja₁niog₅ jmig₄.⁴⁰ Qui₂jñiá'₂ 'ne₄ 'io₅₄ 'nág₂ né₃, jaun₂ a₂jñia'₅₄ con'₂ 'ma₂₃ jlë₅ a₂jmo₂₃ jaun₂, chi₂léin'₂ Diú₄ ué₂ lín₃ të₃jín₄ dsa₂. La₁ 'e₂ gué₄ uig₅ cuë₃ Diú₄ quió'₅ i₂le₂'éi₂.

Ca₂tó'₂ 'io₅₄ 'nág₂ te₂ñé₂ cu₄ quió'₅

(Lucas 21:1-4)

⁴¹ Co₂ráun₂ guá₅ Jesús i₁dsi₅ guá'₅ cau₅ tsi₁gu₅ ja₁tó'₅ dsa₂ cu₄ ofrenda. Jaun₂ guá₅ jín₂ dsa₂ i₂dsi₂lén₂ dsi₂tio'₂ cu₄ 'ñió'₃ tsi₁gu₅. Jaun₂ né₃, juin₅ dsa₂ cha₂ cu₄ dsi₂lén₂ dsi₂tio'₂ 'lóng₂ cu₄.⁴² La₁ të₃jë₄ jaun₂ ca₂dsióg₃ jan₂ 'io₅₄ 'nág₂ te₂ñé₂. Jaun₂ ca₂tó'₂ tin₃ ní₁ guéin₂.^z ⁴³ Jaun₂ ca₂të'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

—A₂dsi₂jó'₃ juíg₂ jniá₂ 'nia'₂, 'lóng₂ gué₄ në₂tió'₂ 'io₅₄ 'nág₂ te₂ñé₂ në₅, lia'₂ con'₂ gué₄ ca₂le₃jín₃ i₂ma₂në₂tió'₂ 'ñió'₃ tsi₁gu₅.⁴⁴ Ia₁ 'éi₂ né₃ cu₄ a₂ma₂qui₂rë₂tsón₂ bá₄ jaun₂ quió'₅ cuë₂₃. 'Io₅₄ 'nág₂ në₅ né₃, ca₂le₃jé₃ bá₄ në₂cuë₃, con'₂ a₂jme₁ron₅ quió'₅, 'nió'₄ a₂jme₁lá₃ a₂gué'₃.

^y36 Salmo 110:1.

^z42 lit. “tin₃ ní₁ lepta.”

Ca₂'é₂ Jesús jág₁ a₂dsi₃'én₂ bá₄ guá'₅ templo

(Mateo 24:1-2; Lucas 21:5-6)

13 ¹ Con'₂ jme₁ma₂'ein₅₄ jui₅ o₂'iin₅ i₁dsi₅ guá'₅, jaun₂ ca₂juá'₂
jan₂ chi'₂ dsi₂guia₃-tín₂ quiáin₅:

—iTë₅, jag₄ 'e₂ gué₄ jlá'₁ ni₁cang₁ a₂le₁juí₄ a₂lé₅ guá'₅!

² Jaun₂ ca₂ṇag₃ Jesús:

—¿Jág'₂ 'né₅ ca'₅₄ a₂te₁'i₁ nē₅? Já₅ caun₂ jmig₄, 'i₁ca₂míg₂ ni₁cang₁ tsá₃
ma₃'e₂ le₁juí₄ lé₂.

Léi₄ a₂lé₂ jmig₄ jē₁ca₂tó'₂

(Mateo 24:3-28; Lucas 21:7-24; 17:22-24)

³ Jme₁ca₂dsióg₃ Jesús má'₂ Olivos a₂chí'₅ quióng₄ guá'₅, ja₁jaun₂
ca₂guá'₂. Jaun₂ ca₂guan₃ Pe₄, Jacobo, quiain'₅₄ Juan₅₄, Dré₄ nē₃, ca₂tsí'₃
Jesús con'₂ jē₄ tē₃co'₅₄:

⁴ —Jua'₅₄ líg'₂ bá₄ le₃ti₃ a₂juá'₂ 'ne₂ nē₅. 'Niog₂ jnia'₅₄ le₃ne₄. ¿'E₂ léi₄
a₂lé₂ né'₃ a₂tē₅₄ jmig₄ jaun₂?

⁵ Jaun₂ ca₂ṇag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅. ⁶ Ia₁ juin₅ i₂tē₁i₃nio₄
a₂juá'₂ i₂nioi₅₄ o₄quió₃ jniá'₂, juá'₂: “Jniá'₂ bá₄ líng₅ 'éi₂,” jaun₂ juin₅ dsa₂
i₂qui₂jme₃gain₂₃.

⁷ 'Jē₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁
tsá₃ jmó₁ 'nia'₂ gang'₃, ia₁ le₂jaun₂ dsón'₂ lé₂ bá₄. La₁ on₃jua'₅₄ jmig₄
jē₁ca₂tó'₂ jaun₂. ⁸ Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juig₂
nación; dsi₂tan₅₄ guē'₂ nē₃ qui₃tóin'₃ mī'₅₄ quín'₂ quian'₅₄ dsi₂tan₅₄
riin'₅₄ i₂chan₂ juig₂ siá'₂. 'Lióng₂ ja₁qui₂dsi₃bi₅₄ 'uē₃ lé₂, ton'₂ le₃cha₂
'lióng₂ ja₁qui₂i₂nio₄ dsa₂ 'oin₅₄. A₂le₂'uig₅₄ jmi₁uig₅ bá₄ gué₄ nē₅, jui₁lia'₂
jan₂ 'io₅₄ i₂rē₂chan₂ guein₂ quián₅.

⁹ 'Rē₂ján'₁ 'nia'₂ chang'₂, ia₁ qui₃jín'₂ dsa₂ 'nia'₂ ne₄ dsi₂tan₅₄ quián₅
guá'₅ ia₁jaun₂ bóg₂ dsa₂ dsi₂néi₂ guá'₅ sinagogas. Jaun₂ dsi₁nó'₅ 'nia'₂
tē₃ne₄ dsi₄má'₂, ne₄ rag₅₄ nē₃, 'uig₅₄ quió₃ jniá'₂; ja₁jaun₂ o₁jang'₄ 'nia'₂
jág₁ dsau₅. ¹⁰ Jág₁ quió'₅ Diú₄ de'₂ jniá'₅ 'nió'₅ dsi₃'ag₅ le₂con₂ mi₂güig₃.

¹¹ Jē₁ma₂tē₂ rē₁qui₃tē₂ dsa₂ 'nia'₂ a₂dsi₁jó₂ ne₄ dsi₂tan₅₄, tsá₃ jmó'₂ 'nia'₂
'i₅ 'au'₂ tē₃jniá'₅ 'e₂ ṇag'₅₄. La₁ ṇag₄ bá₄ 'nia'₂ con'₂ jág₁ a₂ma₂ca₂ṇi'₂
'nia'₂ hora jaun₂, ia₁ on₃jua'₅₄ guion'₅₄ 'nia'₂ a₂ṇag'₅₄ jág₁ jaun₂; Jme₂dsí₂
Jnió₅ bá₄ i₂jmo₃. ¹² Ia₁ tón'₃ dsa₂ qui₃jín'₂ riin'₅₄ jmig₄ jaun₂, jaun₂ jṇag'₃
dsa₂; jui₁lia'₂ jmei₂ qui₃jín'₂ chi'₂ quiáin₅. Chi'₂ guē'₂ nē₃, jme₃'ṇiai₅₄
chog₅₄-jmei₂; chan₂ guē'₂ i₂qui₂jme₃dsian₅ chog₅₄-jmei₂ nē₃. ¹³ Ca₂le₃jín₃
dsa₂ jme₃'ṇia₅₄ 'nia'₂ 'uig₅₄ quió₃ jniá'₂, la₁ jui₁lia'₂ i₂tió'₃ náu₃ tiá₂ tē₂
jē₁ca₂tó'₂, tñin'₄ bá₄.

¹⁴ 'Jaun₂ né₃, já₅ jmi₄ a₂tē₅₄ ne'₅₄ 'nia'₂ a₂náu₃ jan₂ dsa₂ i₂jui₁si 'lín'₅₄ ja₁tsá₃ 'i₄ 'éi'₃ náu₃,^a —jaun₂ jui₁le₂ñí'₂ bá₄ i₂'i₅ si₂ la₂—; jaun₂ né₃, dsa₂ i₂tían'₅ le₂tan₅₄ 'uē₃ Judea, jui₁cuing₁₂ jui₅ má'₂.¹⁵ Jui₁lia'₂ i₂'en₅₄ guei'₅₄ 'ne₄, tsá₃ jui₁sióin₄ jua'₅₄ a₂'uē'₃ 'e₂ 'uē'₃ dsi₂néi₂ quió'₅; ¹⁶ jui₁lia'₂ i₂'en₅₄ ja₁nau₂ quió'₅ táng₃, tsá₃ ma₃jui₁jñioi'₅₄ jua'₅₄ a₂ja₃quián₂ tsi₁'mi'₂ dsióg₂ quió'₅.¹⁷ iJuí₂ bá₄ jui₁lia'₂ dsa₂ mí₂ i₂le₁quian₅ guein₂, jui₁lia'₂ i₂chan₂ guein₂ bē'₅₄ i₂'ín'₂ dsi'₅₄ quió'₅ né₃, jmi₄ jaun₂! ¹⁸ Mi₄ 'nia'₂ ne₄ Diú₄ tsá₃ jui₁dsi₂ñí'₂ 'nia'₂ a₂jaun₂ jui₁lia'₂ jein₂ güí₂. ¹⁹ Ia₁ juá'₅ jniá₂, caun₂ o₂i₁ dsi₅ lín₃ a₂le₃chan₂ dsa₂ jmi₄ jaun₂, caun₂ jmi₁uig₅ a₂tsá₃ ma₂ca₂rē₃chá₃ ca₂le₃ ca₂nio₃ mi₂güí₃, on₃ guē'₂ ma₃nio₅ jmi₄ jua'₅₄ a₂le₃cha₂ gué'₄ cang₂. ²⁰ Jua'₅₄ mei'₂ gué'₃ Te₁gui'₅₄ tsá₃ ma₂ca₂jme₃tē₃ jmi₄ jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ gué'₃ tsá₃ le₂jaun₂. La₁ ma₂ca₂jme₃tē₃ bá₄ jmi₄ jaun₂ o₄quió'₄ i₂quion'₅₄ quiáin₅.
²¹ 'Nē₁jua'₂ chan₂ i₂ca₂juá'₂ tsí'₅ 'nia'₂ jmi₄ jaun₂: “iJag₄ 'nia'₂! La₂ bá₄ chén'₅ I₂rē₂'ín₁ quián₅ Diú₄”, o₃ nē₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en₅₄ 'nia'₂ jág₁ jaun₂. ²² Ia₁ juin₅ dsa₂ i₂jme₃gau₅ ja₃lén₂ a₂juá'₂ lín₅ I₂rē₂'ín₁ quián₅ Diú₄, a₂juá'₂ né₃ a₂lín₅ dsa₂ i₂'ē₂ jág₁ quián₅ Diú₄; 'lióng₂ léi₄ juē'₂ a₂o₂dsain₂ jmo₃ a₂jme₃gain₂₃ dsa₂. Jua'₅₄ mei'₂ gué'₃ lé₂, ca₂tē₂ dsa₂ i₂quion'₅₄ quián₅ Diú₄ jme₃gain₂₃. ²³ La₁ chan'₂ 'nia'₂ rē₂jáng'₁,^b jaun₂ le₂nē₅ ma₂nē₂juí₂ jniá₂ 'nia'₂ ca₂le₃jé₃ tē₃jñiá₅.

'A₂ lia'₂ guan'₂ Jaun₅ dsa₂ mi₂güí₃
 (Mateo 24:29-35, 42-44; Lucas 21:25-36)

²⁴ 'Jē₁ma₂ca₂ñag₅ jmi₄ o₂i₁ dsi₅ jaun₂,
 'iog₂ né₃ co₂dsia₅ le₃lia'₂,
 tsi'₂ né₃ tsá₃ ma₃tág₅ jnia₅₄;
²⁵ Nei₅ guē'₂ né₃ qui₂tsi₃séi'₂,^c
 ca₂le₃jé₃ gué'₄ 'e₂ bí₂ cha₂ guei'₅₄ mi₂güí₃
 qui₃guian'₃.^d
²⁶ 'Tē₃jē₄ jaun₂ gué'₄ né₃, jín₂ dsa₂ Jaun₅ dsa₂ mi₂güí₃, jñiói'₂ guei'₅₄
 jē₄ jnei₅ quian'₅₄ ca₂le₃jé₃ jui₅bí₂ a₂'io₂₃ jláin'₁. ²⁷ Jaun₂ qui₃chein₃
 ángeles quiáin₅, a₂tē₂ dsa₂ i₂quion'₅₄ quiáin₅ i₂chan₂ ca₂le₃jé₃ juí₂ te₁'i₁
 ca₂taun₂ ca₂taun₂ mi₂güí₃.
²⁸ 'Jme₁tin₅ 'nia'₂, jui₁le₂ñí'₂ 'au'₂ jág₁ a₂jáng'₅ léi₄ jui₁lia'₂ ni₁'ma₂
 a₂'ag₅ míg₂ higos; jme₁chéi'₂ gu'₂-nei'₅₄, qui₂ja₂'iá₃ mog'₅₄ né₃, ñi'₅₄ bá₄
 'nia'₂ a₂ma₂ja₂quián₃ jein₂ 'iog₂ bá₄ jaun₂. ²⁹ Le₂nē₅ bá₄ 'nia'₂ jaun₂ né₃,
 jē₁ma₂tē₅ ne'₅₄ a₂lé₂ ca₂le₃jé₃ a₂nē₅, jui₁le₂ñí'₅₄ bá₄ 'nia'₂ a₂ma₂ja₂quiáin₃,

^a14 'Nio'₂ ja₁ton₅ Daniel 9:27; 11:31; 12:11.

^b23 o₃, “ñí₂ 'nia'₂”.

^c25 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

^d25 Isaías 13:10; 34:4.

ně₂jag₄ bá₄ i₂ma₂chén'₅ o₄'né₄ bá₄ 'éi₂. ³⁰ A₂dsi₂jó'₃ juá'₅ jniá₂ juíg₂ 'nia'₂, tsá₃ dsi₃ñí₂ tsi₁jon₂ la₂,^e ca₂lia'₂ ca₂lě₃ ca₂le₃jě₃ a₂ně₅. ³¹ Jaun₂ já₅ jmi₄g₄, guei'₅₄ dsi₂güig₂ quian'₅₄ mi₂güig₃ la₂ ñag₅, la₁ jág₁ quió₃, o₁líg'₂ jmi₄g₄ tsá₃ ñag₅ jua'₅₄ a₂tsá₃ le₃ti₃.

³² La₁ 'i₁jan₂ tsá₃ 'ein₂ ñi₅ 'e₂ 'i₄o', 'e₂ hora lé₂ a₂jaun₂, on₃ guë'₂ ángeles i₂tion'₅₄ guei'₅₄ i₂juíg₃, on₃ guë'₂ 'ñiog₅ Ja₁ñi'₅₄ Diú₄. Jñia'₅₄ lia'₂ 'ñiog₅ bá₄ Diú₄ Jmei₂ ñi₅.

³³ Chan'₂ 'nia'₂ rě₂jáng'₁, jme₁ñio₂ 'nia'₂ ne'₅₄, ia₁ tsá₃ ñi'₅₄ 'nia'₂ 'e₂ jmi₄g₄ lé₂. ³⁴ Lé₂ jui₁lia'₂ jan₂ dsa₂ i₂o₂'in₅ dsi₂néi₂ quió'₅, dsó₅ dsi₂ñí₃ uíng₂; dsia₂₃ gu₂ dsa₂ i₂jme₂ti₃ ne₅₄ dsi₂néi₂ quió'₅, le₂jan₂ le₂jan₂ 'éi₂ jma₃quén₅ ta₁ cué'₅ con'₂ ca₂tín₂, tsí'₅ mozo i₂jmo₅ 'í₁ o₄'né₄ a₂chain₂ rě₂jáin₁. ³⁵ Jaun₂ le₂ně₅ bá₄ 'nia'₂ ján₃, rě₂jáng'₁ 'nia'₂ chang'₂, ia₁ tsá₃ ñi'₅₄ 'nia'₂ 'e₂ 'i₄o' guan'₂ dsa₂ i₂quió'₅ dsi₂néi₂, tē₂le₃ ca₂nei₂, o₃ dsi₃nei₅, o₃ jē₁ma₂ca₂'o₃ i₁tú₃, o₃ tē₂le₃ ca₂jnia₃ 'e₂, ³⁶ ia₁ con'₂ tsá₃ ñó₅ ně₁jua'₂ ca₂guáin'₃ co₂tiá₂, jo₅₄ rě₂güín'₃ 'nia'₂. ³⁷ Jaun₂ jág₁ a₂juíg₂ jniá₂ 'nia'₂ la₂, juíg₂ ca₂le₃jín₃: “iChan'₂ 'nia'₂ rě₂jáng'₁!”

Ca₂quin'₃ dsa₂ jág₁ a₂tsáin'₂ Jesús

(Mateo 26:1-5; Lucas 22:1-2; Juan 11:45-53)

14 ¹ Tin₃ jmi₄g₄ né'₃ a₂tē₅₄ Jmi₄g₄ Tē₂'in₅₄, a₂gué'₅ dsa₂ i₁ñí'₄ 'ua'₂, a₂tsá₃ jui₁ levadura quian'₅₄, jaun₂ juig₅₄ jme₂dsa₂, tē₅juá'₅ ně₃ ca₂'náu'₃ jui₅ 'a₂ lia'₂ tsáin'₂ Jesús quian'₅₄ caun₂ mai₅₄, jaun₂ jñag'₃. ² Jaun₂ ca₂dsia₃ jág₁, juá'₂:

—La₁ tsá₃ 'nió'₅ jmó₁ jniog₄ tē₃ niog₅ jmi₄g₄, jme₁né₄, ia₁ con'₂ tsá₃ ñó₅ ně₁jua'₂ ca₂tó'₂ dsa₂ juig₂ mi'₅₄.

Jan₂ 'io₅₄ ca₂tsín₂ no'₅₄ mi₂juig₂ Jesús

(Mateo 26:6-13; Juan 12:1-8)

³ Lia'₂ con'₂ 'ein₅₄ gué'₄ juig₂ Betania ja₁quió'₄ i₂tē'₂ dsa₂ Si₂mu₅₄ 'Mé'₅ 'Iog₅, jaun₂ ca₂dsióg₃ jan₂ 'io₅₄ quian₅ caun₂ tsí'₅ no'₅₄ mi₂juig₂ a₂'mu'₅₄, a₂lě₅ jmá'₃ no'₅₄ quió'₅ mi₁'au₂ nardo. Jaun₂ ca₂niá₃ ni₁tsí₅, jaun₂ ca₂'ág₂ no'₅₄ mi₂dsi₄ Jesús. ⁴ Jaun₂ i₂lín₅₄ dsa₂ i₂tion'₅₄ ja₁jaun₂, dséin₂ ca₂tín₂, jaun₂ ca₂dsia₃:

—Tsá₃ ne₄ 'e₂ lě₃ ně₂'éin₂ no'₅₄ mi₂juig₂ quió'₅. ⁵ Jua'₅₄ co₂ñei'₅₄ bá₄ ně₂'nag₃ quian'₅₄ 'ni₅ 'ñiá₂-láu₂ 'éi'₃ cu₄ denario, jaun₂ jme₁jme₂'oin₅₄ dsa₂ te₂ñé₂.

Jaun₂ ca₂dséin₃ quian'₅₄ 'io₅₄ 'éi₂.

⁶ Jaun₂ ca₂juá'₂ Jesús:

—Tsá₃ lě₁lein'₅₄. ¿E₂ lě₃ cué'₂ 'nia'₂ o₂me'₅₄ dsi₅? A₂ně₂jmóg'₂ ně₅, caun₂ a₂dse₃ bá₄ ně₅. ⁷ Ca₂le₃jě₃ jmi₄g₄ bá₄ i₂nio₄ dsa₂ te₂ñé₂ jin'₄ 'nia'₂; lé₂ bá₄ jme₁'oin'₁, chi₂jua'₂ líg'₂ 'niog'₂ 'nia'₂ jme₁'oin'₁. La₁ jniá₂ ně₃ tsá₃

^e30 o₃, “né'₃ a₂dsián₃ dsa₂ i₂lín₅ raza la₂.”

ma₃u_é₂ 'en₅₄ jniá₂ quian'₅₄ 'nia'₂. ⁸ 'Io₅₄ nē₅, nē₂jmo₃ 'a₂ con'₂ jñia'₅₄
 le₃qui'₅₄ jmig₄ jmo₃. Ma₂nē₂tsáng₂ tē₂jñiá₅ no'₅₄ mi₂juig₂ quió₃,
 ma₂nē₂jmo₃g'₂ co₂jñia₅₄ jē₁ma₂tē₂ rē₁'ong₃. ⁹ A₂dsi₂jó'₃ juig₂ jniá₂ 'nia'₂,
 ca₂le₂con₂ mi₂güig₃ ja₁'é₂ dsa₂ jág₁ dse₃ quió₃, ján₃ bá₄ le₂jaun₂ dsiog'₂
 dsí₅ dsa₂ 'iin₃ 'io₅₄ nē₅.

Jmo₅ Judas caun₂ jág₁ a₂'nii₂₃ Jesús

(Mateo 26:14-16; Lucas 22:3-6)

¹⁰ Jaun₂ né₃ Judas Iscariote i₂jme₁lín₄ jan₂ chi'₂ dsi₂guia₃-tín₂ quián₅
 Jesús, ñei₅₄ i₁dsia₂ jág₁ quian'₅₄ juig₅₄ jme₂dsa₂ a₂jáng'₂. ¹¹ Jaun₂ 'io'₂
 jmo₅ dsa₂ can'₅₄ jme₁ca₂nág₂, jaun₂ ca₂jén'₃ cu₄. Jaun₂ gué₄ né₃ ca₂'náu'₃
 Judas dsí₅ 'a₂ lia'₂ cuin₅ jmig₄ a₂jín'₂ Jesús, jaun₂ tsáun'₂ dsa₂.

Má₃ jē₁ca₂tó'₂ quió'₅ Te₁gui'₅₄

(Mateo 26:17-29; Lucas 22:7-23; Juan 13:21-30; 1 Corintios 11:23-26)

¹² Jmig₄ le₂'uig₅₄ a₂niog₅ Jmig₄ Tē₂'in₅₄ a₂gué'₅ dsa₂ i₁ñí'₄ a₂tsá₃
 quian'₅₄ levadura, jmig₄ a₂jme₁jme₂dsian₅ dsa₂ já'₂ cha'₂ quián₅ jmig₄,
 jaun₂ ca₂ñag₃ chi'₂ dsi₂guia₃-tín₂ ca₂ñí'₃ Jesús:

—¿A₂já'₄ 'niog'₂ dsi₁jmo₁ jnia'₅₄ co₂jñia₅₄ má₃ Jmig₄ Tē₂'in₅₄ quiáng'₂?

¹³ Jaun₂ ca₂chein₃ on₃ chi'₂ dsi₂guia₃-tín₂ quián₅, ca₂juá'₂:

—O₂nó'₅ 'nia'₂ jē₄ juig₂. Ja₁jaun₂ jen'₂ 'nia'₂ jan₂ dsa₂ ñe'₂ i₂quion₂
 jmig₂ quian'₅₄ ni₁dsig₁. Jaun₂ o₁'én'₃ 'nia'₂ dsa₂ 'éi₂. ¹⁴ Dsi₂néi₂ ja₁'í₂ 'éi₂,
 juig'₅₄ dsa₂ juig₅₄ dsi₂néi₂: “Le₂la₂ juá'₂ tē₅, ¿Na₂ dsi₂néi₂ ja₁gué'₄ Jmig₄
 Tē₂'in₅₄ co₂lē₅ quian'₅₄ chi'₂ dsi₂guia₃-tín₂ quiáng₃?” ¹⁵ Jaun₂ 'éi₂ né₃, 'ē₃
 caun₂ dsi₂néi₂ jué'₂ ja₁lé₄ guei'₅₄ a₂ma₂lé₅ co₂jñia₅₄. Ja₁jaun₂ o₂jmo₄
 'nia'₂ co₂jñia₅₄ má₃ que₅₄ jniog₄.

¹⁶ Jaun₂ ca₂i₃lén₂ bá₄ dsa₂ on₃ 'éi₂. Jme₁ca₂dsi₃lén₂ jē₄ juig₂ né₃,
 ca₂dsó'₂ lia'₂ con'₂ lé₅ jág₁ ca₂juá'₂ Jesús. Jaun₂ ja₁jaun₂ ca₂jmo₃
 co₂jñia₅₄ má₃ a₂gué'₃ Jmig₄ Tē₂'in₅₄.

¹⁷ Jme₁ca₂nei₂ jaun₂, ca₂dsióg₃ Jesús quian'₅₄ ta₁guia₃-tín₂ chi'₂
 dsi₂guia₃-tín₂. ¹⁸ Jme₁ma₂tián'₅ gué'₅, jaun₂ ca₂juá'₂ Jesús:

—A₂dsi₂jó'₃ juá'₅ jniá₂ la₂, jan'₂ 'nia'₂ i₂gué'₅ jniá₂ co₂lē₅ quiang'₅₄ bá₄
 i₂jang'₂ jniá₂.

¹⁹ Jaun₂ né₃ ca₂tá'₂ 'lia'₂ dsí₅ 'ñio₅ lín₃ tián'₅, jaun₂ ca₂jme₃lióg₃
 ca₂ñí'₃ Jesús le₂jain₂ le₂jain₂, ca₂juá'₂:

—¿On₁jua'₅₄ jniá₂ 'ág'₅?

²⁰ Jaun₂ ca₂ñag₃ Jesús:

—Jan'₂ 'nia'₂ i₂lé₂ guia₃-tín₂ i₂tiá₂ mi₂gu₂ co₂lē₅ 'ñió'₃ uing₅ quian'₅₄
 jniá₂. ²¹ Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ jui₅ dsó₃ lia'₂ con'₂
 lé₅ juá'₂ ne₄ Si₂; la₁ i'e₂ gué₄ juig₂ dsa₂ i₂jáng'₂! Jme₁dse₃ quió'₅ jua'₅₄
 co₂ñei'₅₄ bá₄ tsá₃ ca₂rē₃cháin₃.

²² Të₁lia'₂ tiáin'₅ gué'₅, ca₂ɲa'₃ Jesús i₁ɲí'₄, ca₂cué'₃ ti₁'mag'₄ Diú₄, jaun₂ gué'₄ né₃ ca₂dsioin₃, ca₂cué'₃ chi'₂ dsi₂guia₃-tín₂ quiáin₅. Jaun₂ ca₂juá'₂:

—Qué'₂ 'nia'₂, ia₁ ɲi₃ bá₄ jniá'₂ i₁ɲí'₄ la₂.

²³ Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cué'₃ ti₁'mag'₄ Diú₄, jaun₂ gué'₄ ca₂cué'₃ chi'₂ dsi₂guia₃-tín₂. Jaun₂ ca₂le₃jín₃ bá₄ ca₂'in'₃. ²⁴ Ca₂juá'₂ Jesús:

—Jmi₃ bá₄ jniá'₂ la₂, a₂li'₅₄ jág₁ 'mí₂ a₂të₃ron₅₄,^f a₂niog₅ dsi₃'o₅₄ o₄quió'₄ juin₅ dsa₂. ²⁵ Dsón'₂ juá'₅ jniá'₂, tsá₃ ma₃líg'₂ jmi₄g₄ jua'₅₄ a₂gui'₅₄ gué'₄ táng₃ vino ca₂lia'₂ ca₂té₂ jmi₄g₄ i₁gui'₄ táng₃ caun₂ vino 'mí₂ co₂lë₅ quiang'₅₄ 'nia'₂ ja₁gon₂ Diú₄.

Ca₂juá'₂ Jesús a₂tsá₃ tion₃ Pe₄ a₂cui₂₃

(Mateo 26:30-35; Lucas 22:31-34; Juan 13:36-38)

²⁶ Jme₁ca₂lë₃ 'ë₂₃ jme₂juin'₂ Diú₄, jaun₂ gué'₄ i₃lén₂ jui₅ Má'₂ Olivos.

²⁷ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—Ca₂le₃jín'₃ bá₄ 'nia'₂ tiá'₃ jén₂ 'au'₂, 'ág'₁ 'nia'₂ caun₂-tín₃ 'au'₂; ia₁ rë₂ton₅ ne₄ Si₂ ja₁juá'₂: “Jɲí'₄ jniá'₂ dsa₂ i₂ɲia₅ já'₂ cha'₂, jaun₂ já'₂ cha'₂ né₃ dsi₃lén₂ tsi₁rë₂jain₅₄.”^g ²⁸ La₁ cang₂ jë₁ma₂ca₂jeng'₅₄ táng₃, nei₅₄ jniá'₂ jɲiág₅ jui₅ Galilea lia'₂ con'₂ gué'₄ 'nia'₂.

²⁹ Jaun₂ né₃ ca₂ɲag₃ Pe₄:

—O₁ɲia'₅₄ la₂ ca₂'ág₂ caun₂-tín₃ dsí₅ ca₂le₃jín₃ ríng'₃, la₁ jniá'₂, o₁líg'₂ jmi₄g₄ tsá₃ 'ag₅₄ caun₂-tín₃ dsi₃.

³⁰ Jaun₂ ca₂juá'₂ Jesús:

—A₂dsi₂jó'₃ juá'₅ jniá'₂, a₂'uë₂ në₃, né'₃ a₂'ó₃ jë₁ca₂té₂ tin₃ ráun₂^h të₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cui₂g'₂ jniá'₂.

³¹ Jaun₂ ca₂ɲag₃ táng₃ Pe₄:

—O₁ɲia'₅₄ la₂ ca₂dsau₃ jniog₄ co₂lë₅, o₁líg'₂ jmi₄g₄ jua'₅₄ a₂tsá₃ 'ín₄ jniá'₂ 'ne₂.

Le₂jaun₂ bá₄ ca₂juá'₂ ca₂le₃jín₃ riin'₅₄ ján₃.

Ca₂chi₃lén'₂ Jesús Diú₄ caun₂ ja₁chei₂ Getsemaní

(Mateo 26:36-46; Lucas 22:39-46)

³² Jaun₂ ca₂dsi₃lén₂ caun₂ ja₁chei₂ Getsemaní. Jaun₂ ca₂juá'₂ ca₂tsí'₃ chi'₂ dsi₂guia₃-tín₂:

—Ja₁lá₃ tián'₂ 'nia'₂, të₁lia'₂ i₁chi₁leng'₄ Diú₄.

³³ Jaun₂ ca₂jɲiai₃ Pe₄, Jacobo, Juan₅₄ né₃. Jaun₂ ca₂rë₃lióg₃ ca₂tá'₂ quian₅ o₂i₁ dsi₅ 'ɲio₅ lin₃. ³⁴ Jaun₂ ca₂juá'₂ ca₂tsí'₃ i₂ún₂ i₂quian'₅₄:

^f24 'Nio'₂ ja₁ton₅ Éxodo 24:8; Jeremías 31:31-34; Hebreos 10:29; 13:20.

^g27 Zacarías 13:7.

^h30 A₂lin₅₄ chog₅₄ si₂ tsá₃ chi₁ton₅ “jë₁ca₂té₂ tin₃ ráun₂.”

—'Nio₅ lin₃ quian₅₄ o_{2i1} dsi₅, ca₂lia'₂ jmá'₃ le₃jóng₂ tē₂nē₃. Ja₁lá₃ tián'₂ 'nia'₂ jme₁jnio₂ 'nia'₂ ne'₅₄.

³⁵ Ca₂jui_{g4} bá₄ ca₂no₃ gué₄ ne₄ jui₅. Ja₁jaun₂ ca₂tóin₂ tē₂ 'uē₃, ca₂mi₃ ca₂tsí'₃ Diú₄, jua'₅₄ lé₂ bá₄ le₃lé₂ a₂tsá₃ dsi₃ñí₂ uig₅ 'e₂ niog₅ dsi₃ñí₂ hora jaun₂. ³⁶ Tē₃jē₄ chi₂lén'₂ Diú₄, ca₂juá'₂:

—Abba, ⁱTia₅₄ quiáng₃, ca₂le₃jé₃ bá₄ lé₂ le₃jmó'₂ 'ne₂. Lio₄ jniá₂ 'e₂ a₂dsi₃ñí_{g2} nē₃. La₁ tsá₃ jui₁le₅₄ con'₂ 'nio₃ jniá₂; jui₁le₅₄ bá₄ a₂'nio₂ 'au'₂ 'ne₂.

³⁷ Jaun₂ ca₂dsiáin'₃ táng₃ ja₁tián'₄ 'éi₂, la₁ le₁güín₃ bá₄ 'éi₂ tián'₅ nē₃. Jaun₂ ca₂té'₃ Pe₄, ca₂juá'₂:

—¿Rē₁güín'₃ bá₄ 'ne₂, Si₂mu₅₄? ¿Tsa₁ tiang'₃ jua'₅₄ caun₂ hora bá₄ jme₁jniog'₂ gué₄ ne'₅₄? ³⁸ Jme₁jnio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsi₃sén'₂ 'nia'₂ dso₄. Dsón'₂ bá₄ 'nio₂ dsí₅ jme₂dsí₂ quián'₂ 'nia'₂, la₁ ni₁ñi'₁ guion'₅₄ bá₄ 'nia'₂ 'uan₅₄.

³⁹ Jaun₂ nó₃ bá₄ táng₃ i₁chi_{2i1}lein'₄ Diú₄. Ján₃ bá₄ jág₁ le₂jaun₂ ca₂juá'₂ táng₃. ⁴⁰ Jaun₂ guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güín₃ bá₄ táng₃ 'éi₂ tián'₅, ia₁ a₂ñí₄ lē₃ 'nio₅ lin₃ ma_{2i1}güín₃. Jaun₂ tsá₃ 'e₂ ñi₅ ñag₃. ⁴¹ Jaun₂ jme₁dsiáin'₃ táng₃ ja₁tián'₄ 'éi₂ jē₁ca₂té'₂ 'nag'₂ ráun₂, jaun₂ ca₂juá'₂:

—¿E₂? ¿Lia'₂ ma₂tián'₅ jaun₂ bá₄ 'nia'₂ le₁güíng'₃? Co₂nē₅ bá₄ nē₃. Ca₂té'₂ bá₄ hora nē₃. Ní₂ 'nia'₂. Ma₂rē₂jín'₅₄ bá₄ Jaun₅ dsa₂ mi₂güíng₃ o₄gú₃ dsa₂ i₂le₁cán'₄ dso₄. ⁴² Nau₂ 'nia'₂ nē₃, ma₃, ia₁ nē₅ ma₂já₅ i₂jáng'₂.

Ma₂le₁te₂ dsa₂ Jesús

(Mateo 26:47-56; Lucas 22:47-53; Juan 18:2-11)

⁴³ Dsi₂jui₅ tē₃jē₄ dsia₂₃ jág₁ jaun₂, ca₂dsióg₃ Judas, i₂lín₅ jan₂ dsa₂ i₂guia₃-tín₂. Juin₅ lin₃ dsa₂ i₂ja₂lén₂ quiong'₅₄ qui₂le₁quian₅ ñi₁tág₂, i₂le₁quian₅ ni₁'ma₂ nē₃, i₂chen₄ quián₅ jui_{g54} jme₂dsa₂, quian'₅₄ tē₅juá'₅, ca₂le₃jín₃ gué₄ dsi₂gui'₅₄ can'₅₄ nē₃. ⁴⁴ Jaun₂ Judas nē₃, ia₁ ma₂ca₂jmo₃ bá₄ jág₁ le₂jniá₅ 'e₂ léi₄ jmo₃ jē₁ma₂té'₂ rē₁jáng'₂, jme₁ma₂juá'₂: “I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂, jaun₂ tē'₅₄ 'nia'₂, lé₅ 'í₁.”

⁴⁵ Jaun₂ dsi₂jui₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—iTē₅! —Jaun₂ ca₂chen'₃ quió'₅. ⁴⁶ Jaun₂ dsi₂jui₅ le₂jaun₂ ca₂jñau'₃ dsa₂, ca₂tág₃.

⁴⁷ La₁ jan₂ i₂jme₁chén'₄ cau₅ nē₃, ca₂dsi₂ ñi₁tág₂, ca₂ti₃ caun₂ rē₂gua₄ dsa₂ i₂jme₂ti₃ quián₅ jme₂dsa₂ dsen₅₄. ⁴⁸ Jaun₂ ca₂juá'₂ Jesús ca₂tsí'₃ dsa₂:

—¿Dsa₂ 'ang₂ líng₅, 'e₂ ja₂nó'₅ 'nia'₂ le₁quian'₄ ñi₁tág₂, 'ma₂ nē₃, a₂tē'₅₄ jniá₂? ⁴⁹ Jua'₂ ca₂le₃jé₃ jmi_{g4} bá₄ 'eng₅₄ jín'₄ 'nia'₂, jme₂tíng₁ dsa₂ i₁dsi₅ guá'₅, tsá₃ ma₂ca₂chong'₂ guē'₂ 'nia'₂ ja₁jaun₂. La₁ lé₂ le₂nē₅, ia₁jaun₂ le₃ti₃ con'₂ lé₅ juá'₂ ne₄ Si₂.

ⁱ36 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

⁵⁰ Jaun₂ qui₂ca₂cuing₃ bá₄ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

Dsó₂ i₂ca₂cuing₃ tē₃rē₂ñí₅

⁵¹ Tē₃jē₄ jaun₂, ñó₃ jan₂ dsó₂ rē₂bóin'₅ caun₂ tsi'₁mi'₂ tióg₃, 'ein₂₃ Jesús.
⁵² Jaun₂ jme₁ca₂jñau'₃ dsa₂, la₁ ca₂lóin₂ bá₄, jmá'₃ tsi'₁mi'₂ bá₄ ca₂lí'₃ dsa₂. Jaun₂ ñái'₃ bá₄ tē₃ rē₂ñí₅.

Ma₂chén'₅ Jesús ne₄ dsi₂tan₅₄ quián₅ guá'₅

(Mateo 26:57-68; Lucas 22:54-55, 63-71; Juan 18:12-14, 19-24)

⁵³ Jaun₂ ca₂tág₃ dsa₂ Jesús i₁jo₅₄ ne₄ jme₂dsa₂ dsen₅₄, jaun₂ ca₂ñí'₂ ca₂le₃jín₃ juig₅₄ jme₂dsa₂, quian'₅₄ dsi₂gui'₅₄ can'₅₄, tē₅juá'₅ nē₃. ⁵⁴ Pe₄ nē₃ ca₂ñó₃ uíng₂ tē₂quín₃ 'ein₂₃ Jesús ca₂tē₂ i₁dsi₅ quió'₅ jme₂dsa₂ dsen₅₄. Ja₁jaun₂ ca₂guá'₂ cau₅ si₂ quian'₅₄ 'lióg₂, ca₂jme₃dsioin'₂.

⁵⁵ Jaun₂ juig₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ nē₃, qui₂ca₂'náu'₃ jui₅ 'a₂ lia'₂ bóin'₂ dso₄ Jesús ia₁jaun₂ jñag'₃. La₁ tsá₃ dso'₂ guē'₂ jui₅ 'e₂ dso₄ jme₃cáu'₂, ⁵⁶ ia₁ juín₅ i₂qui₂ca₂jmo₃ jág₁ tē₂jág₁ a₂bóin'₂ dso₄ Jesús, la₁ tsá₃ tē₃tsi'₅₄ guē'₂ jág₁ quió'₅ tioin'₅₄. ⁵⁷ Jaun₂ i₂lín₅₄ nē₃ qui₂ca₂nau₂ ca₂jmo₃ jág₁ tē₂jág₁ a₂'ni₂₃ Jesús, ca₂juá'₂:

⁵⁸ —Ma₂néi₁ jnia'₅₄ juá'₂ i₂nē₅: “A₂'éng₄ guá'₅ templo a₂ca₂jmo₃ dsa₂ mi₂güí₃, jaun₂ quian'₅₄ 'ni₅ jmig₄ jmóg'₄ táng₃ 'ñió₃ caun₂ guá'₅ siá'₂, on₃juá'₅₄ lia'₂ lé₅ guá'₅ nē₅ a₂ca₂jmo₃ dsa₂ mi₂güí₃.”

⁵⁹ On₃ guē'₂ quian'₅₄ jág₁ jaun₂ ca₂lí'₃ jág₁ rē₂.

⁶⁰ Jaun₂ ca₂nau₂ jme₂dsa₂ dsen₅₄ tē₃jē₄ tioin'₅₄ jaun₂, jaun₂ ca₂ñí'₃ Jesús ca₂juá'₂:

—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ nē₅ jme₂cáu'₂ dsa₂ quiang'₂?

⁶¹ La₁ tei₄ bá₄ ca₂nau₂ Jesús, tsá₃ ma₃'e₂ ca₂ñag₃. Con'₂ siá'₂ ca₂ñag₃ táng₃ jme₂dsa₂ dsen₅₄, ca₂juá'₂:

—¿Dsón'₂ 'ne₂ líng'₅ dsa₂ I₂rē₂'ín₁, Ja₁ñí'₅₄ I₂jñió₅?

⁶² Jaun₂ gué'₄ ca₂ñag₃ Jesús:

—Ján₅, jniá'₂ bá₄ líng₅. Ján₃ bá₄ tē₃ ne'₅₄ 'nia'₂ jē₁ma₂tē₂ rē₁guá'₃ Jaun₅ dsa₂ mi₂güí₃ tē₂le₃ gu₂ ne₁ quió'₅ i₂'uan'₂, jaun₂ ján₃ bá₄ jag'₅₄ 'nia'₂ jē₁ma₂tē₂ rē₁jñiói'₂ táng₃ jē₄ jnei₅ guei'₅₄.

⁶³ Jaun₂ jme₂dsa₂ dsen₅₄ nē₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ñiog₅,^j jaun₂ ca₂juá'₂:

—¿E₂ gué'₄ jmá'₃ jág₁ 'lióng₂ 'niog₂ jniog₄ jua'₅₄ a₂jáng'₃ gué'₄ dsa₂ sián'₂ jág₁ dsau₅? ⁶⁴ Ma₂nē₂nei'₂ bá₄ 'nia'₂ guiong'₅₄ a₂ma₂nē₂juá'₂ i₂nē₅ 'iin₂₃ Díu₄. ¿A₂ lia'₂ juá'₂ 'nia'₂?

Jaun₂ ca₂le₃jín₃ dsa₂ ca₂juá'₂ tioin'₅₄, ca₂tín₂ jóin₂ bá₄.

^{j63} Jme₁chí'₄ tag₄ quió'₅ dsa₂ judíos jmig₄ jaun₂ a₂gág₅ dsa₂ ni₁tsin'₅₄ cuē₂₃ léi₄ jē₁ma₂'í₅ 'nei₂ dsí₅, o₃ jme₁'i₄ qui'₂ dsí₅.

⁶⁵ Jaun₂ ca₂jme₃lióg₃ i₂lin₅₄ qui₂ca₂'ñéi₃ quió'₅ Jesús, qui₂ca₂lio₃ dsa₂ dsi₂ne₅₄, jaun₂ qui₂ca₂jno₂ në₃ tioen'₅₄, jaun₂ juá'₂:
—iDsi₄ jág₁ jua'₅₄ 'ein₂ në₂quein₃ quiáng'₂!
Chi'₂ 'i'₅₄ quián₅ guá'₅ në₃, ján₃ bá₄ qui₂ca₂cuë₃ ja'₂ tioen'₅₄.

Tsá₃ ca₂tion₃ Pe₄ a₂cuin₂₃ Jesús

(Mateo 26:69-75; Lucas 22:56-62; Juan 18:15-18, 25-29)

⁶⁶ I₁dsi₅ ca₁'né₄ 'uë₃ bá₄ jme₁guá₄ Pe₄. Jaun₂ ca₂dsióg₃ jan₂ 'io₅₄ i₂jme₂ti₃ ta₁ ne₄ jme₂dsa₂ dsen₅₄, ⁶⁷ jaun₂ ca₂jín₂ Pe₄ guá₅ jme₂dsioin'₂, jaun₂ ca₂jág₂ 'io₅₄ tiá₂, ca₂juá'₂:

—¿Ján₃ guë'₂ jme₁quian'₄ 'ne₂ Jesús Nazareno ó?

⁶⁸ La₁ tsá₃ ca₂tion₃ Pe₄.

—Tsá₃ guion₅₄, on₃ gué₄ ñíg'₂ 'e₂ a₂juá'₂ 'ne₂.

Jaun₂ ca₂nau₂ Pe₄ ca₂o₃'ín₃ ca₂i₁nau₂ të₂le₃ ca₁'né₄ ja₁lë₄ corredor. Të₃jë₄ jaun₂ ca₂'o₃ të₁guí₄ dsó₂. ⁶⁹ Con'₂ siá'₂ ca₂jág₃ táng₃ 'io₅₄ ca₂jín₂ Pe₄, jaun₂ ca₂juá'₂ ca₂tsí'₃ dsa₂:

—Jan₂ rin'₅₄ 'éi₂ bá₄ në₅.

⁷⁰ La₁ ján₃ bá₄ le₂jaun₂ tsá₃ ca₂tion₃ Pe₄. Jme₁co₂lág₂ jaun₂, dsa₂ i₂tián'₅ quian'₅₄ Pe₄ ca₂juá'₂:

—Dsón'₂ rin'₅₄ 'éi₂ bá₄ líng'₅, ia₁ ján₃ bá₄ Galilea chang'₂.

⁷¹ Jaun₂ në₃, Pe₄ ca₂'iin₃ Diú₄ ca₂mi₃ a₂dsi₃ñí₂ 'e₂ dsi₃ñí₂, ca₂juá'₂:

—iTsá₃ cuíng₅ dsa₂ i₂'ín'₅ 'nia'₂!

⁷² Dsi₂jui₅ jaun₂ ca₂'o₃ táng₃ të₁guí₄ dsó₂ a₂ca₂të₂ tin₃ ráun₂. Jaun₂ gué₄ në₃ ca₂dsáu'₃ dsí₅ Pe₄ a₂ca₂juá'₂ Jesús le₂jniá₅: “Né'₃ a₂'o₃ jë₁ca₂të₂ tin₃ ráun₂ të₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jme₁ca₂dsáu'₃ dsí₅ jág₁ në₅, jaun₂ gué₄ ca₂'o₃ 'ñio₅ lín₃.

Chén'₅ Jesús ne₄ Pilato

(Mateo 27:1-2, 11-14; Lucas 23:1-5; Juan 18:28-38)

15 ¹ Dsi₂jui₅ jme₁nia₃ táng₃ jaun₂, ca₂ñi'₂ juig₅₄ jme₂dsa₂ quian'₅₄ dsi₂gui'₅₄ can'₅₄, quian'₅₄ ca₂le₃jín₃ të₅juá'₅, ca₂le₃jín₃ gué₄ i₂lín₅ dsi₂tan₅₄ quián₅ guá'₅ në₃. Qui₂ca₂ñí'₃ riin'₅₄ ca₂jmo₃ caun₂ jág₁. Ca₂'néi'₂ Jesús tioen'₅₄, jaun₂ ca₂i₁jio₃ ne₄ Pilato. ² Jaun₂ ca₂ñag₃ Pilato:
—¿Dsón'₂ líng'₅ Rag₅₄ quián₅ dsa₂ judíos?

Jaun₂ ca₂ñag₃ Jesús:

—Le₂në₅ bá₄, jui₁lia'₂ juá'₂ 'ne₂ në₅.

³ Jaun₂ caun₂ qui₂ca₂'nag₃ gué₄ juig₅₄ jme₂dsa₂ 'lióng₂ ne₅₄ dso₄ ca₂bóin'₂ Jesús. ⁴ Jaun₂ con'₂ siá'₂ táng₃ ca₂ñag₃ Pilato ca₂ñí'₃ Jesús, ca₂juá'₂:

—¿Tsa₁ a₂ñag'₅₄? Në₅ bá₄ nag'₂ 'ñiag'₂ 'lióng₂ dso₄ a₂bóg'₂ dsa₂.

⁵ La₁ tsá₃ ma₃'e₂ ca₂ñag₃ Jesús 'i₁caun₂. Jaun₂ jë₃ ca₂i₃gó'₃ dsí₅ Pilato.

Ca₂o₃'ág₃ 'éi'₃ a₂jón₂ Jesús

(Mateo 27:15-31; Lucas 23:13-25; Juan 18:8-19:16)

⁶ Jmíg₄ jaun₂ jme₁chí'₄ tag₄ a₂lióin₂ ca₂le₃jé₃ ñi₂ jan₂ dsa₂ i₂'en₅₄ né'₃ 'má₃, jme₁të₅ Jmíg₄ Të₂'in₅₄, 'ein₂ ca₂'in₃ dsa₂ juig₂ i₂lión₂. ⁷ Jaun₂ jme₁'en₅₄ né'₃ 'má₃ jan₂ dsa₂ i₂chen₂ Barrabás, quian'₅₄ dsa₂ i₂ma₂ca₂jme₃dsian₅ dsa₂ jme₁ca₂nau₂ 'nei₂. ⁸ Jaun₂ ca₂mi₃ dsa₂ juig₂ ca₂tsí'₃ Pilato a₂jmo₃ con'₂ lé₅ tag₄ chí'₅. ⁹ Jaun₂ ca₂ñag₃ Pilato ca₂tsí'₃ dsa₂ juig₂:

—¿'Niog'₂ 'nia'₂ lon₄ jniá₂ Rag₅₄ quián₅ dsa₂ judíos?

¹⁰ Ia₁ ca₂rë₃lí'₄ bá₄ Pilato 'ñiog₅ a₂'iog₅₄ uig₅ dsí₅ bá₄ juig₅₄ jme₂dsa₂ ca₂jín'₂ Jesús ne₅₄. ¹¹ La₁ juig₅₄ jme₂dsa₂ né₃ ca₂toin'₂ jág₁ dsa₂, jaun₂ tóin'₃ co₂mi'₅₄ a₂mi₃ lión₂ Barrabás bá₄. ¹² Jaun₂ ca₂ñag₃ táng₃ Pilato ca₂tsí'₃ dsa₂ juig₂:

—¿'E₂ guë'₂ 'niog'₂ 'nia'₂ jmo₅₄ jniá₂ quian'₅₄ i₂të'₂ 'nia'₂ rag₅₄ quiáng'₂?

¹³ Jaun₂ ca₂ñag₃ dsa₂ juig₂ co₂mi'₅₄ tóin'₅₄, ca₂juá'₂:

—i'Tióin₃ cróg₄!

¹⁴ Jaun₂ ca₂juá'₂ táng₃ Pilato:

—¿'E₂ 'uig₅₄? ¿'E₂ guë'₂ dso₄ ma₂'náu₂?

La₁ të₂le₃ i₂juí'₂ guë'₄ co₂mi'₅₄ ca₂tóin'₂, ca₂juá'₂:

—i'Tióin₃ cróg₄!

¹⁵ La₁ Pilato né₃, ia₁ jaun₂ dsi₃lén₂ dsa₂ tei₄, ca₂lióin₂ bá₄ Barrabás i₂mi₅ dsa₂ lión₂. Jme₁ma₂në₂dsí₃ Pilato 'éi'₃ a₂bán₂ dsa₂ Jesús, jaun₂ ca₂jáng'₂ o₄gú₃ dsa₂ juig₂ jaun₂ tion₃ cróg₄.

¹⁶ Jaun₂ ca₂tág₃ 'lióg₂ Jesús të₂le₃ i₁dsi₅ ne₄ta₁, (co₂'nió'₄ caun₂ ja₁chei₂ Praetorio), jaun₂ ca₂ñí'₂ 'lióg₂ ca₂le₃jín₃ riin'₅₄. ¹⁷ Jaun₂ ca₂quei'₃ dsa₂ caun₂ capa 'ui'₃,^k jaun₂ ca₂jmo₃ caun₂ corona quian'₅₄ chi₁uáng₃ taun₅, ca₂tó'₂ mi₂dsi₄ Jesús. ¹⁸ Jaun₂ ca₂jme₃lióg₃ qui₂ca₂cuag₃ Diú₄ tóin'₅₄, ca₂juá'₂:

—i'Sian'₃ 'ne₂ Rag₅₄ quián₅ dsa₂ judíos!

¹⁹ Jaun₂ qui₂ca₂bá₂ mi₂dsi₄ Jesús quian'₅₄ ni₁'ma₂ ta₅, qui₂ca₂'ñéi₂ né₃ tóin'₅₄, qui₂ca₂chi₃jnë₃ né₃, a₂jme₂juag'₂. ²⁰ Jme₁ca₂lë₃ a₂lë₁co₂j móg'₂ jaun₂, ca₂dsein₂₃ táng₃ Jesús tsi₁'mi'₂ 'ui'₃ a₂jme₁ca₂quei'₃. Jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ guë'₄ ca₂jñiai₃ Jesús a₂dsi₃tion₃ cróg₄.

^k17 Color 'ui'₃ jui₁lia'₂ 'mi'₂ a₂qui'₅₄ rag₅₄.

Ca₂tion₃ dsa₂ cróg₄ Jesús

(Mateo 27:32-44; Lucas 23:26-43; Juan 19:17-27)

²¹ Jaun₂ ca₂chi₃quiáin₂ jmig₄ jan₂ dsa₂ i₂'en₅₄ jui₅ jón'₅ ja₁nau₂, i₂chen₂ Si₂mu₅₄ i₂chan₂ juig₂ Cirene, i₂lín₅ jmei₂ Alejandro quian'₅₄ Rufo, a₂cán₂ 'éi₂ cróg₄ quió'₅ Jesús.

²² Jaun₂ ca₂jnia₃ dsa₂ Jesús caun₂ ja₁chei₂ Gólgota, (co₂'nió'₄ jein₅ jág₁ chei₂ Dsi₂con'₂ Ni₁mu₅ Mi₂dsi₄ 'Lag₄.) ²³ Jaun₂ ca₂jén'₃ ne₄ Jesús vino a₂rē₂cón'₅ quian'₅₄ mirra, la₁ tsá₃ ca₂gue₃ 'éi₂. ²⁴ Jaun₂ gué₄ ca₂tion₃ cróg₄. Dsi₂'lióg₂ gué₂ né₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂.

²⁵ Con'₂ hora ní₁ ní₃ tē₂ o₃'iog₂,^l ca₂tion₃ dsa₂ cróg₄. ²⁶ Jaun₂ ca₂tióng₃ letra dsi₄ cróg₄ co₂'nió'₄ a₂juá'₂ 'e₂ dso₄ a₂bóin'₂ Jesús, a₂juá'₂: “RAG₅₄ QUIÁN₅ DSA₂ JUDÍOS.” ²⁷ Ján₃ bá₄ ca₂tioin₃ gué₄ on₃ dsa₂ 'ang₂ co₂lě₅ quiong'₅₄, jan₂ tē₂le₃ gu₂ ne₁, jan₂ gué'₂ tē₂le₃ gu₂ jen₅.^m

²⁹ Jaun₂ ca₂le₃jín₃ dsa₂ i₂qui₂ca₂ñí₃ jui₅ jaun₂ qui₂ca₂jnáu'₂ jág₁ uig₅, qui₂bí₂ dsi₅₄, ca₂juá'₂:

—Ia₁, ÷on₁ 'ne₂ i₂juá'₂ a₂'éng'₄ guá'₅ con'₂ siá'₂ ting'₂ jmog'₅₄ táng₃ quian'₅₄ 'ni₅ jmig₄? ³⁰ Nē₃ né₃, lion₄ 'ñiag'₂, ja₁tong'₂ nē₅.

³¹ Ján₃ bá₄ le₂jaun₂ a₂lě₁qui₂co₂jmóg'₂ juig₅₄ jme₂dsa₂, quian'₅₄ tē₅juá'₅, dsia₂₃ jág₁ qui₂tsí'₅ riin'₅₄, juá'₂:

—Ca₂lióin₂ bá₄ i₂sián'₂, la₁ 'ñiog₅ bá₄ tsá₃ lé₂ le₃lióin₃. ³² Jui₁sión₄ cróg₄ I₂rē₂'ín₁ quián₅ Diú₄ nē₅, i₂juá'₂ lín₅ Rag₅₄ quián₅ dsa₂ juig₂ Israel, ia₁jaun₂ tē₅₄ ne₄ jniog₄, ia₁jaun₂ le₃'éin₂.

Le₂jio₅ dsa₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Mateo 27:45-56; Lucas 23:44-49; Juan 19:28-30)

³³ Jme₁ca₂tē₂ dsi₃ñí'₃,ⁿ ca₂'ág₂ nei₂ le₂con₂ 'uē₃ jaun₂, ca₂lia'₂ ca₂tē₂ hora ní₁ 'ni₅ tē₂le₃ ca₂'láu₂.^o ³⁴ Hora jaun₂, ca₂'ñia₂ gué₄ Jesús jág₁, ca₂juá'₂ tiá'₂:

—Eloi, Eloi, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lē₃ ma₂nē₂téi'₃ jniá'₂?^p

³⁵ I₂lín₅₄ dsa₂ i₂jme₁tió₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—iNei₂! Elías i₂jme₁'é₂ jág₁ quián₅ Diú₄ ma₂líg'₂ té'₂.

^l25 lit. “hora 'ni₅.” 'Nio'₂ ja₁ton₅ Apéndice B.

^m27 A₂lín₅₄ chog₅₄ si₂ chi₁ton₅ versículo 28, a₂juá'₂ le₂la₂: “Jaun₂ le₂jaun₂ ca₂rē₃ti₃ con'₂ lē₅ juá'₂ Si₂ quió'₅ Diú₄: ‘A₂jmá'₂ dsa₂ 'éi₂ jui₁lia'₂ jē₁jmái'₂ dsa₂ i₂rin₂ dso₄’.” Isaías 53:12.

ⁿ33 lit. “hora jñéi₂.”

^o33 lit. “hora ní₃.”

^p34 Salmo 22:1.

³⁶ Jaun₂ né₃ njó₃ jan₂ co₂chi'₅₄ i₁quian₅₄ caun₂ ni₁jau₂ guion₅ jmig₂.
Jaun₂ ca₂guoin₃ vino dsi'₃. Jaun₂ ca₂chi₃dsí₂ nei'₅₄ caun₂ ni₁'ma₂ ta₅,
jaun₂ ca₂jén'₃ ne₄ Jesús ia₁jaun₂ jme₁'ín'₂. Jaun₂ juá'₂:

—O₁ne₄ chi₂jua'₂ jiá₃ Elías jaun₂ sió₂ quió'₅.

³⁷ Cón'₂ bá₄ ca₂'njíog₂ gué₄ Jesús tiá₂ lín₃, co₂tan₅₄ ca₂join₃. ³⁸ Hora
jaun₂ dé₄ dsón'₂ co₂dsia₅ ca₂chen₃ ca₂të₂ guei'₅₄ ca₂të₂ 'uë₃ ca₂lë₃ tin₃
tsín'₅ tsi₁'mi'₂ pa₁ a₂jme₁'ei₅ dsi₂néi₂ guá'₅ templo. ³⁹ Jaun₂ juig₅₄ 'lióg₂
i₂jme₁chén'₄ cau₅ cróg₄, jme₁ca₂jág₃ 'a₂ lia'₂ ca₂jon₃ Jesús, jaun₂ ca₂juá'₂:

—Të₃dsón'₂ bá₄ jme₁lín₄ dsa₂ në₅ Ja₁ni'₅₄ Diú₄.

⁴⁰ Jaun₂ bá₄ jme₁tión₂ i₂lín₅₄ 'io₅₄, jág₅ uíng₂ ján₃. Jë₄ jaun₂ jme₁chén'₄
María chan₂ Magdala, quian'₅₄ María chog₅₄ i₂chen₂ José, quian'₅₄
i₂chen₂ Jacobo^q i₂lín₅ i₂me'₂ gué₄, quian'₅₄ gué₄ jan₂ i₂chen₂ Salomé.

⁴¹ 'Io₅₄ 'éi₂ ma₂ja₂lén₂ le₂tan₅₄ 'uë₃ Galilea jme₂ti₃ ne₄ Jesús. Juin₅ bá₄
gué₄ 'io₅₄ sián'₂ i₂ma₂ja₂lén₂ 'ein₂₃ Jesús të₂ Jerusalén.

Ca₂'on₃ Jesús

(Mateo 27:57-61; Lucas 23:50-56; Juan 19:8-42)

⁴² Jme₁ca₂tó'₂ nei₂ jmig₄ jaun₂, tion'₅₄ dsa₂ jmo₂₃ co₂jnia₅₄ jui₁lia'₂
'ióg₃ jmig₄ jnió₅. ⁴³ Jaun₂ ca₂dsióg₃ José i₂chan₂ Arimatea, i₂lín₅ jan₂ dsa₂
dsen₅₄ i₂quian'₅₄ dsi₂tan₅₄ quián₅ guá'₅. Ia₁ 'éi₂ ján₃ jme₁chi₁jnia₂₃ a₂'ín₂
dsí₅ a₂guá₂ 'éi'₃ quió'₅ Diú₄. Jaun₂ ca₂dsia₃ tiá₂ dsí₅ né₃, njó₃ ja₁con₂
Pilato, ca₂i₁mii₁₂ 'lag₄ Jesús. ⁴⁴ Jaun₂ ca₂i₃gó'₃ dsí₅ Pilato jme₁ca₂nág₂
a₂ma₂jon₅ Jesús, jaun₂ ca₂të'₃ juig₅₄ 'lióg₂ ca₂ñag₃ chi₂jua'₂ dsón'₂
ma₂join₂₃. ⁴⁵ Jme₁ca₂rë₃ni₅ ca₂juá'₂ 'lióg₂, “Dsón'₂ bá₄ le₂jaun₂
ma₂ca₂lë₃”, jaun₂ ca₂jín'₂ 'lag₄ o₄gú₃ Sé₄ 'éi₂. ⁴⁶ Jaun₂ Sé₄ né₃ ca₂i₁lia₅
'mi'₂ tióg₃; quian'₅₄ a₂jaun₂ ca₂lioín₃ 'lag₄ Jesús jme₁ca₂sió₂ cróg₄. Jaun₂
ca₂to'₂ 'njíó'₃ tau₂ 'ñio₅ a₂jme₁ma₂lé₅ dso'₂ ni₁'lau₂. Jaun₂ ca₂mói₂
ca₂míg₂ ni₁cang₁ 'í₂ pa₁, ca₂jne₃ 'o₄ tau₂ 'ñio₅. ⁴⁷ Jaun₂ María i₂chan₂
Magdala quian'₅₄ María chog₅₄ José, ca₂të₂ ne₅₄ ja₁ca₂'on₃ Jesús.

Ca₂jen'₅₄ Jesús

(Mateo 28:1-10; Lucas 24:1-12; Juan 20:1-10)

16 ¹ Le₃ca₂gú'₃ jmig₄ jnió₅, jaun₂ María i₂chan₂ Magdala quian'₅₄
María chog₅₄ Jacobo,^r quian'₅₄ gué₄ jan₂ i₂chen₂ Salomé,
ca₂i₁lia₅ no'₅₄ mi₂juig₂ a₂jme₁dsi₃tsáng₃ ni₁ni₁ 'lag₄ Jesús. ² Jaun₂ le₁né₃
gué₄ jme₁jnia₃ jmig₄ le₂'uig₅₄ semana, ca₂i₃lén₂ ja₁chi₁'on₅ Jesús,
ca₂dsi₃lén₂ con'₂ ma₂'en₅ ca₂la₂ 'iog₂. ³ Jaun₂ dsia₂₃ jág₁:

—¿Ein₂ jme₃'o₅₄ jniog₄ mói₂ cau₅ ni₁cang₁ a₂chi₁jni₅ 'o₄ tau₂ 'ñio₅?

⁴ La₁ jme₁ca₂jág₃ né₃, jua'₂ ma₂rë₂mu₅, cau₅ bá₄ ma₂chí'₅. Ia₁ a₂jme₁pa₁
lín₃ bá₄ ni₁cang₁. ⁵ Jaun₂ ca₂i₃toín'₅₄ 'njíó'₃, jaun₂ ca₂jín₂ jan₂ dsa₂ chi'₂

^q40 o₃, Santiago.

^r1 o₃, Santiago.

i₂qui' ₂ 'mi' ₂ chen' ₅₄ tiog₂, guá₅ tē₂le₃ gu₂ ne₁ ja₁i₃lén₂ jaun₂. Jaun₂ ca₂i₃gó' ₃ dsí' ₅ 'io' ₅₄ né₃. ⁶ La₁ ca₂juá' ₂ dsa₂ 'éi' ₂:

—Tsá₃ jui₁dsi₂gó' ₃ 'au' ₂ 'nia' ₂. A₂'na' ₂ Jesús bá₄ 'nia' ₂ i₂nio' ₅₄ i₂ca₂jon₃ ca₂tion₃ dsa₂ cróg₄. La₁ ma₂ca₂jein' ₅₄ bá₄. Tsá₃ 'éi' ₂ chan₂ ja₁lá₃. Nē₅ jag₄ 'nia' ₂ ja₁ca₂quio' ₅ dsa₂. ⁷ Jaun₂ o₂nó' ₅ 'nia' ₂ o₂chei' ₅₄ chi' ₂ dsi₂guia₃-tín₂ quiáin₅, Pe₄ né₃, a₂ma₂'ein' ₅₄ jui₅ nō₅ jñiái₅ lia' ₂ con' ₂ gué₄ 'nia' ₂ jui₅ Galilea. Ja₁jaun₂ o₁jñin' ₄ 'nia' ₂ con' ₂ lé₅ jág₁ quió' ₅ ma₂ca₂juá' ₂. ⁸ Jaun₂ ca₂'uui₂ tau₂ 'ñio' ₅ i₃lein₃ cuing₂₃, dsi₂gó' ₃ dsí' ₅ jlein₂₃. Tsá₃ 'ein' ₂ ca₂tsí' ₃ le₂'i₄ jui₅, ia₁ a₂gó' ₅ bá₄ i₃lein₃.

Ca₂jme₃jnia₅ Jesús ne₄ dsa₂ quiáin₅^s

(Juan 20:11-18)

⁹ Jaun₂ tē₂le₃ o₂'iog₂ jmi₄ le₂'uig' ₅₄ a₂ca₂rē₃lióg₃ semana a₂ca₂jein' ₅₄ jaun₂, ca₂jme₃jniai₂₃ le₂'uig' ₅₄ ne₄ María chan₂ Magdala, i₂ca₂'uín' ₂ Jesús guion₃ je₂na' ₅₄ quió' ₅ le₂jñiá₅. ¹⁰ Jaun₂ 'éi' ₂ né₃ ca₂i₁chi' ₄ dsa₂ i₂jme₁quian' ₅₄ Jesús. 'Éi' ₂ né₃, tío₁n' ₅₄ 'lia' ₂ dsí' ₅, qui' ₂-'o₂₃ bá₄. ¹¹ Jme₁ca₂nág₂ juá' ₂ 'io' ₅₄ a₂ma₂chan₂ táng₃ Jesús, ia₁ ma₂nē₂jág₂ 'io' ₅₄, la₁ tsá₃ 'ein' ₂ ca₂rē₃'én₂ gué' ₂ jág₁ jaun₂.

Ca₂jme₃jnia₅ Jesús ne₄ on₃ dsa₂ quiáin₅

(Lucas 24:13-35)

¹² Cang₂ jaun₂ táng₃ ca₂jme₃jnia₅ Jesús le₂siá' ₂ ne₄ on₃ dsa₂ 'éi' ₂ quiáin₅, ja₁jme₁i₂nioi' ₅₄ ja₁nau₂. ¹³ Jaun₂ ca₂i₃lein₃ táng₃ ca₂i₁chi' ₄ riin' ₅₄. Ján₃ bá₄ le₂jaun₂ tsá₃ 'ein' ₂ riin' ₅₄ ca₂rē₃'én₂ jág₁ a₂dsia₅ 'éi' ₂.

Ca₂chen₃ Jesús chi' ₂ dsi₂guia₃-tín₂ i₂lé₂ gué₄

(Mateo 28:16-20; Lucas 24:36-49; Juan 20:19:23)

¹⁴ Cang₂ gué₄ jaun₂ ca₂jme₃jnia₅ Jesús jin₄ ta₁guia₃-ján₃ con' ₂ i₂jme₁tén₄ gué' ₅. Jaun₂ ca₂jí₂ ia₁ 'e₂ lē₃ nī₄ lē₃ cang₄ dsi' ₅₄, tsá₃ 'éin' ₂ a₂juá' ₂ riin' ₅₄ i₂ma₂ca₂té₂ ne₄ a₂ma₂ca₂jein' ₅₄ táng₃.

¹⁵ Jaun₂ ca₂juá' ₂ ca₂tsí' ₃ dsa₂ 'éi' ₂:

—O₂nó' ₅ 'nia' ₂ le₂con₂ mi₂güí₃, o₂'é₃ jin₄ ca₂le₃jín₃ dsa₂ jág₁ dse₃. ¹⁶ I₂'én₂, i₂jñó₂ jmi₄ né₃, lióin₂, tñin' ₄ bá₄. I₂tsá₃ 'én' ₂ né₃, le₃chain₂ tío₁n' ₅₄ 'éi' ₃ a₂dsi₃'éin₂. ¹⁷ Jaun₂ léi₄ la₂ jme₃quian' ₅₄ dsa₂ 'én' ₂. Tē₂le₃ quian' ₅₄ bí₂ 'éi' ₃ quió₃ jniá₂, 'uín' ₂ je₂na' ₅₄, ton' ₂ dsia₃ dsa₂ jág₁ jmei₅ 'mí' ₂ né₃. ¹⁸ Nē₁juá' ₂ 'ein' ₂ ca₂jña' ₃ dsi₂mi' ₂, o₃ 'ein' ₂ ca₂'in' ₃ mí₅ 'lig' ₅₄, la₁ tsá₃ 'e₂ jén' ₄. Qui₂quiog₃ gu₂ ne₄ quió' ₅ dsa₂ dso' ₅₄, jaun₂ 'lión' ₂ bá₄ dsa₂.

^s9 Chog₅₄ si₂ a₂lé₅ gui' ₅₄ gué₄ tsá₃ le₁ton₅ versículos 9-20.

Ca₂uíg₂ Jesús guei'₅₄ i₂juig₃
(Lucas 24:50-53; Hechos 1:6-11)

¹⁹ Jme₁ma₂lë₅ juá₂ Te₁gui'₅₄ Jesús le₂në₅, jaun₂ gué₄ ca₂roin'₂ ηái'₃
 guei'₅₄ i₂juíg₃, jaun₂ ca₂guá₂ të₂le₃ gu₂ ne₁ quió'₅ Diú₄. ²⁰ Cang₂ jaun₂,
 dsa₂ i₂jme₁quiain'₅₄ në₃, ca₂'uüin₂ i₁lein₅₄ ca₂le₂con₂ juig₂ i₁'é₄ jág₁. Jaun₂
 'ηiog₅ bá₄ Te₁gui'₅₄ Jesús ca₂cuë₃ bí₂, ca₂jmo₃ léi₄ a₂dsón'₂ dsau₅ jág₁
 quió'₅, të₂le₃ quian'₅₄ ca₂le₃jé₃ léi₄ juë'₂ a₂qui₂ca₂jmo₃ dsa₂ quiáin₅.
 Co₂në₅.